

**TWELFTH SITTING ON FRIDAY, THE 24TH
MARCH, 2006**

: : :

MEMBER PRESENT

Pu Lalchamliana Speaker at the Chair, Chief Minister, Deputy Speaker, 13 Ministers and 21 Members were present.

QUESTIONS

1. **QUESTIONS** entered in separate list to be asked and oral answers given.

PRIVATE MEMBERS' BUSINESS

2. (i) **Private Member's Bill**

PU ANDREW LALHERLIANA to beg leave of the House to introduce "The Aizawl Municipality Bill, 2005".

ALSO

to introduce the Bill
to move that the Bill be taken into consideration

And
to move that the Bill be passed

- ** (ii) **Private Members' Resolutions**

S P E A K E R

: A lan angin ngaihtuah sub ula, fel takin ngaihtuah zawk rawh u.

Johana 7 : 24

Starred Question No. 166-na zawt turin

Pu Laurinliana Sailo ilo sawm ang.

PU LAURINLIANA SAILO

: Pu Speaker, ka lawm e. Ka zawhna Starred Question No. 166-na (a) Teirci Hydrel Project mimal/company te enkawl hi sorkarin hlawk zawkin a hria em? (b)

Hria nise, engzatnge mimal enkawl hnuah pawisa a hlep tawh ? tih ka zawt e.

S P E A K E R : Hei hi Power & Electricity Department changtu Chief Minister Pu Zoramthanga chhan tur a ni a. Mahse, a awm loh avangin midang a authorized a, Minister zahawm tak Pu Tawnluia chhang turin sawm ila, a kal thui tawh deuh a zawhbelhna lamah Mini kha chu ti ila a tha ang a. Original ang khan chhan phawt nisela.

PU TAWNLUIA MINISTER : Pu Speaker, member zahawm tak Pu Rina zawhna chhanna - (a) Hria e. (b) Teirei Hydel Project enkawl hna hi 27.7.2003 atangin mimal/company (i.e.RH Construction) hnenah pek a ni a, hemi kum atanga January, 2006 thlenga electric a siamchhuah atanga sorkarin a hlep tawh chu hetiang hi a ni.

27.7.2003 to 26.7.2004	-	Rs. 59.25 lakhs
27.7.2004 to 26.7.2005	-	Rs. 56.16 lakhs
27.7.2005 to January, 2006	-	Rs. 40.01 lakhs
TOTAL	-	Rs. 155.42 lakhs a ni e.

PU LALRINLIANA SAILO : Pu Speaker, kan sawi tam tawh a, mahse a tul a ni ang e. Tuna Minister zahawm tak chhanna kha a hlep ni lovin a hmuh-chhuah tawh a ni lo maw ? A hlep kha ania ka zawh ni. Awle, zawhbelhna - maintenance kha kan sawi tawh a, a hmunah kan zuk kal ngei a. Damparengpui atangin ke in kan zuk kal a, a khuahna tlangpui khu khuah that loh nge ? Tin, a bangte khu a khi rem rum tawh mai a. Tin, Pu Speaker, ka ngaih pawimawh chu mizo niloton an enkawl khuan mi an zah lo deuh emaw chu aw, ka ti a. Sangha te khu an bomb thin a ni. Khatianga an tih chuan a khuahnate khu a nghawr chhia ang a, kan asset ropui tak hi a chhiat phah ang tih ka hlau deuh a. Chuvangin, enkawi zui pui deuh hlek sorkarin mitmei zui kha tha ka ti a, chu chu ka sawichhuak duh a.

Tin, ka sawi leh duh chu ka zawhna ni nghalin. Politics kan khelh hian thudik chanve sawi a tha lovin ka hria a, congress ministry kha engmah ti lo leh nuamchen angin min sawi a, chutih rualin vawiinah hian congress ministry hnathawh kha Mizoram hian a chhawr a ni. Entirnan - Maicham Project te, Tuipang te, Kau Tlabung te, Serlai te, Khawiva te, Teirei te hi kan thawh a ni a, kan hotute thawh kha a ni a. Chutiang chuan thawh nei lova in sawi kha a tha reng reng lova. Chuvang chuan, Lawng tuk hnuah he ministry hian Pu Speaker, power generate tawh tura Zoram tana a thawh ve hian engnge hma a lak tawh reng reng ka zawt a ni.

PU ZODINTLUANGA

Pu Speaker, zawhbelhna. Teirei Mini Hydel Project mimai hman hian hi Sorkarin a hlawk zawk tih hria in a privatized a ni a, tunah kan Minister in a chhang a. Hetianga a hlawk anih si chuan Mini Hydel Project tam tak Maicham te. Khawiva te, Kau Tlabung te khatiangho kha engtikah nge a privatized ve dawn tih a ni a. Tin, hmanni khan kan House Leader zahawm tak khan an privatized na kha sorkar ang khan an enkawl tha thei love a ti a. Chuvang a Teirei Mini Hydel Project hi an enkawl that theih loh avanga privatized nge hmundang a mi Mini Hydel Project a thawkte an thawk tha bik tih ka zawt a.

Tin, Pu Speaker, a relevant lo deuh mai thei a, hun remchang a ni a, Power Deptt. hi an lian em em a, an hnathawkte stagnation a nasa em em a, kan Engineer te, kan Staff te kum 17 an post ngai a awmte an awm a, PWD ah te pawh Chief Engineer 3 ah then a ni a, chutiangan Health Deptt. te pawh then hran a ni a, he Deptt. hi kan sorkar hian then ve a tum hnai tawh em ? tih ka zawt e.

PU LIANSUAMA

Pu Speaker, kum 3 chbung lekin nuai 155.42 laian a lo hlawk hman a. Teirei Project ruahman anih lai khuan a tlem berah mega watt 3 tichhuak thei tura a foundation leh a structure zawng zawng khu design a ni a. Hetiang hian a lo hlawk baw si a, Maicham belhchhah ang hian a khuahna kotlang kha han siam hlek ilang chuan nasa takin power a pechhuak tam dawn tihna a ni a. A bul zawng zawng Pump House te leh engkim neihsa vek tawh a khuah tlang san zawng han belh hlek mai kha a ni a. Chu chu sorkar hian a ti mai thei ang em ? tih leh kum 2007 ah chuan Power Deptt. hi sorkar ni tawh lovin Board emaw Private emaw in an kal tawh ang tih ruahmanna kha a la kal zel em ?

PU D. THANGLIANA

Pu Speaker, zawhbelhna. Power leina rate engzatnge ? Tin, megawatt engzatnge a lei ? tih leh supply & power kan neihsa ang te a tha ta hle hi engvang nge ? Tunhma khan kan thim tam viau a, nimahsola tunah chuan kan laht tam ta viau nge ? Engnge ni a chhan tih lai kha kan zawt ve a. Tin, chuloah chuan pakhat kan zawhbelha chu Mizoram Power engzatnge kan thar ve tawh ? tih a kha kan zawt ve a ni.

S P E A K E R

Kan duhtawk rih dawn em ni ? Tichuan, a bak kha nakinah a tul viau leh ti ta ila, a tha ang e. grid-power leina kha chu hmannah a changtu Minister khan House-ah fiah takin a sawi tawhin ka hria a. A chhan theih chhang turin Minister Pu Tawnlua ilo sawm leh phawt ang.

PU TAWNLUIA : Pu Speaker, hemi kan privatize a, a enkawitna hi R.H. Construction hi a neitu Mizo a ni a, a chhawrite chu Vai leh Mizo an ni e. Tin, hemi a hlawkna kan hmu a ni mai lova, cheng nuai 155.42 kha kan profit liau liau a ni.

PU LALRINLIANA SAILO : Pu Speaker, a chhut dan hi a sei khawp mai a, tawite in kan sawi ang a, a chhut dan hi ni 27.7.2003 atanga 26.7.2004 ah Re 1/- in kan lei a, kha kha Re 1/- a kan lei hi Rs 2.10 in consumer ah kan pe a, Rs. 1.10 kha kan hlep a ni. Khatianga tih khan kan lei, tuna a neitupa i ti tawh mai ang hnen atang khan Re 1/- in kan lei a ni, khami kum kha chuan Pu Speaker. Tin, a kum dang lehah hian khatianga bawh khan kan lei a, Rs. 2.10 khamin consumer ah kan pechhuak ve leh ta a, kha kha kan rate pangngai kha a ni a. Chuvang chuan Pu Speaker, profit a awm chiang khawp mai. Tin, tun maiah hianin kumin kum kallai mekah pheh hi chuan 2005 July thla atanga January thla thlangah pheh hi chuanin a enkawitute nen hianin an indawr a, an bargain a, tunah hianin Rs. 0.93 in unit ah kan lei a, chuvang chuan Pu Speaker, a hlawk khawp mai 93 paise in anni khuan an thawk niin ka hria a, engzatin nge min pek leh tih chuah kha a ni e.

PU TAWNLUIA MINISTER : Pu Speaker, cheng nuai 155 zet kan hlep theihna awm hi ani lo zawnga sawi kha he House Member tan thul tih chu anih ka ring lem lo. Pu Speaker, pawisa 93 kha sorkarin an sawi dan chuan a enkawitute nen hian an indawr a, koini lamin an rate kan tipung ve bawh si a mipuah. Chuvang chuan mun hriatthiam pui teh u, tin an bargain a, an ti hniam a ni. Pu Speaker, tunah hian Rs. 3/- angin tariff hi kan lei a ni. Chuvang chuan pawisa 93 a an zuk nep hniam takah khan kan power a to ta bawh a, Deptt. hi chibai i buk ang u.

Tin, Pu Speaker, Power hi Mizoram kan mamawh zawng zawng hi tunah hian chi hnihin a thliar theih a. Kan power mamawh zat an chhut danah hi chuan lean period an ti a, chumi ah chuan megawatt 55.....hour kan tih chu tlai dar 5-11 inkar hihour tih a ni a, chutihlajah chuan 55 kan mamawh a, off chumiah chuan megawatt 30 kan mamawh a ni. Tin, Mizoram kan Hydel Project tereuhthe te atanga kan tharchhuah ve kha chu Bairabi Power Plan nen a vaiin install capacity an ti a, a thawhchhuah theih tur kha a phak ngai lo deuh kan hriatthiam ka ring. Install capacity ah kha chuanin megawatt 36.77 kha Mizoram kan tharchhuah ve a ni.

Tin, chutiang ang chu kan dinhmun a ni a, chutih karah chuanin kan siamchhuah zat kha khati kha a lo ni a, a practical takah chuan Fur lai hian heng kan Power Plant, Mini Hydel Project te te hianin megawatt 30 zet kha min generate sak ve a ngaih a ni a. Chumi chu chawhrualin Rs. 1.80 volin unit khata kha kan tharchhuah ve a, keimahni Mini Hydel Project ah hian. Tin, Power kan leina rate hi unit ah Rs.2.10 a ni a, chu chu kan power leina rate hi a ni. Chuvangin, Pu Speaker heta kan power tharchhuah leh kan lei inkarah hian thil han sawifiah ngai deuh hlek chu a awm a, heta kan mamawh san lai ber kha chuan megawatt 55 kan mamawh a, chu chu hetajah tuanin kan tharchhuah ve hi megawatt 30 zet anih chuan megawatt 25 bak hi kan mamawh lo a ni lawm ni tih a awl khawp a.

Mizoramah hian Furlai bakah hian kan Hydrel Project hianin a tharchhuaklo tluk anih avangin kan mamawh tlangpuia hi megawatt 55 a ngaih a ni. Tunah hian khatianga kan han tih tak tak pawh khan kan tharchhuaha hi megawatt 8 zet zawt a hi a tak taka kan thar pawh hi a ni deuh hlek a. Chuvang chuan, kan Mini Hydrel Project te hi a pate em mai a khatiang khan a khawlah te leh engemaw harsatna a lo awmah khanin a capacity ang pawh khan a produce tak tak hleihtheih loh chin a awm a ni.

Tin, Bairabi Thermal Power Plant a hi megawatt 22 zet thar tura ngaih a ni a, hei hi chu a thar thei reng a ni. Amaherawhchu, khawh kan tihnun khuan Bairabi Thermal Power Plant khuanin unit 1 kha Rs 4/- deuh thaw in a produce a ni. Chuvang chuan kan lei kha Rs. 2.10 in khuta mi kan lei thei si a, khuta Bairabi a khawh kan strat-a Rs. 4 chawh ngawt ai kha chuan khuta Rs. 2.10 a lei thei a kha lei tam mai kha a ting zawk a. Chuvang chuan, khu khawh khu chu dan a ni a, amaherawhchu khulam atanga power lei tur a awmlah erawh kha chuan kan strat ve thin a ni.

* speech not corrected.

S P E A K E R : Teirei khuahna tlang tihsan belhte kha a la awm a.

PU ZODINTLUANGA : Ka zawhna bakah khanin kan Minister zahawm tak khan Deptt. te kha chibai buk..... a ti a, an thawh that loh avanga Privatize a ni lawm ni ? Zawhna pathum ka nei a, kha kha kan zawhbelh leh teh ang.

PU LALDUHOMA : Pu Speaker, Teirei atanga nuai 150 lai kan hlepna ehhan kha an loina aia a lot thum vela sang a mipuia kan sorkarin sumdawn nan min hman vang a ni tih tunah khan a lang chiang hle a, chibai inbukna chi ah ka ngai lo. Tin, Bairabi Hydrel Project pawh kha megawatt 22 tichhuak thei a ni a, a power siamna man san lutuk avanga chhit ngam loh a an siam hi a vanduaithlak kan ti. Sum senna mai mai a ni. Ka zawh duh chu tunlai hian Aizawl West lampang lu zanah kan thim ziah mai a, session laite a ni a, engnge ni a chhan le ? a tihawp theih em ?

PU LALRINLIANA SAILO : Zawhbelhna, a inpeizawn thovin ka ring a. Serhii 'B' Hydrel Project tuna khawih lai meka hi engtikah nge zawh theih anih ang ? Khu, hnathawh a chak viau a, tunah khuan hma pawh an sawn viau in ka hria a, engtikahnge zawh theih anih ang ? Hei hian megawatt engzatnge a pekchhuah theih dawn ? tih kha kan zawt tel duh a ni.

PU SAILOTHANGA SAILO : Pu Speaker, Power & Electricity Corporation-a dah tum han tih kha kalpui zel ani em. ni lovem? tih lai kha kan hre duh ve deuh a ni.

PU H. LALSANGZUALA : Pu Speaker, kan zawhve duh chu Vawra Lui ka bial chhung Khawlian khaw bul a mi nikum lam session-ah te pawh khan in ka rawn sawi tawh a, tahchuan nuai 5 kha pawisa a repair nan an han siam a, amaherawhchu a khawla te a tui khawhtlakna te engmah kha a daih lova. Tin, a hmanraw lakuhna tur a motor kawng block takngiala pawh kha an laichhuak lova, tichuanin tunah hian engtia bawhzui zel nge anih? Tunah khaw pahuih/pathum in a eng Khawhai leh Daido, Tlangnuam tena eng an nei ringawt pawh khi a hlu ve em em ringawt a, ministry hmasa tena hetiang anga Power Mini Power siamna an neih ho reng reng a hi tunah hian hlamchhiah ani riauin ka hria a. Heng hi tun sorkar hian engangin nge hmalak a tum chhoh dan kha kan zawhbelh e.

S P E A K E R : Zawhbelhna dang a la awm em? Pu Hiato.

PU S. HIATO : Pu Speaker, Tuipang Lui Mini Hydel Project kha ni 16 December, 2004-ah khan Chief Minister zahawm takin min hawn sak a, thu a sawina-ah ka tel ve a, Political forcept-a ka chehchhuah ani tih khawpin Christmas hmananguam turte pawn min duhsak a. Mahse, a han hawng zo chauh a Christmas pawh hman lovin a chhe ta a, Budget Session nikum-ah khan ka zawt leh a. a khawh pakhat a chhia a, kan chah mek a ni ti a, tun thleng pawhin a tha chuang lova, a khawh chah kha a rei ta em em a. Tin, a staff te, Chief Minister-in a sawi ang khan sawn chhuah vek an ni deuh tho a, engtinngan an tih zel dawn?

PU H. ROHLUNA : Pu Speaker, vawiin chu i phal deuh hlekin ka hria a, ka ti tawino ang ka ti na a, kan zawhbelh ve ang e.

S P E A K E R : Kan relsa tawh kha member ten an ngai pawimawh si lova, a tul leh kan nileng mai ang chu.

PU H. ROHLUNA : Pu Speaker, kan zawhbelh duh chu Hydel Project chungchang a ni a, Turvai Hydel Project hi kan Minister zahawm takin a chan chiah nilo mahse. a hretho turah ka ngai a, NEEPCO kut atangin Mizoram Sorkarin Sorkar kuta hlan let leh tur khan tih a ni a. Chu chu NEEPCO khan Mizoram Sorkar kutah khan a hlan let leh ta nge, engtingge sorkarin hma a lak zel ? tih kha kan zawhbelh duh a.

Tin, Minister zahawm takin a chhanna-ah khan Buarpui bialtu zahawmtak zawhna nen khan a inhrul deuh tho ang a, Power & Electricity Deptt. in a enkawl Hydel Project ah te khan unit 1 production cost cheng 1.80 paise niin ka hria a, chu chu Teirei Mini Hydel Project ah hian unit 1 kha sorkarin 93 paise a a lei theih si chuan a production cost a inthlau ta em em mai a, chumi anih chuan Mini Hydel Project dangte privatise a tum em ? Hetia hlawklo zawk anga sorkar a kal reng chuan Mini Hydel Project privatise a, tun aia hlawk zawka kalpui dan tur sorkarin ngaihtuahna a nei em ? tih kan zawhbelh duh a ni.

S P E A K E R : Khalai tak kha chu a sawi tawhin ka hria a, zawhbelhna kha a tam viau a. Tin, a enkawltu dik tak ani lova, a chhan theih ang angte kha han chhang sela. Chhan theih loh a neih pawn engemaw chen chu kan in hriatthiam a tha in ka hria a. I lo sawm ang.

**PU TAWNLUIA
MINISTER** : Pu Speaker, tuna Mizoram Sorkar hian a theih ang ang a tam privatization tih hi a policy a ni a. Power ani emaw Deptt. dangte pawh a remchang anga chu privatise hi a tum a. Chu chu Central Govt. tuna U.P.A. Ministry khuan a policy a ni a, kan in anna lai tak pawh a ni awm e. Chuvang chuan kan zavaun khalam kha chu kan support mai ka ring a. Tin, Hydel Project dang Mini Hydel Project dangte pawh hi engtikahnge corporation emaw engemaw kan Deptt. te pawh hi tih thleng pawh khan chu chuan a huam vek a ni. Dik tak chuan Electricity Board te an awm a, Central-ah te chuan kan nei a, khawpui-ah te chuan Deptt. in a buaipui em em lo Ministry-in, mahse kan ramah chuan sorkarin engkim kan maintain hrih avangin tunah hian ti hian a kal a ni. Privatization Teirei Mini Hydel Project-ah kan han tan hi a hlawk hle mai a, chuvangin keini chuanin chibai min buk loh pawhin keini Mizoram Sorkar chuanin Deptt. hi an thawk tha kan ti a, chibai kan buk a, kan chawimawi a ni tih hi Zoram mipuete hriatah kan sawi duh a ni.

Tin, member thenkhatin sumdawna-ah an hmang an tih kha Pu Speaker, kan sumdawng hauh lova, power kan thawhchhuah theih loh avangin khuta phailam a mi pawh kan lei a, chu chuan helaiah pawh a that zawkna turin kan ti a, tiang ang khan a efficiency te pawh alo tha ve thei deuh zawk a, diktak chuan sorkar kalphung leh sumdawng/private ina an thahnemngaihna leh an kalphung hi chu in anglo tak mai a ni a. Chuvang chuan, kan duh a chu Power hmuh a ni mai a ni. Chulaiah chuan a hlawk zawk kan hmuh theihna kha chu zoram mipui hian kawng engkimah an appreciate thei theuh ang, i veilam a miten an duhlo anih chuan hmang ve lo mai rawh se.

PU LALDUHOMA

Pu Speaker, an leitir kha a thalo kan ti a ni lo. A leina aia to a min leichhawn tir hi kan duhlo a ni Pu Speaker.

PU TAWNLUIA
MINISTER

Pu Speaker, a to leh to loh laia chu sorkarin kan senso dang atangto a a awm tawh a tih angin he Power Tariff hi a siam a ni a. Sorkarin a pangngai kan pek vek ang hi a ni tho ve Pu Speaker. Tin, Pu Speaker, Serlui 'B' Small Hydel Project megawatt 24 pe chhuak thei tura hi kumin December a zavh tum a ni tih kha House kan hrilh duh a ni chuvangin, a Deptt. a hi hna an thawk chak a kan fak a ni. Tin, a chuang leh a chuango hi chu Pu Speaker, kan hria ang Deptt. in an zuam ve tawh khawp mai, a ropui te. Tunah pawh chhit en theih a ni a, a la ropui reng e Pu Speaker, Bairabi Hydel Project ah khuan ropui tak a ni megawatt 22 tharchhuak thei power plant kan nei a hi a ropui lutuk.

* speech not corrected.

PU R. LALZIRLIANA

Pu Speaker, samfai nana nuai 375 kha khawiahnge a awm tunah hian ? A hmasa ah pawh zero hour ka hman tawh kha. Pu Speaker, kha kha ka ngai pawimawh khawp mai buh tin nga hmun samfaina tia vel a chong nuai 387 leh sing sarih leh sangnga an dah anih kha kan hrechhang lutuk.....

PU TAWNLUIA
MINISTER

Pu Speaker, Ratu bialtu zahawm takin a Aizawl West lampang hi kan thim zing a tih a kha, tunlai tak hian phalam atangin load shedding ti mai ila, engemaw power line supply lamah khanin khuta tangin an rawn pek theih loh thut thin avangin, kan control phalam a mi a ni a, khulampang load shedding vang a ni e, tih kha kan chhanna ni sela. Tin, Tumpang lui ah mechanic leh machine building a tha lova hei tunah hian service engineer ten chu chu thawh an tum mek a. Khawl hi foreign ah siam a ngaih a vangin hun a duh deuh hlek tih kha in hriatthiam pawh kan duh a ni.

Tin, tunah hian Ministry of Power chuan Maicham Project hi Mizoram Sorkar hnenah pek a phalsak tawh a, inhlanna neih tum mek a ni tih a kha Suangpuiawn bialtu zawhna a kha niin ka hria a, kha kha kan chhanna ni bawh sela.

Tichuan, Pu Speaker, hei vawinah Power hi diktak chuan tunhma ai chuan kan nei regular tha a, kan sawi ang khan a lui tui a hi a awm reng bik lova kan duhtham power hi kan lei thei bik lova. Tuna kan member zahawm takin a rawn zawh ang khan kan hmuh that loh chang pawh a awm a. Amaherawhchu, kan chhit khawp na na na hi chu phailam atangin emaw, khawilai Mizoram atangin emaw sorkarin a ngaituah a, tunah hi chuan kan tha viau phei chu a tih theih lova, kan kham khawp, kan khawsak theihna ang hi chu sorkar hian a ngaituah ve rih a ni, ka lawm e.

S P E A K E R : Duh tawh ila, Starred Question No.167-na zawt turin Pu Lalhmingthanga ilo sawm ang.

PU LALHMINGTHANGA : Pu Speaker, ka zawhna Starred Question No. 167-na - Lunglei Ramthar Veng mawng a Remand Home Compound hung tur leh ti changlung tura hma a lakna-ah Horticulture Deptt. compound nona an inkarah motor kawngpui kal lai a chep lutuk dawn tih sorkarin a hria em ? tih hi Social Welfare Minister zahawm tak chhan turin ka zawt e.

S P E A K E R : A chhang turin Social Welfare Minister zahawm tak Pu R. Tlanghmingthanga ilo sawm ang.

PU R. TLANGHMINGTHANGA : MINISTER Pu Speaker, member zahawm tak Pu Lalhmingthanga zawhna kha, a chhanna chu hetiang hi a ni e. Lunglei Ramthar Veng mawng a Remand Home hungna tur chungchang thil awmdan a kha sorkarin a hria a. Amaherawhchu, fencing hi Deptt. ramri Deptt. in a a thawh mek ni lovin. PWD in a thawk a. Central sorkar atangin cheng nuai 14 leh singkua kan hmu a. chu chu Deptt. in an thawk a, chutah chuan helai a hi a chep thei dawn ang tih kan hlau a, chumi avang chuan fencing hi kan compound chhung lamah feet 2 vel zelin kan hunglut nghe nghe a. Kawng a zauh theih nan a lehlampang kawngpui lehlampang hi Horticulture an ni a, chumite chuan an hung a. Tunah hian keinih chuan feet 2 kan lo sacrifice tawh a ni e.

PU LALHMINGTHANGA : Pu Speaker, kha a lawmawm khawp a feet 2 an lo sacrifice tawh a. Mahsc, February thla ah ka va kal khan feet 2 an sacrifice hma nge ni an sacrifice hnu ka hre lova, motor saw, sawmilai Remand Home fencing leh Horticulture Compound hungna inkarah sawn a inpel thei lo tlat mai a, one way a ngat dawn a, chu chu enchian leh theih deuhte a ni em ? Kan Minister zahawm tak hian Horticulture lamte pawh hi lo co-ordinate in nakinah chuan kawng lun tak tur a la ni a, churang chuan motor inpel thei tura siam kha chu public interests a ni khawp mai a. A tawn tawn hianin a tul dan ang a khatilai kha mipui tanah a pawimawh si a, chu chu ka zawt leh lawk a ni c.

S P E A K E R : A pawimawh khawp mai. Aizawl khawpui kan chepzia ngaihtuah hian, Pu Lalrinhiana Sailo ilo sawm ang.

PU LALRINLIANA SAILO : Pu Speaker, a in persan deuh hlek a. Tar Chawmna hi kan ti daih teh ang. Social Welfare a ni a. Aw. nanopawh i sawi fo kha, la sawi suh. Tar Chawmna hi hei upa lam hian an mamawh hle mai a, mamawh tak tak chawmna nei manglo te pawn hmu zo lo, hmu thei lo hi an awm nual mai a. Hei, Central ah kan innghat a, State lam hian tlem a han phalzai deuh dan a awm em ? Kan bial leh kan awmna veng angah te pawh a ni a. Helaiah hian rilru kan nei zau deuh thei em aw ? Tuna kan state kalphung pangngai anglo deuh hlek hian tih ka han zawt teh ang.

S P E A K E R : Chhang turin Minister i sawm ang.

PU R. TLANGHMINGTHANGA : MINISTER Pu Speaker, zawhna neitu Pu Hminga thahnemngaihna kha ka thahnemngaih dan nen a mmil khawp a, kemi tih theih chin a kha feet 2 in kan tawlh lut a.

Tin, kawngpui lehlam lehlam in ri dan a kha kan inkar a kawngpui kal a ni a, kha kha Horticulture Deptt. lam chuan pucca in an la hung ve leva, barbed wire leh phelsep in an hung a ni mai a, tuna a awmdan pawh hian Truck chu a leng viau a, a inpelhna ah hei aia duhthusam a thawl deuh chu nise tih hi keini pawhin kan duhdan a ni a. Chuvangin, Horticulture Deptt. chuan tuna an hungna aia feet 2 chuan han tawlh se chuan tuna Kawngpui awmsa leh kemi in feet 2 in kan tawlh tawh nen chuan kawng hian tha tak anih ka ring a. Chu chu Horticulture Deptt. changtu pawhin a remtih pawh kan beisei a. Sawlai bialtu MLA thahnemngaihna kha sorkar chuan kan ti putling thei mai dawn lawm ni tih ka rilruah beiseina ka nei a. Mahse, a nawrtu tur lamah chuan amah kha thahnem lo ngai zui se tih erawh chu ka ngen duh a.

Tin, intulo, tak vawina zawhna nen inpersan tak Pu Lalrinliana Sailo zawhna kha - Ka chhan theih chinah chuan vanneihthlak takin tun hnaiyah Central Sorkarin tun a mi 15,200 kan pek theih mekah khan 12,000 vel chu min pekbelh dawn a tun kumtharah hian. Tin, chumi dolet nan chuan Rs. 25/- zel a ngai a, chumi tur pawh chu keinin a plan min pekbelhah hian kan lo ti thei dawnin ka hria. Chutilo chuan Rs. 75/- hisap a Central in anrawn pek kha a ni a, keini in Rs. 25/- lo belhin Rs. 100/- zel a kan pek a kha, tun tumah Central-in min pekbelh ang ang sing chuang a kha Rs. 25/- lo pek belhna turin kan Planning lamin ruahmanna min siam sak a. thul harsa lo turah kan ngai a ni.

S P E A K E R : Starred Question No. 168-na zawt turin Pu Lalduhoma ilo sawm ang.

PU LALDUHOMA : Pu Speaker, R & R changtu Minister chhan atan - Sakawrdai-a Refugee Camp sak nan engzatnge sen ni tawh ? tih leh Relief atan Sorkarin senso dang engnge a neih ? tih ka zawt e.

S P E A K E R : Chhang turin R & R changtu Minister Pu Lalrinchhana ilo sawm ang.

PU LALRINCHHANA MINISTER : Pu Speaker, vawinah hian ka subject nilo zawhna ka tawk a, chutah chuan a neitute Home Deptt. lam kan zawh a, min lo chhanna in ka chhang thei ang a. A bakah supplementary erawh chu ka chhang thei dawn lova, min lo hriattiam ka duh a.

A zawhna chhanna chu - (a) Sakawrdai Refugee Camp sak nan Rs. 7 lakh sen a ni. (b) Relief atana Sorkarin senso dang a neih te chu hengte hi an ni - (1) Rangva Turzem lian 13 leina atan Rs.18,200/- (2) Electric fit-na, part leina leh senso dang - Rs. 99,560/- (3) Diesel litre 290 Relief bungrua Sakawrdai Aizawl phurh chhohna atan Rs. 8,772/- (4) VIP, Officer leh NGO te Sakawrdai leh a chhehvel khua Refugee Aid thlawhna leh Official duty Petrol litre 2,760 leina atan Rs. 1,17,888/- (5) Verifying Officer te TA/DA belhkhawm Rs.23,500/- (6) Pipe Line repair-na atan Rs.66,105/- (7) Buhfai quintal 94.99 leina atan Rs. 88,340/- (8) Silnautine 250 Nos. relief camp chung khuh atana leina Rs. 2,01,656/- (9) SSA hnuaiah Primary School din a ni a, zirtirtu pawh temporary in mi 3 contract basis in dah a ni a, thlakhatah Rs.1000/- lawmman siamsak an ni. (10) Damdawi in hnathawktute pawh natna hriteng laka enkawl vat an nih theih nan in ralring tur a hriattir an ni a, Damdawi pawh a tul ang a scm a ni. Chung zawng zawng atana hmanral tawh chu Rs. 13,24,021 lakh a ni e.

S P E A K E R : Keini Assembly lam pawn kan lo enchiang lo deuh hlek a ni ang, kan lo admit a, kan lo kal tir a. Mahse, a lawmawm e. A concern Deptt. ah an lo zawt chiang a. Starred Question No. 169-na zawt turin Pu Lalthlengliana ilo sawm ang.

PU LALTHLENGLIANA : Pu Speaker, ka Starred Question No. 169-na R. D. Minister chhan atan - Rural Development Deptt. in Lunglei a SGSY in neih ang kha District dangah kalpui tumna a awm em ? tih a ni.

S P E A K E R : He zawhna hi a changtu Minister Pu Aichhinga chhan tur a ni a. Mahso, damlohna avangin Chennai ah enkawl mek a ni a. A aiah chhang turin Pu Tawnluia, Minister a authorised a, tiang chuang chhang turin Minister zahawm tak Pu Tawnluia ilo sawm ang.

PU TAWNLUIA MINISTER : Pu Speaker, member zahawm tak Pu Thlenga, Mamit bialtu zawhna chhanna chu - Lunglei Special SGSY hnuara Integrated Piggery Development (IPD) kalpui mek ang hi district dangah kalpui tumna a awm tawh lo. Mahso, homi Special SGSY Scheme hnuaiyah vek hian hetiang hian detail project report DPR Ministry of Rural Development ah thehluh mek a ni. Chungte chu - (1) Enhancement of Horticulture Crop : Hei hi Grape emaw Passion Fruit emaw Mushroom cultivation emaw, Champhai District a tih tur a tih a ni a. (2) Tin, Development of Tea Plantation and Setting up of Tea Processing Unit at Kawnpui, Kohsh District tih a ni. (3) Comprehensive self-employment generate programme through integrated ginger cultivation at W. Phaleng Block, Mamit District tih a ni e.

S P E A K E R : Starred Question No. 170-na zawt turin Pu Zodintluanga ilo sawm ang.

PU ZODINTLUANGA : Pu Speaker, Starred Question No. 170-na Minister, Information & Public Relation chhan atan - Aizawl District PRO hi anihna ang tak a function tir leh tumna a awm em ? tih a ni e.

S P E A K E R : Chhang turin a changtu Minister zahawm tak Dr R. Lalthangliana ilo sawm ang.

Dr R. LALTHANGLIANA MINISTER : Pu Speaker, kan member Pu Zodintluanga zawhna chhanna chu - Aizawl District PRO hna hi District Officer pakhat mai in vil zawh rual anih loh avangin Directorate atanga hmui a ni a, tunah chuan tih tum a ni rih lo.

PU SAILOTHANGA SAILO : Pu Speaker, ka zawhna te - Revenue Deptt. hian heng a hnuaia tarlan - (1) Zoram chhiah (2) Building Tax (3) Lei man (4) Mutation Fee (5) House Pass Premium (6) LSC Extension (7) LSC Land Recording Fee leh LSC/Periodic Patta Fee te hi a tul ang a ennawn leh tumna a nei em ? Nei nise, engtinngae hmalak zel a tum ?

PU B. LALTHLENGLIANA MINISTER : Pu Speaker, Kawnpui bialtu zawhna (a) chhanna chu a tul anga ennawn leh mek a ni.

PU R. LALZIRLIANA : Pu Speaker, Revenue Tax sang lutuk ennawn leh turin kan House Leader in hmanni khan House a assure a, lawmawm kan ti khawp mai a. Amaherawhchu, chuti chung chuan khawn zel ala ni a, hei hi assessment an neih loh avangin vawinah ngei pawh kan zawt a, a khawntute. Entnan - Nu pakhat ka zawt a, in pakhatah hian engzatnge building tax ah in khawn dawn ka ti a, an hre miah lo. A chhan chu assessment an neih miah loh vang a ni. Khali building lianpui neitu pa khan a luahtute kha pathum lek va ti sela an lo pawm mai dawn a ni. Chuvangin, Pu Speaker, hei hi chu khawngaih takin tih hniam leh sorkarin kan tum tho tho a, dan ang taka a kal theih nan rualkhai takin neitu kha chuan chawi tam mai rawh se. Chutiang ni lova hleih nei taka thil tih theih ala ni hi a dik lova.

Tin, mi Law Court ah kal sela hei hi tih hniam emaw, tih san emaw theih loh khawpin stay vek a ni ngei ang. Chuvangin, dan keimahni ngei hian kan pass a, rules te pawh kan siam a, chutiang chuan anihna ang taka kal kha a tha in ka hria a ni. Mi pakhat chuan Assam Type kha ka thiat tawh a ti a, ala thiat reng renglo in ala ding reng a ni, an pek tir lo ringawt mai a ni. Member te hian zu en ila ala ding reng a ni. Chuvang chuanin assessment hi nei ila rualkhai takin hmanhmawh lo ila kan rawna te sorkar in min pawmsak a kan lawm takzet a ni.

PU H. LIANSILOVA : Pu Speaker, hian zawhbelh leh ila. The Mizoram Taxes on Lands, Building and Revenue Assessment Act kan passed-ah khan, Section 11 & 12 ah khanin assessment siam dan tur a kha chiang takin siam niin alang a. Assessment Rules, 2005 ah pawh khanin Section V-VII ah khan chipchiar takin assessment a pawh kha a in neitu emaw, ram neitu in emaw tax te tur-ate (tax payers) khanin return form an hmang ang a tih kha a ni a. Assessment List a kha a awm ang a, chumi hmang chuan chhiah kha rawn khawn tur, approved anih hnuaia. rawn khawn tur ni awm takin a danin a min kalpui a tum a kha chu kan han hriatdan a ni a. Tunhma pawh khan Tax khawn hian AO leh BDO in an tihlai pawh khan assessment an siam phawt thin a ni ngai a. D.C in assessment an lo siam a kha a lo approved phawt a, khami assessment hmang khanin tax kha chhungtin hnenah khawn a ni a, kan va kala, chumi ang chuan kan pe a, sorkar lamah tax kuminah engzatnge beisei anih tih a kha alang thei thin a.

Tuna kan kaldan hi rules te kan neih that takah hian hetiangha tha zawka kalpui awm tak nia mipuiin kan beisei laia, a chhiah sang kan hria a, tlangau a ni ta a. Chhiah pe turin kan kal a kan LSC ah min lo correct sak a, chuti zat tur chu a ni a, chhiah tharah an lo ti ringawt a. Tichuan, tunhma a Rs.400/- pe thin khan Rs. 4000/- te pek alo ngai ta mai a, mipui lamah pawh min phawk viau mai a. Chuvang chuan tuna kan buaina-ah hian rate sang chu thu hran, a rules leh act hmang hian assessment awm hmasa phawt sela chumi ang chuan khawn ni sela a tha ang. Assessment an siam anga lungawi lo te tan chuan ni 30 tarchhuah tur a ni a tih te kha a awm nghic nghic zawk a ni a. tun tum chhiah khawnah hian khanglaia kha zu hriat zui a awm ta lova. a dan hi kan hmang tawh turah kan ngai a. Tuna khawn lai mekah pawh hian a rate te ennawn that leh tura sorkarin a mipui lam harsatna thlira tha thukna a lo siam takah chuan sorkar pawh hian a khawn mek chawhhsan hi a thei ang em ? tih kha ka zawt a ni.

PU SAILOTHANGA SAILO : Pu Speaker, kan ngaih pawimawh zawng kha a in ang vek mai a. Sorkarin kan ennawn dawn an tih chuan ka ring mai a ni. A rate hi a sang hle mai a, example pakhat kan sawilan duh a chu LSC tih nan Rs. 350/- vel kan chawina thinah khan Rs. 4000/- vel chawi a ngai ta hi a buaithlak hle a. Kolasib ah khuanin LSC kan ti thei ve a, tunhma a Rs. 100/- vel an chawina-ah khan Rs. 2500/- te chawi a ngai ta a, bialtu ka nih angin min rawn hrih thin a, hmanhmawh takin sorkar ah engemaw phut avangin hmanhmawh taka han lak chhuah an tum lain an economy in a zawh that loh avangin tih ngaihna a awm lo a ni. Pu Speaker, ka bialah chauh pawh anih ka ring lova, Zoram pumah pawh mi hausa awmkhawmnaah pawh kan buai a ni si a. Khawngaih takin ka zawhna chi hrang hrang hi muangchang lovin sorkarin min tih puitlin sak thei ang em ? tih kha kan zawt duh a ni e.

PU H. ROHLUNA : Pu Speaker, zawhbelhna Tuna chhiah khawn mek hi dan tlawhchhanin nge khawn anih tih kha Minister-in min han hrih thei se "The Mizoram (Land Building and Assessment of Revenue) Act, 2004" tlawhchhan a ni bawh si lova, rules 2005 tlawhchhan ni bawh si lo, eng dan ber hi nge an tlawhchhan tak tih kan zawhbelh a ni.

S P E A K E R : Chhang turin Minister ilo sawm ang.

**PU B. LALTHLENGLIANA
MINISTER**

Pu Speaker, Saitual bialtu zahawm tak
Pu Zira zawhna - Building Tax chung-
chang hi miin tax evasion ngaihtuah
chunga thil an lo tih e huan thil harsa

tak anih ve na lai a awm a. He building tax dan hi 1994 atanga 1995 ah leh
Aizawi khawpui ah te lak chhoh a ni a. Item item siam danglam awm mahsela
chumi ang chuan tunah hian kan la kal zel a ni a. Hei hi Assam type ah kum
khatah Rs. 50/- lak mek a ni a, RCCF Building ah Rs.100/- lak a ni a, miin a
luah sen loh in a nei a, man chawia midang a luah tir chuan a kumkhat luahman
tur atanga maintain-na tur 10% pah hnu, chu chu annual rateable value tih a ni a,
2% chu chawi tura tih a ni a, kha building ah kha chutiang ang (Pu R.Lalzirliana
Ni e, Assam type ah Rs. 50/- lak a ni a tiraw ? chutiang ang chu hmanni a ka
kalnaah kha Rs.80/- lak tur a ni a ti a. Lak sak a tum ta nghe nghe a ni.
Mahse, a neitupa kha 'ka thiat tawh' a ti a thiat chuang silo kha. I thiah tawh
chuan i thai chhe leh mai ang, a ti a. A thai chhe ta a, khatiang kha thil diklo
deuh mai assessment tak tak a awm loh kha chuan a buai thin a. Chuvang chuan,
assessment awm ngei a khawn kha a tha lawm ni ? ka rawn tih kha) Nia, kha
kha chu kan sawichho zel ang a. Pu Liangsailova, MLA zahawm tak zawhna nen
kha a chhan kawp theih mai ang a.

Building Tax kha chu building pakhtah
pindan midang luah tura a siam tam leh a chawi tur a tam ve a ni mai a, kha kha
a kalphung a ni a. Tin, kumina chhuah kan khawn dan hi Deptt. lamte pawh
thiam lohna kan neih ve-na lai a awm a. awchhu kumin kha tax revision
avangte, rules kan neih thai deuh avangte leh thawktu indaih loh avangte in dan
ang diak diaka kal theih loh, hman loh a awm a. Updating land record
assessment te pawh khawn rualin kan ti mai lo thei lova. Chu chuan a khawntute
leh a petute inkarah pawh harsatna a siam a, kumtharah erawh chuan homi tax
revision kan han tih vette kha min han tubuai tawh lo turah ngai na. kum thla
hmalam atangin thawktute pawh khang assessment leh land record vette pawh ti
turin kan lo in ruahman ang a, kumthar lamah chuan a rate-te pawh revise kan
tum chho bawk a, fel deuh zawka kan tih theih kan beisei a ni.

Kumin chu kan sawi tawh ang kha
September thla kha tax revision kan la buaipui chho laih laih mai a, kum 2006
March thla hma a zo vek tur chuan assessment leh updating of land record han ti
tur chuan Deptt. in thawktu kan indaih lo bawk nen harsatna kan nei ve lo thei
lova. Tax khawn tura kan tihte hi a tlangpui thuin kan surveyor-te hi an ni a.
Tunah hian hmun thenkhatah cadastral survey te Mizoram hmun hrang hrangah
kan ti lo thei lova. Thawktu kan indaih lova, kan inthawn chhuak nasa si a,
chumi an thawk lo haw kar velah chuan hmanhmawh takin kan ti lo thei lova,
chung avangte chuan kumina kan tax khawn kha sawisel tur a tam viau anih
pawhin kumthar lamah chuan Deptt. lam pawh kan lo in en ve ang.

PU SAILOTHANGA SAILO

Pu Speaker, chanchinbu-a kan hmuh angin
Congress thalain tax pe lo turin mipuite
min ngemma kha an chhuah a. Lichuan
chanchinbu-ah vek kha an ngemma kha

an sut leh tih ang deuh kha a awm a, kha kha sorakar hian a hriatpui om lo ?

**PU B. LALTHLENGLIANA :
MINISTER**

Pu Speaker, khalam kha chu mi thil tih ah khan min rawn hriattir ve lem loh chuan kan hre ve lem lova. Tin, helai hi chu sorkarin dan a nei a kan revise dawn anih pawhin revise anih hma kha chuan tax khawn kha kan tawp ngawt thei lova. Kan lo kalve lo thei lova, chu chu tuna kan nihphung a ni a.

S P E A K E R

: Question Hour atawp chiah a, a chhanna kha kan PA System that loh hlek lai kha a awm a, kan hrechang em aw? A zawttu khanin he dante kan hmang mang si lova, a ti a. Mahsela hong dante hmang hian kan khawn a, a ti a auma khan. Dan ang diak diakin kan lo inpeih hman lova, kum tharah chuan inpeih kan lo tum e, a ti anih kha maw.

Zawhna hun a tawp ta a, List of Business-ah kan kal hma in vawiinah hian kan rorelnaah kan House Leader Pu Zoramthanga, Chief Minister zahawm tak zin nimin khan Lengpui Airport velah meikhu a nasa lutuk a, a tum thei lova, a lo tel thei lova. Pu Aichhinga, damlohna vangin Chennai ah enkawl mek a ni a. Tin, Pu Sainghaka leh Pu Lianzuala pawh damlohna avangin an lo tel thei lo a ni.

Kan List of Business ah kan kal ang a. Vawiin hi kan hriat angin Private Member's Business kan khawih ni a ni a, Zirtawpni hmasa khan Resolution kha kan han dah hmasa a, vawinah chuan Private Member's Bill kan dah hmasa a ni. A hmasa berah Private Member's Bill hi kan chai tur a ni a, member zahawm tak Pu Andrew Lalherliana hnen atangin "The Aizawl Municipality Bill, 2005" kan hmu a, hei hi House ah introduce rawn dil sela, ilo sawm ang u. Pu Andrew Lalherliana.

PU ANDREW LALHERLIANA :

Pu Speaker, ka lawm e. I remtihna leh House remtihna in "The Aizawl Municipality Bill, 2005" hi introduce min phalsak turin ka han dil e.

S P E A K E R

: Member zahawm tak Pu Andrew Lalherliana'n "The Aizawl Municipality Bill, 2005" House-ah introduce a rawn dil a, House-in kan remti em? Aw, House-in kan remti a. Tichuan he hill hi a copy nikum lamah khan sem vek tawh a ni a, Member ten kan nei vek turah ka ngai a ni. Hmanniah Supplementary Demand kan khawih tumin kan zavaia ta deuh kha a ni a, hun rem sual kha a ngai a, hun a nei chep deuh a. Vawiin erawh chu a bill a ni bawk a, hun thawl tak nei turah ngai ila. Tichuan, tunah Pu Andrew Lalherliana member zahawm tak chu "The Aizawl Municipality Bill, 2005" House-a a rawn putluh chu han move turn ilo sawm ang u.

PU ANDREW LALHERLIANA : Pu Speaker, i phalna leh he House remahna in "The Aizawl Municipality Bill, 2005" hi ngaihtuah a, a theih chuan min pass pui turin ka rawn move e.

Kan sawifiah dawn ang a. Hmanni khanin huan a chep hle a, vawiin hi chuan a thawl dawn a ni tih ka hria a, ka lawm file a ni. Lawmthu kan sawi nghal ang e. Awle, ka bill chu ka move nghal mai ang a, minicipality han tih hi khawpui sorkar emaw, khawpui roreina khawl tiin han hrihfiah ve mai ila, a sual thui lovang chu. Democracy hmanga khawpui inawpna municipality sorkar hi Aizawl leh Lunglei District khawpuiite hian kan mamawh zia chu kan hre theuh ang a. Tin, kan mamawh zia chu chanchinbu ah te an chhuah nasa em em a, minipalment an ziak a. kan lo hriat ka ring a. Tin, chu bakah Aizawl-ah te pawh "The Mizoram Municipality Steering Committee" te pawh indin in Aizawl khawpuiin kan neih theihna turin sorkar pawh hi an nawr thinin an dil thin tihte pawh kan hria a, chutiang bawkin Lunglei lam atangte pawhin chhim bial chhantu tihte awmin hengte pawh hianin theihtawpin municipal sorkar kan mamawh zia hi an thlen duai lo niin ka hria a.

Tin, hei bakah hian keini MLA te pawh hi min rawn ngiatve thin a pulut turte pawhin. Tin, kan sorkar dinglai phei hi chu vawi duai lo heng kan hotute hian an dawr thin a, kan CM te hial pawh an hmu in ka hria a, theihtawp an chhuah thin a ni. Tuna kan sorkar dinglai pawh hian municipality hi Mizoram ah te hman ve theih turin engchen emaw kha alo kalpui ve a, Draft Mizoram Municipality, 2004 te pawh hi hei a rawn buatsaih a, heng tepawh hi kan lo hmu hial a ni. Amaherawhchu, he bill an han siam tepawh hi a thu tisa a han chantir dawn tak tak hian kan Mizoram Sorkar a tim tlat ni a hriatna a awm a, tichuan, minicipality steering committee pawhin sorkar in chuti chen alo kal tawhna chu tipuiting turin an nawr thin tih tepawh hi min hriatir a pawl hrang hrangte pawhin. Amaherawhchu, helaiah hian result a awm thin lova, an beidawng hle ani tih kha keina hmanah pawh an rawn thlen a, pulut ve mai teh u, an tih pawhin kei chuanin "sorkar nawr zawk rawh u. sorkar atanga tih a tha ang" ka tih pawhin "kan beidawng a ni, chuvangin MLA lampang atang te pawhin initiative la ula a tha ang" te min tih avangin chuti na na na chu Mizoram Sorkar hian tih a tumlo amh chuan han ben narh nan tepawh aniang chu, tiin "The Aizawl Municipality Bill, 2005" hi kan pulut ta a ni.

Pu Speaker, Constitution ah hian municipality inrelbawl dan tur chu fel takin kan hmu a, constitution part 9'A' huamchhunga article 243'P' atanga article 243'7'(G) thleng hian leh chubakah constitution 12th Schedule ah fel takin ziah chhuah a ni bawk a ni, a din dan tur zawng zawng hi. Chutih lain kan hriat angin kan han belchiang a, constitution vek-ah article 243 Z(E) sub-clause 'A' han en hian 'nothing in these parts shall apply to the schedule area refer to in sub-clause-I and the tribal area refer to in sub-clause-II of article 244' tiin a ziak a, chumi awmzia chu kan state-ah hman hetiang ang mai hi chuan han hman nghal mai tur angin a tih theih loh ani tih a chiang a ni. Amaherawhchu, constitution a article 243 Z(C) sub-clause(c) vek, sub-clause-III vek hian 'not withstanding anything in this constitution parliament may by law extend provision of this part to the schedule areas and the tribal areas refer to in sub-clause-I subject to sub-exception and modification as may be specified in such law and such law shall not be deemed to be an amendment of the constitution for the purpose of article 368' tiin a ziak a ni. Hetiang hian kan letling ve ngawt a, 'constitution ah eng thu pawh lo chuang se parliament in dan siamin leh, a ram mila ti danglam in he dan hi schedule area ah leh tribal area a hman turin a extend theih ang a, article 368 in a amendment putting a tih ang pawh ting lovin hei hi chu siam mai theih a ni ang' tiin a sawi a ni.

He municipality provision hi chu central sorkar khuan anihna dik takah chuan hmang turin min duh zawk a, tribal area ah te hian hmang vat se rorelna tel nei se tih hi min duhsak zawk leh ti tura min nawr a ni. Kan hriat theuh angin 11th Finance Commission leh 12th Finance Commission te pawh khanin municipality hi nei mai turah min beisein nei tura min duhna entirnan pawisa te pawh hi municipal area hmangin 'municipal' tih hmangin min pe a ni. A dik takin 12th Finance Commission phei chuan municipal sorkar din turin vaibelchhe 10 min pe anih kha. Tin, a bik takin central sorkar pawh hian a bik takin tunah hian UPA Sorkar a ding a, Panchayati Raj te, municipal provision te hi a bik takin congress ten a iniciative an lo lakna anih avang khanin nei tur hian min duh em em mai a. Hei, tunah phei chuan kan hriat angin Rajiv Gandhi Foundation (hei hi hetiang lampanga hmala a, state sorkar-te pawh thlem turin i ti mai ang).....Agency anga thawkin din turin a ngen hian min ngen zawk hial niin a lang a. Chuvang chuanin hemi extend chungchang thuah pawh hianin parliament ah hian central sorkar hi tunah session lai la la pawh khuan zu putuh tir ta ila chuan i he lovin constitution amendment putting anga ngai lovin min tihsak mai dawn an tih hi alang a ni. Khatanga extend na kha an sawi angin confirmity act an ti a chu chu kan tih phawt a ngai a. Amaherawhchu, hei hi buaina siamtu ni lovin engmah harsana awm lovin a formality ang mai mai in kal tur ni awm tak a ni.

Chuti chuan he bill hi nikamah khanin kum 2005 session hmasa bera ngaituah turin ka thehltut a, tah chuanin session hmasa ah khan Private Resolution te ngai pawimawh zawk anih avang khan pending in a awm a. Engpawh nise, Governor-a refer ngai anih avangin Governor hnenah an refer a ni a, Governor pawhin he House zahawm taka ngaituah tur hian a rawn recommend thlap tawh anih avangin kan state a constitution head ber pawhin a helai hmunah hian phur takin ngaituah turin a rawn recommend tawh a ni tih kha kan hriat a tha in ka ring a ni. Tin, he bill hi han enchiang ta ila, constitution article 243 na atanga 243 Z(G) leh 12th Schedule in-a a phut ang chu a kim deuh vek a ni an siam hi a pan deuh hle nang a. Amaherawhchu, municipality din chungchang thuah hian constitution in state sorkar thuneihna a dah san em avangin tuna kan MNF Ministry hian a duh ang thala a kalpui theihna turin a dan chipchiar i ti mai ang, rorelna kenkawh dan tur a kha, municipality governing rules siam zawkin chutah chuan fel takin dah zawk selangin, tahchuan he sorkar neitu zawk pawh hi papek a, a rules la siamtir turah hianin kan han buatsaih a ni.

Pu Sneaker, kan hriat angin Delhi Municipal Co-operation te pawh hi han en ta ila, hemi proportion act tepawh hi helatah huanm a act, a dan mai bakah hianin, a hman tur by laws te leh khatang rules hrang hrang kha siam a, tih anih ang hian keini pawh hian ti ve mai ila atha in ka ring a. Tin, a act hi constitution provision ka rawn tadan leh 12th schedule in-a a tih phut ang chu kha han dah mai ila, chutah a rules a kan ram leh kan hnam leh kan sakhua te nen inmila fel taka kan siam a, a rules lampanga kan in humna tur fel tak kan siam theihna tura tih hi a tha zawkin ka ring a. Hei, Parliament ngei pawh nichuna kan rawn chhiarchhuah ah khanin tribal area a hman dan turah khan 'subject to sub-exception and modification as may be specified in such law' a tih a kha ka rawn la vung hle a ni.

Hei, ka rin angin Mizoram Sorkar pawh hian hma alo lakna municipality draft bill, 2004 alo siam hi kan hmuh ang hian Orissa Municipal Act te, West Bengal Municipal Act te, Tamil Nadu District Municipal Act te, Karnataka dan te, Delhi Municipal dan te, heng zawng zawng copy hian alo siam a ni. Amaherawhchu, Pu Speaker, hei hi kan bih hianin tam tak hi chu enthat a tha in ka hria a, a chhan chu hei a bik takin kem tribal area ah te pawh extend mai lo tura in humna tur min duhsakna hian avmzia awmin ka hria a. State dangah te inhum ve ngailo te ta han copy a, a tha tura kan ngath te pawh ni thin mase a ramchhunga cheng ten committee zau zawkte sorkar kaihhruaina hnuai din a, a governing rules hi la siam zawk ni selangin tab chuan a hman dan tur zawng zawngte leh, hei keini phe chu Inner Line Permit hman ngai te kan ni a, protected area permit la hmang kan ni a, chung kawngah te pawh chuan inenna tam tak kan mamawh dawn avangin. State dang a mite Municipal Corporation Act te leh khatiang municipality hrang hrang act te han copy a kan han siam ngawt ai hian a hranpa in Pu Speaker, i hnuai ngeiah hianin dan hi pass anih hnuah committee te eng engemaw commission te engin nge ni ang, kan din ang ka hre lova. Chu chu la rel ila, chuti chuan fel takin kan traditional dan tenau pawh a in khungna fel tak nei turin siam tur a min ka hria a. Chuvang chuanin, a rules lampang ah sei zawka siam a, a act hi tu siam ngailo ang deuhva tihpuitlin nghal mai tur ang chi a inbuatsaih ai hian a siam dan he House zahawm taka ka rawn theihuh. Constitution Provision zawng zawng leh 12th Schedule-ina mit lo kawhhrmuh ang a siam mai hi keichuan him zawk ka ti tlat mai a. Chuvang chuan a bu lianpui siam a in hetiang hian ka rawn siam ta zawk a ni.

Pu Speaker, Aizawl khawpuiin kan mamawhna chhan pawh hi kan hre theuh ang a, kan hriat rual rualin tlom a zawng hianin han sawi leh lawk ila a tha in ka ring a. Hei, Aizawl khawpui hi khawpui lian ve tak tawh mai, nuai thum dawn chen tawhna hmun a ni a kan hriat theuh angin a thandan hi a mumal lo em em a ni. Hmun tam takah phe chuan building an han sakdante hi duh lai laiah khawng a nek pawh ngaituah lovin khati khan a ding mai mai a, sorkar ramte pawh nek chepin a awm a, chutiangan mumal taka plan a awmlah avangin tunalia Aizawl khawpui thandar chu kan hre theuh awm e.

Tin, in kalpawhna kawngte pawh hi buaithlak khawp hian a awm a, kawng tam takte phe chu tunhnaia reh chawp i ti mai teh ang, motor tan pawh a kal har khawpin veng kar in kalpawhna te pawh hi vawin ni hian kan awm ani tih hi kan hria a, chuvang chuanin side drain te pawh siam hleih theih lohvin kawngte hi a zim a, tichuan a bawhhlawhin a tawp em em a kan khawpuite hi garbage disposal chungchang thu ahte huan duh ang tawka siam ani lova, chutiang chuan Aizawl khawpui rorelna hi a tawh lohzia chu kan hre theuh awm e. A chhan chu master plan awm lova lo thangchho a ni a, vawin ni thlang hian inawpna khakhawmtu la awm lovin veng tin V/C ten anmahni area theuhah an theih ang tawh tawka hmala theuhin he khawpui thandan hi a nihna diktakah chuan plan city ang hian a kal thei tlat lo a ni. Tunah phe chuan traffic jam nasa avang huan hunbi neia hnathawh pawh hi a tih hleih theih loh khawpin kan awm anih hi, hetiang dinhmuna Aizawl khawpui a awmtakah chuan siamtha a, cheitha a, a inawpna fel zawk nei tur hian municipal sorkar hi kan mamawh em em ani tih hi kan sawi duh a. Khawpui inawpdanah hian state sorkar hian a lu atanga state ram pumpui huapa hna thawh bawh si a khawpuite nona awpna hi a lak kawp tuai hi a remlo a ni. Chuvangin, state dang zawng zawng kan en paw'n India ram pumah te pawh hian state sorkar a awm bakah

hian khawpui hi a hranpa-a a khawpuia cheng ten an duhdan ang a inawpna tur leh an mahni aiawh an thlan theihna tur sordar body siam hian vawin ni hian India ram khawpui tin a hi rorelna feltak hnuata awm a ni a. Tin, democratic principle ang a kalpui a, mipui a chengtena an duh ang leh neitu nihna rilru ang taka an lo participate theihna tur rorelna khawl hi chuan thiltha tih pawh hi a awl bik a ni. A chhan chu a chhunga chengte kha rawn leh an ngaidan leh a thatdan tur hrilhfiah a kalpui zel anih avang khan hei hi a tha a, chuvangin, vawin ni-a ka bill rawn putluh 'Aizawl Municipality Bill, 2005' pawh hi lungrual takin pass a, mipuite hnena duhang thala Aizawl khawpui an enkawl theihna tur a ni.

Tuna kan sorkar hi sum leh paiahte a harsat em avangin zoram pum huapa kan notified town zawng zawng - Lunglei te leh notified town dang 20 chuang awmte a municipality tha din tur hi chuan tun dinhmunah chuan a theihloh deuh niin alang a, kan hriat angin financial problem kan neih lenzia te kan hre theuh awm e, vawin nia cheng vaibolchhe 2000 chuang letba neichung leh hmamni lawka V/C hlawh tihpun dawn nawha a V/C member nemhniam ngai khawp dinhmun kan neih avang khan municipality pawh hi duh em em mahila a bul tan nana khaw pakhat te te-a kan tih leh chuan leh kan tin ang tawka step kan lak loh chuan a tha dawn lova hriatna a awm a ni. Financial problem kan nei pawh ang tih a hlauhawm a ni. Hetiang chiah hian Meghalaya ah tepawh hian Shillong-ah an tan a, Shillong zawhah Jowai ah te, tiang chuan Meghalaya ah chuan khawpui 6-ah an extend a ni. Khaw tamtak town area-ah awm mahse khawpui 6 ah hian tunah hian hmanlai mek a ni tih kha Internet-ah te han chhui kual ula in hmuh ve tho ka ring a. Chutiang chu anih avangin a peacemeal deuh a kal hi chu a ngai ta hrim hrim a, chutiang avang chuan Aizawl khawpui atang hian bul in tan teh a ng u, tih hi he Bill in a ka rawn putluh chu a ni ta a ni. Pu Speaker, a chhungah kan lut leh lawk ang e, a rei tawh lovang. (SPEAKER : E, i duh tawh hmang rawh, i bill ania) Ka lawm e.

Preamble atangin han chhutchho ta ila, Article 44 a ni a, tin statement of object and reason leh financial memorandum te nen hian a vawin phek 14 a ni a, chutah chuanin Pu Speaker, ka sawi tawh ang khanin municipality sorkar dinna tura a body ruangam feltak dinna tur hi hemi chhungah hian a chuang vek ta a. Tahchuanin, he bill an pass ah hian thil mamawh awm em em kan neih kan sawibelh tur chu hei hi a ni. He bill kan pass rual rual hian Mizoram hian kan mamawh em em mai State Finance Commission leh State Election Commission kan neih a ngai dawn ta a ni. Tahchuanin, 12th Finance Commission te kha han en ta da report te khan Mizoram Sorkarin a State Finance Commission kan lo neih loh avanga harsa an tihna te pawh kha an sawi a, State tin hi chuan Finance Commission-te, Election Commission te hi nei ngei ngei tura min duh anih avangin he municipality bill kan pass rual hian nei tura sorkarin hma a lak a ngai flat a ni.

Tin, municipality khawl dinna tura fel taka mipuite aiawh thlanna tur bik, a constituency te an siamna turah pawh khan State Delimitation Commission siama pawh hi helai chung provision ah pawh hian kan telh ve nghe nghe a, kha kha thildanglam nimahse State Sorkarina State Level chhunga a tih theih liau liau a ni. Chutah chuanin he municipal sorkar ka rawn putluhah hian a proposal-a a awmdanah chuan municipal council a awmdawn a ni. Chu municipal council chu a rorelna khawl lian ber a ni a ng a, Assembly ve ang ani ang a, Mini-Assembly, chumi a aiawh thlanhawm dan turah chuan Aizawl khawpui city area zawng zawng hi ward 20-ah then ani ang a, heng council 20 rawn thlanhhuah rorel khawl Assembly te term tur hi 5 years a ni dawn a ni. Tin, Aizawl khawpui rorelna chungchang thuah thuncitu sang ber ani ang tihte a awm a.

Tin, Municipal Councillor 20 te khan anmahni aiawh a he municipal sorkar executive council hian siam dawn a, chu executive council ah chuan chairman a awm ang a, chairman bakah hian vice-chairman a awm leh ang a, vice-chairman bakah hian member dang executive council 4/5 a nei dawn a ni. Chu chu councillor 20 te atanga thlanhhuah tur a ni ang a. Tin, chu municipal sorkara chairman chu he municipal councillor 20 tena a tam berin-a an thlante atangin chairman hi thlan tur a ni ang a, chairman chuan vice-chairman te leh executive council te kha a ruat ang a, municipal council rawn in, chutiang chuanin an thuneihna kha bithlah thiar thiar a ni leh ang a. session an neihdan turte a awm a, an roreina tur atana quoram tur zat te pawh bituk a ni a. Tin, kha roreina an kenkawh dan tur conduct of business te pawh kha a kalphung Chiang takin helaliah hian a awm a. Tin, chubakah chuan record of proceeding neihdan turte a awm a, heng councillor te leh a chairman atanga roreina khaw, representative ho zawng zawng an hlawh salary & allowances turte a awm a. Tin, ro an reldan tura regulation pawh tel takin clause 20-naah hian a awm ta a ni. Tin, inthlan dan tur (General) Election an neihdan turte pawh hi Chiangkuang takin sawi a ni a, tin, election conduct dan turte pawh hi helaliah hian clause 22-na hian tel takin a siam a, chumi chu State Election Commission in a direct dan turin a kal dawn a ni.

A tawi zawngin sawi zel mai ila, Electoral Roll siam dan turte, vote nei thei chin tur eligibility of voters, registration te a awm a, election chungchanga buaina leh a chunfel dante leh disqualification te pawh fal takin ruahman a ni. A awlsam zawngin hetah hian representation of the people act chhunga mi hi hmang ve mai ila, hei hi state mai ni lova central sorkarin fel taka a rawn ruahman anih avangin hei hi tun dinhmun atan chuan kan zawm theih tur a ni ang a. Tahchuan, chapter - IV naah hian power & function of municipality tih a awm a, an thuneihna hrang hrangte a awm leh a, tin, chubakah chuan helala an thuneihna turah hian kan sawibeth duh chu a bik takin India Constitution a 12th Schedule ah hian fel takin municipality te thuneihna tur leh an rorei chin tur fel thlap a bithlah a, chumi ang ulawhchhan leh a tul anga siamin power & function of municipality hi rawn dinhhuah a ni a.

Tin, clause 28-naah transfer of function of department a ti a, municipality sorkar a lo din dawn si chuan state sorkar hnuaia Atzawl khawpui inawp dana hnathawktu tam tak an awm a, chungte pawh chu municipal sorkara transfer luh mai awlsam taka sum leh pai neba transfer a, khatiang a kalpui dan turte pawh kha a awm ta a ni.

Tin, municipal sorkar hrim hrim hian a sorkar establishment-a a neih tur a te, Chief Executive Officer te leh Health Officer te, Engineer te zawng zawng a neih dan tura kha Chapter-VI naah hian ziahchhuah a ni a. Tin, an hlawh salaries & allowances of officer employees tih hi a awm nghal thlap bawh a ni. Tichuan, municipal sorkar kan neih dawn chuan sum leh pai inrelbawl nana pawimawh tak mai a kha ama kutah a awm ve dawn avangin Chapter-VII naah hian municipal fund account credit tih hi clause 31-na atanga intan khan a sum leh pai enkawl dan turte leh a kalpui dan turte leh account audit dan turte kha 36-na thlang khan ziah a ni a. Tin, budget chungchang thu hi 37-naah tarlan a ni bawh a ni.

Tin, municipal sorkarina chhiah a tuk ve theih dan tur Constitution Article 243 na, Act-in a tih a ng hian state sorkar kaihhraina leh state sorkarin tha a tih ang zawnga kalpui dan turah hian hetuanga chhiah khawn dan tura thuneihna turte pawh hi rel sak a ni a. Tin, State Finance Commission chungchang thu hi 39-naah tarlan a ni a. Article 40-naah lut dawn ta ila. He dan hi ka sawi tawh ang khan Constitution Provision-ina a phut ang zawng zawng tih famkim anih bakah nakina a governing rules fel taka a siamna turah, a tihtir theitu tura kha power to make rules tih hi clause 40-naah a a awm a ni. Hei hian Mizoram sorkarina a duh ang thaim a siam sak theih turm hetah hian a awm a, a thlang 41-naah hian power to make bye-law tih a awm a, heng zawng zawng pawh hi state sorkar thuneihna a tih vek tur a ni. Chuvang chuan state sorkarina a patronise na hnuata fel taka kalpuuna tur a ni a. he municipality chungchang thu a penalty & punishment inbrema chungchang thu hi clause 42-naah a awm ta a ni.

Tin, 43-naah hian he dan kenkawh chungchang thu a dan leh dun rorelna khawlin a rawn tihbuai lohna turin fel takin 43-naah hian dahsa a ni a. Tin, 44-na atawp berah hian repeal & saving a awm a, municipality act kan han neih dawn takah si chuan dan tangkai lo shem Aizawl khawpui chhunga lo thawk zawng zawng hi repeal a ngai dawn ta a ni. Chumi repeal na tur leh a lo awm sa tawh zawng zawng a la tangkai tur municipal sorkarina a chhawm ve theih mai, khami dan kha la enforce tura thuneihna repeal & saving hi 44-naah a awm ta a ni. Municipal sorkar dinna tura a ruangam, a bulhut zawng zawng chu herniah hian India Constitution-a Article zawng zawng te tlawhchhan khamin hei hi siam a ni tih kha ka sawi nawn leh duh a.

Tin, nichina ka sawi kha atawp nan hei hi a ni a. Aizawl khawpui bakah hian Mizoram khua, khaw hian notified town zawng zawng thleng hian hman hi chu kan duh vek a ni. Zoram Nationalist Party te pawhin keimahnii manifesto-ah ngei hian kan lo sorkar anih chuan municipal sorkar hi Aizawl khawpui leh notified town zawng zawngah fel taka din a ni ang tih hi kan dah a ni. Chu chu kan thil tum atawpa he sorkar neitu party pawhin a lo tum ve tho anih ka ring a. Amaherawhchu, vawiin ni a kan financial capacity atanga han chhut erawh chuan Aizawl khawpui hi bultan nan kan tih phawt a ngai a, hei pawh hi sum leh parah harsa taka bul kan tan chu a ngai dawn a, khawpui erawh hi chuan rorelna fel a mamawh tawh si avangin Aizawl khawpuiina rorelna fel leh tha, awmzo neia khawpui chungchang ang te-a a in develop theihna tura a mamawh tawh si avangin han pass rawh ta ila, chutah chuan Pu Speaker, he sorkar, tuna sorkar dinglai kaihhraina hnuah hian fel takin a rules a governing rules te leh dan, a tul zawng zawng rules siamna kawngah te kham hma ta chho ta ila, thatakin kan kalpui thei ang tih ka ring a. Khat zawng kha ka move-na tura ka'n sawi theih ni mai rawh se. Ka lawm e, Pu Speaker

S P E A K E R

Bill neitu-in 'The Aizawl Municipality Bill, 2005' chu a rawn move ta a. Hei hi kan sawiho ang a, kan tih thin angin Private Members' Business day-ah hian

dar 4:00 PM kan pel ngai lova, sawi tur kan tam deuh phei chuan dinglam leh veilam insawi chhawkte pawh a ngai ang a. Mi pakhat kha hunrei tak kan inpe leh thei lovang a, chuvang chuan minute 10 den den kha inpe leh ila a tha mai ang em ? Anih leh mi pakhat tan minute 10 han inpe ila, tichuan he Bill hi in sawiho teh ang. Pu H. Vanlalauva.

PU H. VANLALAUVA MINISTER : Pu Speaker, ka lawm e. Khawzawl bialtu MLA zahawm tak Pu Andrew Lalherhiana'n Private Member Bill 'The Aizawl Municipal Bill' a rawn pulut hi lawmawm ka ti a, a thahnemngaihna thinlung leh a taimaknate hi a chhuanawmin a ropui a, chawimawi a phu a, lawmthu kan hrith hmasa duh a.

Pu Speaker, 'Aizawl Municipality Bill, 2005' Bill neitu nen khan in ti ve ve a, kei-in he dawhkanah ngei ni 7.9.2005 a ka dawnah hi chuan 'Municipality' ni lovin 'The Aizawl Municipal Bill, 2005' tih a ni that mai a. Tunhnaiah Amendment a lo awm hman em ni ?

DY. S P E A K E R : Ngawi rawh aw, khawngaihni, betah hian a authenticated copy ka nei a, kha kha Secretariat-ina kan tihsual anih ka ring a. Kan re-introduced naah kan chhut sual anih ka ring a, i hun kha second 30 vel kan pekbelh ang che. Authenticated copy ah hian 'The Aizawl Municipality Bill, 2005' tih a ni a, Municipal Bill ti a lo inziak kawl kan awm chuan siam that nghal ni sela, office lamin kan tihsual palh liau liau a ni ang. Awle, 'The Aizawl Municipality Bill' tih a ni e.

PU H. VANLALAUVA MINISTER : Pu Speaker, Municipality Bill-ah chuan kei pawhin kan pawm ang a. Tin, Pu Speaker, a bill hian a huam zim deuh hlek a, Mizoram pum huap sorkarin a municipality bill a siam lai mek a awm a, amah pawhin a sawi ang khanin chhim bial chhantute pawh hi kan ti thinur lutuk thei a, Aizawl atan chuah ni lo Mizoram khawpui dangah pawh a tul hun apianga hman theih turin Mizoram Sorkarin a lo buatsaih mek tawh a. Tin, Aizawl Development Authority (ADA) hi June thia emaw, a hma deuhin emaw a function tman a rinawm a chungte pawh chu a kalh deuh hlek a. a awmzia kan han briat deuhthe pawh thil tul rin a lang tel a. Tin, Mizoram khawpui zawng zawng hian kan mamawh a ni tih he bill neitu ngei pawhin a sawi a. churang chuan vawinah Aizawl chauh huap kan han pass hi chu a hun rih lovin a lang a, tin, a dan a chipchiar tawk lovin a famkim tawk lo bawk nen, sorkarina a lo buatsaih hi Pu Dy.Speaker, a bul kan tan lehah ngai ila, in inthlak bawk a (Dy.Speaker : han sawi zel phawt mai rawh se)..... manifesto ah te pawh lo dah kan nih avang khan MNF-in sorkarna kan lak veleh hei hi buaipui nghal/bawhzui nghal a ni a, sorkar officer ti ila LAD Officer te pawh ti mai ila India ram state, hmarchhak state zawng zawng bakah heng state West Bengal, Tamil Nadu leh Delhi-ah te leh State hrang hrang tena municipality an lo neiin dan tlangpuite zirin an dan neiin zawng zawngte a lakkhawm tir a. Chungah chuan state thenkhat tifuho in ti ngial ngial tih tawp leh duh engemaw zat pawh an awm ve a ni. Mahse, chuti chung chuan Mizoram kan mamawh hun a thlang thei a. Tin, kan election manifesto a kan lo dah te anih bawh avangin tin OSD avain municipality bill, 2002 ah buatsaih a ni a. Sorkar hmasaten an lo buatsaihte pawh thir telin state dang dangte municipality dan te on bawkin tin chubakah chuan danpui siamthat wawi 47-na niu tin. The draft Mizoram Municipality Bill, 2002 an buatsaih phawt a, chu chu law lamin utuk tak a an han enin 2002 hi famkim tawko leh chulmam ngai awmin a hria a.

tiang chuan engemaw zat correction a rawn siam a. Chutah chuan Dentt.-in theih ang tawkin a han chulman leh a, chumi hman chuan a bu-a siam. 'The draft Mizoram Municipalities Bill, 2004' hi tunah hian Law in a entiah leh mek a. Tunah hian Law kutah a awm leh mek a ni tih kan sawi leh duh a. Law in reilote-a a rawn tihchhuah beisei a ni a chumi anih chuan Cabinet-ah chhawpchuah a, ngaihtuah turin tih a ni ang a, hemi ina an tum dangpui a chu a chhunethu kan luhkhung hman lovang a, Aizawl-ah Municipal Council awm tur a tih a ni a, Mizoram khawpui dang zawng zawngah erawh chuan Town Committee awm turin buatsaih a ni. Tin, hetiang a sorkarin hma a lak mek lai a Aizawl chauh huap bill vawun a kan lo pass hian kan tihfuh a rinawm lova, khawpui dang tam tak kan ti thinur thei a. Tin, chubakah chuan kan han sawihona atang reng rengin sorkarin a lo buatsaih 'The draft Mizoram Municipalities Bill, 2004' pawh hi Law in a peih ve leh Cabinet nen, NGO te nen hei hi zir tiang a, siamthat ngai a awm anih chuan chung te pawh chu siamthat a, kan ram kan hmanin a mamawh dan ang tak a uluk taka hong thil hi ngaihtuah a House hian kan pass a tha in a rinawm a, chumi chhung chuan Pu Dy. Speaker, Aizawl Development Authority hawh leh function leh thil tihdan atang pawhin heng municipalities kan mamawh dan te a hmaninawh uluk dan leh thil awmdan chu a lo chiang deuh deuhin a rinawm a.

Bill neitu in a move-nach hian Pu Dy Speaker, sorkarin ngaihtuah leh ti lo tura a hman ngaih avanga lo 'The Aizawl Municipality Bill' hi a rawn buatsaih a ni th kha chiang takin a sawi a. Amaherawhchu, sorkarin a lo kalpui mek a ni tih House kan beih hnuah hi chuan Pu Dy. Speaker uluk zawka all party pawhin thir a, NGO te nona ngun taka en a, chumi hnuah cabinet a lut turin chhawp ila a tha zawkin a rinawm a. Chuvang chuan bill neitu thawhmna leh a hahna zawng zawngie a fakawm a, a chhuanawm a, a thahnemngaihna te a ropui a ni. Amaherawhchu, Mizoram tan a ro ting leh thil tha kan neihna tur chuan zau zawka inrawn a heng thil hi uluk zawk leh aizawl khawpui chauh ni lova Mizoram khawpui zawng zawngin a kan chhawr theih leh kan hman theih nghal tur House-ah ngaihtuah hawn a pass leh kher ngat lova hei hi kan inbriathiam tiana kan chhawpchuah hi a tha in ka ring a.

Pu Dy. Speaker, ngenna kan siam duh a. Khawzawi bialtu MLA zahawm tak Pu Andrew Lalheriana hian sorkar hmalakna hre lova sorkarin hma la lo emaw ti a heng bill thahnemngai taka a lo buatsaih hi fakawmin chhuanawmin, a buatsaih dan leh a chhungthu te pawh hi tha hmanse ram tan a that zawkna turin vawun hman a bill hi wawchaw leh mar turin kan ngen a ni e. Ka lawm e.

PU R KHAWPUTHANGA

Pu Dy. Speaker, tuna kan ngaihtlak tak ang khawzawi bialtu MLA zahawm takna a buatsaih Aizawl Municipality Bill hi tunhna pawh khan kan hmu tawh a, hei tunah kan han hmu leh a. Mahni zir zir ten ka lo zir ve nawk nawk a, dan lam hi a har a, hriathiam a har a, chuti chung chuan msham zawkte pawh kan han rawn ve zel a. A buatsaihtu hian taima takin a buatsah nachungin a kimchango lai tepawh a lo awm ve ni te-in a hman theih a. A hmasa berah chuan kan Minister zahawm tak LAD changtu in a sawi ang khan Aizawl khawpui tan chauh a municipality bill pass hi a tawh lo in ka hria a.

District hrang hrangte kan nei a, a bikin Lunglei lam tepawh kha a rawn nawr nasatu anni tih kan hria a, churang chuan Lunglei te, Serchhip te, Champhai te, Mamit te, Kolasib ah te hian council neilo deuh pawh ni mahse langin an phu ang tawh heni danin a phal ang chin hi chu telh ve nghal thei tur hi hetiang bill hi awm thei sela. Chutiang chu tuna sorkarin a buatsaih mek, LAD in a buatsaih kha a ni ang tih han beisei ta ila. Churvangin, hei hi chu a hmahruaitu tha takah ngai ila a thain ka ring.

Tin, chulo lelah chuan han enchianin kimchanglo lai deuhthe kha a awm nawk nawk nun a lang a. A hrihfiatna dan te pawh hi a tam tawklo deuh em, a kimchang meuh em, tihte pawh kha en ta ila. Mi ram khawpui a hetiang dan an neihah hi chuan a definition te pawh hi a tam tha viau a, keini hi chuan sawmhnih hi kan hmu a. Churvangin, hengte pawh hi a tawh meuh tak tak dawn em tih te pawh hi en ve deuh te pawh a tha a.

Tin, chulo lelah chuan municipal khaipa te dinhmun sawwifiahna te pawh hi Chairman te leh Councillor te an thawhho dan turte leh an mawhpurhna te leh thil hrang hrangte pawh a awm ngei tak na a, kimchanglo lai deuh te pawh a awm niin a hriat a. Entirna pakhatat chuan bill section 10-ah khan chairman paih theihna ah hian 'The Chairman may be removed from the office if he losses the support of majority of Councillor' tih chauh a ni a. Engzatnge a chanve nge, eng percent nge tihlai a kha tarlan a ni lova. Churang chuan majority tih ringawt khan eng chen kha nge ni, tlem a tam zawk tih kha nge ni tihlai a kha chiang deuhin awm ta sela a tha zawk awm mange tih a ngaihtuah theih a.

Tin, thutiam lak danah hianin Chairman te leh Councillor te lakdan hi a inang chiaho deuh a. Oath of affirmation tih ang chi te pawh kha engnge ni a inang tur nge ni khang te pawh kha enchian deuh chu a tha lawm ni tihte ka han ngaihtuah a ni.

Tin, disqualification paih theihna chungchang thuah hian a hnawlna chungchang thuah hian a bill chhungah hian chiangkhang deuh hlekin awm ta sela. Heta Representation of people's Act, 1950 tih chauhlo deuh hian tih tepawh kha ngaihtuah tel ta ila a tha law law lawm ni. Ban te pawh Councillor te pawh kha an tul ve hun te pawh a awm thei a, chairman te thleng pawhin, khangah khan chiangkhang takin a awm tawklo deuh em tih pawh a ngaihtuah theih a ni.

Tin, a dang lelah chuan Schedule hi a awm thin a, churvangin dan siamah hian a schedule lai a kha an tihur bituk chin deuhthe thliarfelna a a wam tawklo deuh em. Hei dan, act kan han pass tam takah phei chuan a tawplamah hian schedule a awm thin a, khatiang kha a awm tha tawklo deuh lo maw, a hremna dan te, tin an tihur tih te, fel deuh zawkin siam ni tase tih tepawh kha a ngaihtuah theih viauin ka hria a.

Tin, an buatsaih hi a tha hle thona a, chiang taka hei hi ennawn leh chu a tha a. Tuna han pass mai atan chuan a la hma hret em, ennawn leh zawk ta ila. Tin, LAD lamte pawh khan, Urban lamte pawh khanin tunah hianin Urban Deptt. tepawh kan nei dawn emaw ni, khangte kha ala ni a. Engpawhnise, a lo la muanchan deuh dawn pawhin tunah hian kan ngaihtlak tak ang khan khatiang dan kha Deptt. in an buatsaih ve mek bawh a, a engnge tha zawk tihte pawh la enzui leh ta ila. Tun su su ah chuan ti ta lo ila, hengte pawh hi tlema siamthat a tha zawkte a lo chhuak thei dawn nge, sorkar lam zawkin an tih kha NGO te leh Party hrang hrangte pawh berawna a kal theih dawn chuan a tha viau zawk lo maw, thil tih vek vek chuan changtluang zawka kalpui pawh a tha viau a ni, hmanhmawh lo ila a thain ka hria.

Municipality dante hi tunah hian hei kan khel ve a ni a, keimahni hun ngeiah pass pawh a tha viau ang a. Tunhma atang pawhin an lo sawi tawh thin na in ti hian han zirchho ta ila, uluk zawk leh tha zawk leh chak zawkin. Tichuan, tuna kan hman mek dante pawh hi zirchiang ila. A bik t akin Aizawlah phei chuan Aizawl Development Authority kan nei dawn a, a rules te pawh hi reilote-ah peih a ni dawnin kan hria a. A dan kan nei tawh a, Municipality Act pawh lo pass ta ila a terms of reference hrang hranga a khawih tur ang chi pawh kha Aizawl Development Act kan pass khan a tel tho mai a. Tin, tunah hian sorkarin kan kal thei ta love, tih em pawh kan la nei lova, kan khawpuite a la hian lutuk lemlo bawk a. Chuvang chuan, hmanhmawh lutuk lo hian tuna Aizawl Municipality Bill ang chite leh District hrang hrangte bill pawh a buatsaih chho-in uluk takin a ram pum ang pawhin thir zui ila, a tha viauin ka ring.

Tin, ka sawi tak angin hemi dan kan pass leh a vanga kal theih lohna lutuk pawh kan nei lova, Dan siam leh Planning chungchang thua pawh Aizawlah pawh kan nei ve mek bawk a. Town Planning lamte pawh an awm a. Tin, khawpui chhung insak chungchangte leh a encroachment te leh thil hrang hrang ngaihtuah turte pawh tunah hian kan nei chho zel a ni. Tin, link-drain leh thildangte pawh Deptt. dang dangin an buaipui chho zel a, Administration ah pawh DC te leh Deptt. hrang hrang ten tunah hian an keng chho dawn a ni a. Chuvangin, harsatna lutuk awm lovin an kal chho dawn a ni a, an ti dawn rau rau anih chuan tuna sorkarin changtlung taka a buatsaih hi nghak leh ta zawk ila a tha zawk dawn lawm ni tih hi ka ngaihtuah dan a ni a. Chuvang chuan, hei hi chu kaltlang rih lo mai se a tha lawm ni tih hi ka ngaihdan a ni e. Ka lawm e.

PU S. HIATO

: Pu Dy. Speaker, ka lawm e. Hei, resolution move tu-in a move han ngaihtlak vang vang khan a pawmawm em em rualin a tulzia kan hria a. Lehlamah

Minister in-charge LAD in a rawn sawi khan a va huapzau zawk mai awm ve, tihna rilru pawh a rawn lang tel a. Amahorevchhu, lam 2002 atanga manifesto an neih avanga an rawn tih tawh, 2004-ah bill a lut mek a, manifesto a awm mek a ni a. Hei kum hnih vel emaw chhung chauh kan nei tawh a, chumi chhung chuan a ral mai ang tih kan hlauh tawh avangin an thil tih hi tha viauin pawmawm viau mahse tun ami bill hi a pawimawh ta niin ka hria.

Pu Dy. Speaker, U.T. 1972 a kan neih khan Mizo District council a bo nghal a, U.T. a luh mai kha Political Party hrang hrang ten pawh an ti a. A chhan chu Village Council leh U.T. Sorkar inkarah khan Administration gap a zau lutuk a ni, kan ti theuh a. Chuvangin, Lunglei-ah te, Aizawl-ah te District Council nei leh ila a tha lawm ni, tih a ri ring viau a ni. Mahse, District Council thiat a, U.T. ah a luh tak avangin District Council-a awm leh a theih loh avangin a damdawi awm chhun chu municipality neih a ni. Hei, tu huatthu lovah V/C te hi kan Agency anni mai a, state sorkar a awm a, a inkar a zau lutuk a, V/C te thuneihna te a tlem si a. Chubakah V/C ah te lehkhathiamlo tam tak an awm a ni, Administration pawh kalpui hlei theilo tur V/C kan tam ta a, chuvang chuan V/C kuta engkim dah vek mai hi a remlohna leh power tamtak hmang tur chuan harsatna an nei ta a ni. Chuvang chuan, municipality hi nei ila tih hi mitin duhdan a ni a, party tin duhdan pawh a ni a. Sorkarna chelh mektu tan hian Municipal Board neih a, municipality dan pass hian kawng engemaw zatah state sorkar ta a hnukthla dawn a ni a, 12th schedule a kan hmuh power hi tam deuh maj a ni a.

Pu Dy. Speaker, Deptt. tin a khawih lehngal a, Planning te, Land Use leh Construction of Building leh Revenue te a khawih a, Water Supply, Domestic Industrial and Commercial Purpose te, Power Service te, Urban Forestry te, Weaken Section Society leh Handicapped te, thinglang khaw hla deuh slum area improvement tur leh upgrade tur te, Public Health leh Sanitation Conservancy leh Urban Poverty Elevation te, chutiang bawkin khawpuia facility hrang hrang Parking na te Playground pek tur te. Tin, Cultural Education a promotion tur te. Tin, Thlanmual te, inhalna tur te, ran enkawlina tur te, slaughter House siam dan tur te, chutiangan register of birth and death te a awm a. Deptt. tam tak a la dawn a, chumi power laksak chu a harsa kan tih lai tak chu a niin a lang a. Mahse, engemaw ngaihtuah chuan khiami zawng zawng municipality-in a lak chuan sorkar kha a chhawk zangkhai dawn a ni. Chubakah dik chiah chuan Politics ah kan awm hlawm a, MLA ringawt hi kan inchu luih luih a ni ber mai a. Political solution atan pawh hian hei hi chu a tangkaiin a tul a ni, keini sawlamah District Council kan nei ringawt pawh saw politic ah chuan solution lian tak a ni.

Helaiah pawh hian municipality neih mai hi a tha lawm ni, tih nghal mai hi a tha lawm ni, hetia tih tlai tih tlai ai chuan, Aizawl atang hian tan phawt mai ila Lunglei lam pawh sorkarin an buatsaih lai a ni vek baw a. Chuvang chuan, a hran hrana tihngal vatna tur chuan hun a duh rei a, kan hmang nghal vat mai thei lawm ni, tih ka rawt duh a. Tin, pawisa lamah harsatna a awm ang tih chu ka ring a. Mahse, 12th Finance Commission pawhin min recommend, municipality min beisei a ni a, kan sorkar hian budget a awmlo sum tam tak a lachhuak thin tih kan ngaihla tawh a, khawi khawi a mi emaw lakchhuah tur an nei sa a, Delhi te pawhin an nei sa a ni. Hemi atan hi chuan sum dilchhuah pawh a harsa lutuk lo turah ngai ila. Kan hotute an chak tha baw a, LAD Minister-in a Deptt. Budget nilo nimina a sawiah ringawt pawh khan kan hriat loh thil tha tak tak sum tam tak lokalna a tam a ni. Chutiang bawkin Deptt. hran hran a mite pawh hetiang anih chuan budget kan siam ang chi, nakumah chumi chu hman turah ngai ta ilang. Khami pawisa atang khan lakkhawm a, vawmkhawm dan turte pawh a awm tho lawm ni tihte ka ngaihtuah a.

Pu Dy. Speaker, hemi bill rawn puluttu, harsa taka hun leh tha senga Mizoram tana tha tura a rawn buatsaih ve si, bill tha tak si hi chu khawngaih takin min pass pui phawt mai ulangan chumi chhung chuan nangri-in in siam mek, 2002 a in tan tawh 2004 a draft a awin mek, kan Minister in-charge in a sawi kha a tha em em, "all political parties-te kan rawn ang a, NGO te kan rawn ang a", chutiangan tihkhawm tur a ni a tihte kha a that em em lai khan tha tak hian kan term hi a zo ang tih kan hlau a ni. Thu tha tak si, hman hman si lohva min dah hi. Khalai kha anih loh leh chumi kum thleng chuan Assurance ka pe a che u, helai hi engangin nge kan hman ang a, eng hunah nge kan hman ang a, bill a puitlin hman ang tih hi min tiam thei ang em ? Hei hi min tiam thei anih chuan ngaihdan a awm ang a, chuti lo chuan a liam ral ang tih hi kan hlau a ni. Pu Dy. Speaker, Chhim lam bial te pawhin an ngaihven em em a, vawiin a sawiho tur pawh hi an thlir thup ka ring a ni. Tuna kan pass loh chuan an beisei ang chu a ral leh mai dawn a, chuvangan khawngaih takin kan Minister in-charge pawh khanin a rawn sawi zawng zawng kha a huntiam min hrih theih chuan khatah khan a thurawn ngai pawh kha ngaihtuah tlak tak niin ka hria. Ka lawm e.

PU H. ROHLUNA

: Pu Dy. Speaker, ka lawm e. 'The Aizawl Municipality Bill, 2005' Khawzawl bialtu zahawm takin a rawn pulut hi lawmawm ka ti a. bill puluttu hnenah hian lawmthu kan sawi hmasa duh a. A ngaihtuahna a lo hman nasat zia te, hemi bill alo buatsaihna kawngah tha pawh tam tak a seng ang tih ka ring a. Im, State dang ang te kalphung leh India Constitution te pawh chiang takin a bih ang tih ka ring a. Heng zawng zawng hi kan ram tana tha tur leh khawpui chhung in awpna atana a ngaihtuahna a lo hmanna zawng zawngah hian lawmthu sawina tlak nin ka hria a, ka'n sawi hmasa duh a ni.

Tichuan, hei mizote hi sapin a min han awp hma atangin inawpna tha tak mai a lo nei chhova, Lal-in a khawnbawl-te nen khawtlang lo awp chho a, inawpna tha tak lo nei kan ni a. Tichuan, sap-ho an lo luh hnu-ah pawh kan kal chho a, District Council te kan han nei a, 6th Schedule hnuaiah District Council te neiin Village Council te kan lo nei chho ta a. Democracy takin inawpna te pawh a lokal chho a, mipuiin an chungā roreltu turte an lo thlang thin a ni a. Amaherawhchu, 1972 a U.T. kan lo nih takah khan Aizawl District leh Lunglei District bikah hian District Council tihbo a lo ni ta a. churang chuan sorkarna in khaidiat dan a hi a kak a zau te lutuk a, Village Council leh State Sorkar a lo ni ta mai a, hetah hian mipuite tan harsatna tam tak a awm phah a ni. Tunah hian District Level-ah te thleng pawh hian District Council te hi chu a hmingin Development council ang tal te hi chu awm thei se chuan tun ai hian mipul tan a tha ang tih ka ring a. Village Council atanga State Sorkar a'n kal daih hian kan Minister te pawhin khawtlang mamawh dawrtu an ngah lutuk a, direct hian a kal nasa lutuk a, churang chuan ram tan a ngaihtuahna pawh hmang hmanlo khawpin an buai a, Village Council hotute nise, party lam hotute nise an bawr buai lutuk, hei hianin harsatna tam tak pawh hi a thlen nin a lang a.

Churang chuan, tunah hian municipality te hi khawpui lianah hi chuan kan pawimawh em em nin a lang a ni. District Level-ah Council te kan nei thei mai lo anih pawhin vawin ni-ah hetiang Aizawl, kan khawpui lian berah rorelna/thuneihna semzai na tur atana ruahmanna bill a lo awm hi kei tha ka ti em em mai a. A chhan chu kan ram kalphung zel han ngaihtuah hian Aizawl City awptu Village Council hrang hrangte lo neih hian harsatna tam tak hi mipui hian kan tawkin a lang a ni. Village Council ramri te a lo tam a, entirnan Village Council pakhatat kawng han ruahmanin han lai dawn ila a ramri dep mai a miten rem an tih loh chuan kalkawng pawh hi mumal takin ruahman theih loh angin a kal a ni. Hei hi Village Council tam takin a taka an tawh a ni a, tunah phei chuan Aizawl khawpui chhung hi plan mumal tak lo awmsa anih loh avangin tuna hetia khawpui a lo than tak thutah hian kalkawng pawimawh dante kan hre vek a. Amaherawhchu, Village Council leh Village Council inkarah te thawhhona tha takte a lo awm loh phei chuan harsatna hi kan tawk nasa em em a ni tih hi tu in kan hain ka ring lova. Churang chuanin hetiang zawng zawnga thuneitu pakhat mipuitena an aiawh an thlan ngei mai Municipality Council te kan neih theih chuan mumal zawkin Aizawl khawpui chhung plan pawh hi a kal thein ka ring a ni.

Democracy-a kal thang kan lo ni a mizote chu a Development Authority zawnga Deptt. in nuai ai chuan kan aiawh kan thlante ngeiin rorelna hi changin chutiang chuan mipui duhdan hi kalpui se chuan a mipui hi kan hlim zawkin ka ring tlat a ni. Tunah hian Aizawl Development Authority te an siam dawn avangin Municipality te hi chu a tul rih lo a ni lawm ni tih te a awm a. Anih leh Aizawl Development Authority te hi chu kan sawi rikna a rei tawh a, tun thleng pawh hian function mumal thei lovin a la awm a ni. Chumi anih chuan eng angin nge he Aizawl Development Authority te pawh hian hma a lak dawn a, tan a lak dawn tih hi a takin a lang theiin ka hria a. Deptt. ah mihring kan indaih lo tih emaw alo ni leh ang a, mumal takin Aizawl khawpui chhung hi kan enkawl leh tak takin ka ringlo a ni. Chumi ai chuan Minicpality Council te nei ila, Municipal Council te kan han neih chuan ward a then zat turte kha a bill-ah khan a lang vek a, chung chuanin bial hrang nei theuhin mahni bial hneh taka vilin hma a han la ang a, chuta tang chuan Aizawl khawpui hi awmze nei zawkin kan kalpui thei ang tih a rin theih a ni. Tuna kan kal danah hi chuan mahni duh chen chenin building te kan sa a, tan te kan vulh a, a hmun a him nge himlo tih pawh hre mang lovin kan khawsa mai mai a ni. Chung atana hma han la tur hi chuan tuna kan bill kan sawiho mek a hi a takin hmang thei ila a that ka ring a.

Tin, a changtu Urban Development Minister sawiah khan Aizawl khawpui tan chauha municipality bill han ngaihtuah hi chu khawpui dangin an thik ang a han ti a, amaherawhchu an thik ka ring hran lova. Aizawl Development Authority an tih pawhin Aizawl tan chauh a ni, khawpui dangin an thik tih kan hre hran lo vawiin thlengin an sawiselna ka hre hran lova. Chuvang chuan Aizawl tan bik Development Authority an siam theih chuan Aizawl bik tan hian municipality hi han siam phawt ila, chumi ang chuan khawpui dangah pawh a that dan in kan kalpui zel ang chu mawle, khawpui ber anih ang bawkin a enchhin nan han hmang phawt ila a that ka ring a ni. Chuvangin, a famkimlo lai te a bill ah chuan a awm mahna mahse a bill atang khan a 'act' a lo nih tawh chuan a dan tesep pawh an la siambelh zel ang a, a famkimlo lai hi chu mipui tana tha turah hi chuan siambelh zel turah ngai ta ila. Chutiang chuan mipui tana tha tur zawk hi kan siam thei ngei ang tih ka ring a ni. Chuvangin, he bill a hi kan pass pui ngei Pu Dy. Speaker tha ka ti a.

Tuna kan kaldan nilo hian thuneihnate pawh hi in semzai deuh hleka kal pawh hi a hum tawhin ka hria a, kan sawi tak ang khan District Council-te helajah kan nei thei mai lova, chumi kan neih theih bawk si loh chuan a aia hniam zawk ang pawhin lo lang mahse kan khawpui ber enkawltu atana municipality council kan neih hi chu tun ang ram thang zelah hian a pawimawh hle tawhin ka hria a, city te kan han ti a khawpui pawimawh dan kan han sawi uar viau na in a inawpna fello hi ani ngaih pawimawh awm zawk chu ni, a hmang lam a ni lo, an inawpna zawka hi kan siamrem phawta chuta tanga khawpui mawihnai leh tha kan siam hi a pawimawh tak takin ka hria a. Chumi han ti tur pawh chuan mipuite nghenghnai thei a mipuite aiawh, mipuite ngeiin an duhzawng, an aiawh an thlan hi a pawimawhin ka hria a. Vawinah kan ram kalphung han en in Aizawl mai ni lova Lunglei, Saiha leh District Headquarter-ah pheih chuan kan la mamawh zel dawn, kan sorkar pawhin a la ngaihtuah zel turah ka ngai a. Chumi atan chuan vawina a bul tanna atana Aizawl Municipality Bill, Khawzawl bialtu member zahawm takin a rawn putluh hi pass pui ngei tha ka ti a, ka thlawp thu ka rawn sawi a ni. Pu Dy. Speaker, ka lawm e.

PU H. VANLALTHALIANA

Pu Dy. Speaker, ka lawm e. Aizawl-a awm ve lo thlirna atangin Municipality chungchang hi ka sawi dawn a ni. Thil kan hriat tawk loh avanga kan thlirna a lo diklo deuh anih pawhin min hriathiam ka ngen e.

Pu Dy. Speaker, Mizoram Sorkar leh Mizoram mipuite hian Aizawl chauh hi emaw Mizoram kan ti deuh thin in ka hria a, kan hmalakna zawng zawngah hian. Aizawl-ah hian kan sorkar mamawh engkim a awm a ka hriat lain thingtlang lamin a kan tlakchham nasatzia te ka ngaihtuah a, chutih lai a municipality bill chungchang kan han sawi tur hi a lehlamah chuan sawi chakawm tak ni pawhin ka hria a, ka'n sawi dawn a ni.

Pu Dy. Speaker, hei kan MLA zahawm tak Khawzawl bialtu a fakawmin ka hria a, he rorelna khawlah pawh hian ram leh hnam tana a ngaihtuahna a sen nasat zia hi lawmthu ka hrih tawh a, vawin niah pawh hian ram leh hnam tana a ngaihtuahna sen hi chu chhuanawm ka ti a. Hei, a thahnemngaihna te ram tana tha tura a insen na tam tak hi chu ropui ka ti takzet a ni tih kha a hmasa in ka'n sawi duh a.

Hei, tuntumah hian municipality bill a lo lut ta a, enge municipality kan mamawhna tih hi keimahah chuan ka inzawt ve nasa em em a. Engnge kan duhna chhan ? Engnge kan mamawhna chhan tih keimaha ka chhanna ah chuan a tulna ka hre tlat lo a ni, ka hriat lohna chhan pawh sawi ka duh a ni. Phailam hmundangte angin mihring kan tam lutuk lova, Aizawl-ah hian nuai 2 chuang mihring kan awm tawhin ka hria a, MLA 8 bial a ni. Aizawl hi tuna kan hman mek term-ah hian Chhimtuipui-in MLA 5 kan nei a, Lunglei-in 7 an nei a ni. Aizawl-ah hian kalkawng a chep a, inhmun a chep a, tuti kalkawng a tha lova, harsatna chi finreng kan sawi khawm a, a dik vek a ni. Amaherawhchu, chhiatna thilah kan MLA te, kan Minister zahawm tak takte hian veng kilkhawr Khatla tawp a mite, Mission veng tawp a mite, an bialchhung mithi hi an ngaihsak hman khawpin ka hria a.

Tuna municipality kan duhna chhan, kawngtha zawk te, khawpui in relbawlna tha zawk te kan beisei hi lo awm chiah sela kan nei ang em ? tih hi kei ka chhanna a ni, ka ngaihtuah lai a ni, kan neih ka ring miah lo. Kan MLA leh Minister zahawm tak tak tena tuna bial an enkawl na aia tha hian he municipality hian a enkawl ka ring miahlo a ni. Chu chu keima mimal ngaihdan a ni, sorkar ngaihdan a la ni lo. Kawng ti zau turin, ElectRICT ban phun turin, mimal kan ngam lo vek sorkarin. Municipality Ward (Constituency tihna tluk tho a ni) zim zawk hian an area chung a mite, mimal hi an nawr ngam ka ring chuang miah lo. Vawin ni a sorkarin a nawr ngam lohna ka ngaihtuah hian an nawr ngam hi ka ring lo reng reng. Chutiang kawngah chuan engemaw a tulna le Municipality hi le ? Sorkar chak tak pawhin a ngam loh kha municipality hmanga ngam kan tum anih chuan Pu Dy. Speaker, kan hlawhchham chiang ngawt ang tih hi ka sawi duh a ni, kan hlawhtling lo reng reng ang. Sorkar chak takin a tih ngam loa, a zim zawk leh thuncihna neilo zawk nawr tir kan tumna lai hi chu Mizoram mipuite kan in ngaihtuah chuan a tulna ka hria.

Sazu rorelin-a "tunge Zawhte chu thi awrh tir ang" ? an tih ang tluk chauh a ni tih hi kei ka ngaihtuah dan a ni a, a municipality chungchangah hian. Helai rorelna tha zawk, kawng zau zawk, tui tha zawk a pe ang tihna chungchangah hian chuan MLA zahawm tak tak leh Minister zahawm tak takte pawhin an ngam loh hi an ngam dawnlo reng reng tih hi vawiinah hian a chiangsa hmiahin ka hria. Mawhphurhna diklo, mipui laka blanchhiat tumna-ah kan bel mai a ni lo maw ? tih ka rilru-ah a awm a. Chutiang ka ngaihtuah lai chuan kan sorkar chak takin hma a la tel reng tih kha ka lo hria a, ka ngaihtuahna hi a diklo deuh a niang a, tihna thui tak min pe a ni. An huaisen deuh ang a, an vengchhungte a ni a, an enkawl thei ang tih ngaihtuahna te ka nei a.

Tin, nichina ka hma a Saiha bialtuin a sawi kha a dikin ka hria. Kawng khatah chuan political solution atan kan duh chuan hei hi chu cent percent in ka thlawp a ni. Chutiang ni lova Aizawl khawpui hnawk ta em em i siamtha ang aw, tihna atan chuan hmanraw tangkai tawk lo a ni tih hi ka rin dan hmia a ni. A chhan chu inthlan chhuah tur tho a ni a, a thlangtu kha Aizawl mipui tho a ni ang a, bial a lo zim zawk ang a, minimalin awmia a nei zawk ang a, hemi tichiang em em tu chu District Council Area atanga lokal ka ni a, khawpuichhunga M.D.C. ten mipui an ngam loh zia ka hriat hian helai Aizawl khawpuichhunga mifing leh remhria leh hausah hian an ngamlo reng reng ang. Municipality hmang hian an ti lo reng reng ang tih hi za za-in a changin ka hria.

Pu Deputy Speaker, vawiinah hian ngun takin kan ngaihtuah a tulin ka hria a, kan ram leh hnam tan a tha kan ngaihtuah chuan tlinglo ngama hma kan lak a tulin ka hria a ni. Chutiang a nilova tu emaw mawhphurhna pe a thil tha tih kan tum chuan kan ram a that ngai ka ring lo. Pathian khawngaihna zara MLA ka nihve hnu hian tling leh tumin hma ila lo, thil tha a nih dawn chuan tuar mai rawh se, ti a hauh pawh i ngam zel a ni, min five a ni ka bial chhung a ni ten. Pathian khawngaihna azarah chutiang tur chuan tlin leh hi ka duh, amaherawhchu ka hunchhungah thil tha kan tih chuan tling leh tawh ngailo mahila ka lung a awi ang, chumi rilru chuan ka bialah hna ka thawk a ni.

Chuvang chuan, kan mipuite nena kan in chaltauhna-ah hian thudik zawk ka tihna ah chuan an rilru ka hmin ka ti lo, a dik zawka chu kan ti tlang vek a ni ka thui ang a kan tih theihna chinah chuan. Chutiangte ti ngam lova he municipality hmanga Aizawl khawpui chhung tihfel kan tum anih chuan kan hlawhchham ngei ngei ang, chuvang chuan municipality hi nge kan mamawh a, eng hi nge kan mamawh tih hi ngaihtuah a tulin ka hria a ni. Vawiina rorelna sang bera awmte hian he rorelna atanga kan tih fel theih loh hi municipality hmang hian kan tihfel dawn lo reng reng, kawng pakhat pawh hi kan zauhbelh lovang, ka ringlo reng reng kei chuan. Chuvang chuan kan ngaihtuahna kan sen a thain ka hria, sorkar chak zawk, sorkar thil ti thei zawkin a tih theih loh, thuneihna neilo zawk hmanga chinfel kan tum anih chuan a result lo lang tur hi a chang sa reng a ni, a fail sa hrim hrim ang.

Kan ram hi tha tak tak tura kan duh a, thil tha nena mimal innekna te, party innekna tello, kan khawtlang leh kan ram kal zel tur hmangaih taka kan ti tak tak anih chuan Aizawl-pa vawiina harsatna siam ho hi an tlawmgaih vek ka ring, tlawmgailo an awm ka ringlo. Chutiang hawi zawnga ke kan pen chuan tuna hnawk hi kan siamtha thei ang, kan chingfel thei em em ang. Chutiang ka ngaihtuah lai chuan sorkarin hma a lo la reng tih

ka hriat khan tlein kan ngaihtuah zau ve deuh a, keima mimal ngaihdan kha a dik tawk lo a ni ang, sorkarin tul a tih chu kan mamawh a ni ang, tih ngaihtuahna te ka nei a. Chutihlai chuan keini District Council Area-ah chuan DC kan nei a, V/C kan nei a, State Sorkar kan nei a. Power insem chin fel takin a nei a, chutiang atan khawpui chhungah chuan a lo that takin tih ngaihtuahna ka nei a. Ka sawi tak ang khan political solution atan hian a that hle chu ka ring a ni. Helai kawngah chuan a dik ka ti khawp mai. Sorkar hna a lo tlein zel a, mifing tak tak fel tak tak ngaihtuahna seng peih tak tak, mawhphurhna an neih loh avanga an hriatna te, an thiamna te hmang tangkailo tam tak an awmin ka hria a. Chutiangte kan lo chhawr theihna tur kawng a awm chuan a tha lutukin ka hria a. Tuna kan neih duh chhan kan sawi tam zawk khawpui inrelbawlna fel zawkna tur kawng lamah hi chuan a tum a thlen chu ka ring hauh lo a ni. Mahse, political solution ah te, mawhphurhna insemzai kawngah te, kan Minister zahawm tak takte an lo hahdam theih zawkna te leh anmahniin a vaia mawhphurhna an lakte mawh lo phurh puitu an awmte chu a that ve chu ka ring a ni. Chutiang ka ngaihtuah chuan sorkarin hma a la hi a lawmawm ka ti a.

Tichuan, sorkar pawh hmanhmawh lutuk lovin mipui mar dek zawngin a kal niin ka hria a vawinah hian. Chutiang ka ngaihtuah chuan, sorkarin dante thlira mipui mamawhte thlira hmei hawi zawng atana Aizawl Development Authority a rawn dinte pawh hi he municipality bul rawn intanna tur zel leh hnathawk thei tura kawng lo kawhmuhtu anih ka ring a, tha ka ti em em a ni. Vawinah hian kan member zahawm tak bill rawn putluh hi tha viau mahse, sorkarin mipui mar dek a, mipui rilru ang a hma a lakna hi thlir a tha dawn lawm ni tih ka rilruah a lut a ni.

Kan ram rorelnaah hian kan hmanhmawh avanga kan inchhuih tluk a tam em em a ni. Tema zir deuha fel thei mai tur kha khawimawlaia mipui pressure awm avanga kan tih rawk rawk a fuh zikluak lo hi a tam em em a ni. Hemi atana sorkarin Aizawl Development Authority kaltlanga hma a lakna tur en pah a, he municipality bill Mizoram tana sorkarin ruahmanna a neih mek laia, he Aizawl Municipality Bill lolut hi sorkar hmalakna ngaichang a, vawina kan bill hi nghah deuh mai kha a tha lawm ni ? Member zahawm tak hian kan bill hi a ngaihtuahna a sen a zahawm em em lai hian sorkarin mipui mamawh atana hma a lakna hi nghah deuh mai rih kha a theih lawm ni ? tih kha ka zawt pah duh deuh a ni e. Ka lawm e.

DEPUTY SPEAKER

: Awle, kan chhun chawh hma in minute 6 vel a la awm a, kan tiang mai rih em ni ang. Anih leh aw, tunah Pu R.Lalzirliana i sawm phawt ang.

PU R. LALZIRLIANA

: Pu Dy. Speaker, ka lawm e. Hun ka hmang reilo ang a, Aizawl Municipality Bill, 2005 nikum lama ngaihtuah tur awm tak kan ngaihtuah tak loh avangin

kuminah kan ngaihtuah ta a. Hetiang ang ngaihtuahna rawn siamtutic hi an ropui ka ti a, tih hmasakah khan Phuldungsei bialtu zahawm takin bill a rawn ti tawh baw a, mi ngaihtuahna hmang tak takte an ni a, an zahawm hle in ka hria a.

Tin, Treasury Bench a thute hi ka ngen duh chu, a tha ti reng si, mahse ti a indan hi a tha lo. Lawngtlai bialtu zahawm tak khan a thalo a rawn ti kha a fakawm hle in ka hria a, thalo kan tih hi chu thalo ti ngam ila, a tha a. Mahse, ti a kan inhnial fo mai hi a diklo in ka hria a. Chuvang chuan Lawngtlai bialtu zahawm tak pawh kha a ngaihtuahna kha a beidawng a, a khawngaih thlak hle in ka hria a. Helaiia he Ministry anga Administration leh mahni mawhphurhna kengtlang ngam miah lo ang a Mizo mipuite min han hmu ta mai kha a pawihle in ka hria a.

Tin, ka tawng an huatthu suh-ah an bialah te, helai Ministry hnuai a mi tho te induhsakna leh engemaw a mawm vel lam ringawt ngaihtuah mai party an lo sorkar bawk si a, khatihlai ang reng tur khan thildangte hi lo piang chhuah zel turah a ngai kha a vanduaithlak hle ah ka ngai a. Vawinah hian mifel tak tak, mitha inthup tam tak helai a mi nilo te hi an awm a ni. Kan Governor-in sawlaih sawn mi anglo sawmli an awmkhawm alawm a tih a te kha vawinah hian kan ni tlat mai a. Chuvang chuan a beidawng lutuk ang tih ka hlau a, khalaite kha ka'n sawi duh zawk a.

Tin, helaiia Mizoram pumpui a huamlo lutuka kan han ti tehchiam a, a sorkar ber pawhin Aizawl Development Authority Bill kha nikum maiah khan kan chai vak mai a, kan passed tawh bawk a, kha khan Lunglei te, Lawngtlai te, Kolasib lam te a huam tel tawp lo mai a. Chuvang chuanin, a hun leh a hmun zir zel hianin thil hi a d anglam ve thei ani tih erawh kha chu kan hriat a pawimawhin ka ring a.

Tichuan, nichina kan ngaihtlak tawh ang tho khan rampum tan hnathawhna hun tur he bill hi lo pass in Aizawl-ah hian Municipality te lo nei ta ilang chuan kan Minister zahawm tak hian tuktu mai a ram pum pawh ngaihtuah hmanlo a inleng kan nei thin te hi midang hotu dangte hian min lo chhawh ve thei tawh dawn ni te hian ka hria a. Tin, power zawng zawng mai humkhawm a vawn tlat hi a buaithlak a. Tin, kan, zawh loh nghawngkawlah hian vawin hian kan inbat mek ni te pawh hian a lang a. Hei hian decentralization of power te pawh hi a rawn keng tel a ni tihte pawh min ngaihtuah tir a, chuvangin sorkar hian pui a awm a, thuneihna sang tak nei a awm a, a hnuaiiah hetah a mawngphahah V/C kan dah a ni. Chutiang ang inkarah chuanin hnathawh chak pawh a har a, tihit zung zungte pawh a har a ni. Tiang chuanin municipality te pawh han nei ta ila chuan nichina kan sawi ang khan vawin a mi inthup helaiia leng ve rih lo hi mi tam tak an lo kal chhuak thei dawn niin a ringawm a. Khawpui thianghiam zawk leh khawpui mawi zawkte enkawl dan mumal zawk, administration mumal zawka kan kal hi a rin theihin ka hria a. Shillong ah Khasi hote pawhin an han hmang a, Municipality Authority ten thil an tih chuanin hlau tak an ni. Helaiia MLA leh sang tak atanga an zu tih ai chuan inchenchilh reng mai a hnathawktute kha chu miin an hlau mai a ni, an tih viau a ni tih kha kan hriat a pawimawhin ka ring a.

Tin, sum tam zawk, helaiiah municipality te chu han ding se langin chhiah leh khatiang ang kha chu khawn a ngai dawn a ni. Chhiah chu a lo pung nial nual dawn a, vawinah chhiah a pung chu kan han do viau a ni ang lawi bawk a. Amaherawhchu, chutih rual chuan central atangin sum tam tak kan hailut thei dawn ni te pawhin a lang a, a tha viauin ka ring a. Hei ruling party nih chuan kan hre theuh tawh mai a, nihna hi inchuh a awl khawp mai a, Unit President ngawt pawh inchuh a nasa duh viau a. Tin, V/C sorkar atanga hlawhla te phei chu inchuh kha a na khawp mai a. Tuntumah pawh

khanin ruling lam chuan in hria ang a, sawi tam a ngai lova. Keini kan ruling lai pawn kan hre ve reng tawh a. Nangni in nih avanga nasa zual bikte pheii chu a ni kher lo thei a. Chutiang chu anih lai chuan political unemployment kha nasa takin a solve thei in a rinawm a. Helaiiah hian in thil tak tak, hna tam tak tau a rawn tet chho ang a, political unemployment problem ringawt ni lovin educated unemployment problem kha a solve nasa dawn a ni tih hi kan rindan leh kan zu hmuh ve dan a ni a.

Kan Minister zahawm tak JAD changtu khanin MNF election manifesto a kan neih a ni a heng hi chu a ti a. Kei chu ka ring miahlo mai a, MNF party manifesto hi chu kan ti ang an tih hi chu ti lo ang an tihna chiah a niin ka hria a. Vawiina an manifesto anga an kal hi ka hmu manglo reng reng. A nilo lamah khanin an kal vek mai a. Chuvangin, MNF Party manifesto a awm avang hian vawiinah hian kan ti dawn lo ni te pawh hian ka hria a, an party manifesto ah khan Chakma Council te pawh kha thiah te pawh kha an ti niin ka hria a. Mahse a nilo lam zelah khan kan kal a, manifesto pawh nilo thlan tlin an nih rual chiah te khanin kan Chief Minister khan Chakma Council ka tniat ang a ti a, mahse rorelna an kalpui tak tak kha chuan vawiinah hian Chakma Council thiah te chu sawi loh kan intlawn siak a, sawlaiiah Hnam Run kan nei ta te kan ti a, kan lawm a, chanchinbu-ah te chuan kan chhuah chu a ni a. (Dy. Speaker : Ngawi lawk rawh aw, kan hun tiam kha i pel ti tih tawh mai a, ila pel zawl dawn nge ni, anih leh han chhunzawm rih sela aw)

Pu Dy. Speaker, kan ti ang tih hi, tih loh lam zelah hianin kan kal avangin a tlachawp ring a kal kan ni a, rinai chuan an kal tha phian ang lawi mai a. Manifesto zu behchhana kal te khia chu a rinawm loh hle in ka hria. Chuvang chuanin, in tihkhawtlaina atan manifesto ah chuan a awm a, hei kan bawhzui zel e, tiin 2002 atang khan an hai bu-tu ngar ngar chu a ni a. Mahse, tunah hian draft stage-ah chuan a la awm ta tho a ni. Chuvang chuan, Pu Dy. Speaker, vawiin a Khawzawl bialtu zahawm takin a Private Bill a "The Aizawl Municipality Bill, 2005" hi pass hram ila tiin rawtna ka rawn siam ve a ni e. Ka lawm e.

DEPUTY SPEAKER

A puluttu tiamin mi 7 in kan sawi tawh a, dar 1 : 00 a ri a, kan chawl rih ang a. Tlai dar 2 : 00 ah kan thukhawm leh dawn nia. Chawl rih ang ule.

Recess 1 : 00 PM

.....611/-

2 : 00 PM

DEPUTY SPEAKER : Awle, kan Business kan chhonzawm leh ang a, Pu Zodintluanga i lo sawin ang.

PU ZODINTLUANGA : Pu Dy. Speaker, ka lawm e. Vawinah Municipality hi Mizoram kan mamawh tawh zia chu Mizoram mipui mai bakah i veilama thute leh i dinglama thute hi a hrechiangtu kan ni vekin ka hria a. Tichiang em em tu chu nichin mai pawh khan, chawhma lam khan kan LAD Minister zahawm tak khanin a rawn sawi a. Sorkar ang pawh a tih a tul an tih tawh zia te, draft bill an lo siam tawh dante a rawn sawi a, sorkarin an buaipui mek a, state hrang hrangte an dawr a, state hrang hrangin a harsatna an lo neih tawh te, a tha lai te, a thalo laite lakkhawm anih thu kha a rawn sawi a. Hei, vawin hi vannei ka inti em em mai a, Khawzawl bialtu Pu Andrew Lalheriana'n taina tak mai a hetiang ang bill tha Mizoram tan leh Aizawl khawpui chhung tana bill tha, a hun hlu tak leh tha leh zung senga hetiang a rawn buatsaih thei hi a lawmawm ka ti a, a fakawm a, a chhuanawm ka ti a. Helaia a hminga Legislator te han ni ve a hetiang ang bill puluttu kan member zinga hetiang ang bill siam thiam kan zinga a awm hi ropui ka ti khawp mai.

Hei, Aizawl khawpui chhung hi kan hriat theuh angin kan chep a, Khawpuih kalkawngah motor kan tawt em em a. Bazar hmunah kan tawt em em bawk a. Tin, kalkawng a chep kan tih rualin kalkawng sirah te, kan LAD Minister zahawm takin mihring kalna tur step a siamte chu bazar hmunah siamte a lo ni a. Dan mumal kan neih loh avangin khawpui chhung in vawnfaina te leh khawpui chhung han enkawl dan hi kan mamawh em em mai a. Hei kan han en a, kawngsirah bawlhhlawhpaihna tur kalkawng pavement bulah te hawhhlawh a tling ther thur mai a, hetiang ang chi te a sorkar ang chuanin hmalak a lo zau a, a ram pum ang a Minister in-charge te pawhin hman thawh a ngai a, hemi Aizawl khawpui chhung bik han enkawl a, han ti changkang a, hma kan sawn ve theihna tur atana hetiang Aizawl Municipal Bill, 2005 a rawn pulut thei hi a ropui ka ti tak tak a, nichinah kan Lawngtlai bialtu zahawm tak khan a rawn sawi tawh a, a thu rawn sawite kha ropui ka ti a, kan LAD Minister zahawm takin a bill pharh tur kan nei a ti a, an rawn pharh hunah te pawh khatiang khan han sawi leh sela tha ka ti a. Amaherawhchu, a sawi zinga a hriatchian loh deuh a ka hriat chu Aizawl khawpui chhung harsatna te, Aizawl khawpui-in a hmasawmna tur tam tak kan neih, khatiang ang su tura vawin ni a kan sorkarina a tih theih loh avangin midang in ti theilo tura a ngai kha dik levin ka hria a.

Nichinah Saitual bialtu zahawm takin a sawi tawh a, Aizawl khawpuih hian mihuaisen tak tak, mifel leh dik tak tak, khawtlang leh ram tana tha tingam an tam a, vawinah chuan kan sorkar chuan a tihngam lohzia leh a tih theih loh zia te, mipuiin a dan lo ang a sorkar kawngte an rawn nek a, sorkarin engmah a tih theih loh zia kha i dinglam atang khan an rawn sawifiah tawh a, dik ka ti a. Chutiang ang tingamtu chu alawm Pu Dy. Speaker he bill hian a rawn siamchhuah tur chu. Heng atang hian he bill khawpui enkawlna tur municipality bill hi pawimawh ka ti a, a bill siamtu MLA zahawm tak hianin a uluk ka ti a, municipality a composition tur te, a council awmdan

tur te, a executive council te, chairman awmdan tur te leh chairman thlan dan tur te, chairman a lo that loh pawh a remove dan tur thleng te in tam tak a rawn siam a. Heng angte hi a la kim tawk lo anih pawhin nakinah dan a awm a, Act a lo nih tawh hnu chuan siamthat a, amend leh theih a ni a. Chuvangin, Pu Dy. Speaker, a tha thlawtin ka hria a, kan ram khawpui in kan mamawh tawh a, chuvang chuanin he kan bill Aizawl Municipality Bill, 2005 hi kan duhtlan vek niin ka hria a. Chu chu he House hian hungual taka min pass turin ka rawn sawm ve a ni e. Ka lawm e.

PU SAILOTHANGA SAILO : Pu Dy. Speaker, ka lawm e. 'The Aizawl Municipality Bill, 2005' rawn buatsaihtu kan Khawzawl bialtu MLA zahawm tak Pu Andrew Lalherlina hnenah hian lawmthu han sawi ka duh a. Tiang ang bill han siam hi a harsa hle a, tha leh zung pawh tam tak a sen ka ring a. Chuti chuan Pu Dy. Speaker, he bill hi engemaw hunah chuan kan la pass ngei a ngai ang a, tun tumah hi chuan kan pass thei lo anih pawhin sorkar hian a hma thei ang berin min pass sak turin ka'n han ngen ni sela.

Tin, he bill hi vawiin ni a kan session min lo thlirtu tam tak ten hrechianglo tam tak an awm ang a, tuna kan sawilai mek hi Aizawl khawpui tan'chauh ti kan ni lova, Mizoram pumpui inawpna a felfai zawk theih nan Aizawl atang hian bul hi tan phawt teh ang kan han ti a ni a. Kan Minister te leh MLA te hian hna an ngah em em a, a bik takin Minister te hian hna an ngah hle a. A bikin Minister ho hian hna an ngah hle a, zing thawh veleh infeng an nei a, an office ban veleh kan umzui a, tiang ang reng reng chuan hunawl an nei lova. Tiang khawpa hna an ngah lai chuanin he The Aizawl Municipality Bill, 2005 hi kan lo pass theih chuan khang ang zawng zawng kha kan lo chhawk zangkhai thei dawn a. Chuvangin, Minister tan te pawh zau zawk leh thawl zawka he ram rawng an bawl theih nana he bill hi a puluttu hian a rawn pulut niin ka ngai a.

Tichuan Pu Dy. Speaker, he bill a thatzia leh pawimawh zia vawiin ni a kan budget session lo thlirtute ina ngaihndan an lo siam ve theih nan leh passed ngei a tul anih hi le, tih min lo hriatpui theih nan tlem tlem ka han sawifiah nghal bawka ang a. He Bill ah hian thil pahnih a awm a, Municipal Council han tih leh Executive Council hei hi Municipal Council hnuaiyah hian Member 20 lai awm a lo ngai a, chu chu inthlan tur a ni a. Tin, helaiyah hianin hemi Executive Council han tih hianin Chairman te, Adviser to Chairman te leh Executive Member te kan awm dawn tihna a ni a.

Tichuan, Chairman hianin tih tur tam tak a nei a, chutiang bawkin Vice-Chairman in an nei bawka a. Tin, chutih rual rual chuanin hemi Member of the Executive Council kan tih hianin hna bik leh tir tur bik an nei bawka a. Tichuanin, he mite body pahnih hi he municipality bill ah hian a rawn tel dawn lova pass dawn ta ni ila. Tichuan, hna tam tak kha a lo ruak leh dawn a ni a, kan politician tha tak tak vawiin ni a lo hahchawl ta te leh lehkhathiam tak tak kan lo punchhoh mek lain helaiyah hian employment tam tak kha a rawn generate thei dawn a. Chutah chuan he bill municipality hi kan lo neih theih ngat chuanin vawiin ni a kan problem em em, heng a hnuaiyah tarlante hi nasa takin kan lo solve thei dawn a. Chung zinga pawimawh thenkhatte chu han sawi dawn ila.

He municipality hi Aizawl-ah kan neih a, vawiina kan pass theih ngat chuan ka sawi ang khan ahnuai a mite ang hi an thawk vek dawn a ni. Tunah hianin khawpui mawi zawk leh nalh zawk leh kal vel awlsam theihna turin he municipality bill hianin a enkawl ang a. Tichuan, inhmun lo ram han sak leh heng zawng zawng pawh hi he municipality bill hian a enkawl chho vek dawn a. Tichuan, programme leh thil pawimawh zawng zawng kha he municipality kan hman chuan a kengkawh vek dawn a. Tin, chubakah ram changkang ni tur chuan kawngtha te kan mamawh a heng zawng zawng hi Aizawl khawpuiyah inkalpawhna harsa tak tak a la awm a, khawi mawlai veng, ka tawng huatthu suh a, veng tlabirh deuh ah pheii chuan development hian a thleng phalo reng reng emaw tih mai tur a ni a. Leilawn tha te an la nei lova, kalkawng tha te kan la nei lova, sorkar hian khang zawng zawng kha a zuk enkawl vek hman si lova, an lo hre vek hman si lova, he municipality hi kan neih chuanin kalkawng tha zawk te leh leilawn tha zawkte hi kan nei thei dawn tihna a ni.

Tichuan, tun session chung pawha kan sawi tam ber, kan tui problem zawng zawng Mizoram pum chu sawi loh, Aizawl khawpuiina kan tui harsatna zawng zawng pawh hi he Council hian a take up ang a, a fel vek tawh dawn a. Chuvangin, awlsam zawkin tui te pawh hi hnianghmar takin kan neih theih Pu Dy. Speaker ka'n beisei a ni.

Tin, hriselna chungchangah pawh tunlai khawvelah health care hi khawvelin a ngai pawimawh em em a, he House ah pawh kan sawi thin a, kan Damdawiin te tih changtlung leh District hrang hrang a PHC te leh Damdawiin te pawh tih changtlung kan tum a, kan sawi zing a sorkarin a indaih loh em em laiin he council hi kan neih chuanin hriselna lamah pawh nasa takin hma kan sawn dawn a, kalkawnga bawlhhlawh lo inchhek ther thur te pawh, he Bazar-te kan hmu a. Heng zawng zawng he municipality kan neih chuanin heng hi a rawn hma vek dawn a. Kalkawngte pawh hi tun aia tuianghlim leh mawihnai zawkin a awm thei dawn a lo ni a. Tin, chu lo lehah chuanin hei khua a thal chho a, In kangte pawh kan sawi zauh zauh a, heng zawng zawngte pawh hi he municipality hi lo nei thei ila chu Council leh hemi Executive body pahnih hianin a kengchho vek thei dawn a ni.

Tin, BPL te kan ti a, tema dinhmun hnuai deuh zawk te eizawna harsa zawkte leh economic a harsa zawk tam tak te, khawpui chhunga awmte pawh hi he municipality hi kan neih chuan Municipal Council leh Executive Council te pahnih hian an kengchho ang a, retheihna pawh hi nasa takin kan umbo thei turah kan ngai a. Tichuanin, hei slum area ang deuhthe pawh hi zep thu a cheng lova. Aizawlah te pawh kan lo nei chho mek a, Rangvamual kan han tih te leh Tuirial kawng lamah te, leh hmundangah te pawh sorkarin a a enkawl sen vek lohna pawh hi municipality kan neih hi chuanin heng council pahnih hianin a enkawl chho thei dawn a, nasa takin sorkar tan hianin a samkhai thlak zawk turah ka ngai a.

Tin, a dang lehah chuan Urban Poverty Alleviation ang te pawhin nasa takin he municipality hian a kengchho thei dawn a. Tin, chung lo lehah hemi kan culture leh education thilah reng rengte pawh hianin sorkarin a thahnemngai taka a ti chung pawhin kan duhkawp lo em em a, kan culture vawnhim zel nan pawh hian municipality hi neih ngei a pawimawh hle a ni.

He Bill ina a jum chu tunlai khawvelah ram a thang chho zel a, khawpuih mihringte kan lo pung zel a, Aizawl-ina kan problem ber pakhat chu mi chhiat lo tawk ta sela, lo thiin lo boral ta sela, thlanmualah kan phum thin a, kan thlanmual hi vengtin hian kan problem vek tawh a. Veng tam tak phei chuan YMA te kaltlangin veng leh vengte joint committee nein thlanmual intawm te hial pawh neih nise tih kan rel mek leh intawm hial pawh an lo nei ta a. Vawina thlanmual kan problem tam tak pawh hi he municipality bill kan lo neih hunah chuan a enkawl chho vek dawn a. Chuvangin, harsa lovin, awlsam zawkin kan ti thei dawn niin a lang a.

Sorkarin a buaipui em em, Registration of Birth & Death khaw khata zirtirtu te kuta kan han dah mai hi an buai hle a, heng pawh hi he bill hi a tlang thei anih chuanin Municipal Council leh a Executive Council hian an take up chho vek dawn avangin sorkar tan phei chuan a awlsam phah hle in ka ring a.

The Aizawl Municipality Bill, 2005 pass a tulna em em chu he Aizawl tan chauh pass kan ni lova, Aizawl hi kan kawtchhuah, kan khawpui ber anih laiah hianin hmundang atanga lokal te tan pawh lokal nawn fo an zawngchhang theih nan leh khawchhung a plan, a kalkawng leh leilawn te, insak dan chenin heti neih nuaiha awm hi a tha love, a fel tawk love tih a tam em em a, chuvangin sorkar hi kan chihawk ve a ngai a. Tichuan, 'The Aizawl Municipality Bill, 2005' hi pass ngei turin ka rawn dil pui a, he a bill puluttu hnen ah hian lawmthu kan sawi a. Mi ramte kan hmu a, a then phei chu India ram pawnah te kan kal a, he khawpui hi kan duh khawplo em em tawh a, kalkawngah te, inchhung chetzia leh a plan ang chi reng rengah te hian. Chuvangin, thangtharte tana kan khawpui hi zahawm leh thianghlim zawka a lo awm theih nan pass pui ngei turin ka ngen a ni e. Ka lawm e.

PU LALTHLEGLIANA :

Pu Dy. Speaker, ka lawm e. Vawina Khawzawl bialtu zahawm takina Bill a rawn pulut hi kan han sawi hian engemaw riau awmin ka hria a, kan tui lo tlang deuhthe a ni maithei a. Ka hma a Kawnpui bialtu sawi pawh kha lum si lo, vawt si lo in a rawn sawi a, Buarpui bialtu pawh kha minute 4 vel a sawi a, a tui nganglo a niang. A Bill hrim hrim mai a hi kan han ti thin a, ram inngahna tak tak, ram rorelna khawpui, nakina thang leh thar ten ro an rawn rel hunah pawh an rawn chhawm chhoh zel tur bill hi Law ina a vet pawh ni manglo, mimal in a bill lo rem thuak thuak a han siam ve, han putluh rawih, lo pass ngawt mai hi chu a finthlak lovin ka hria a. I veilama mite pawh khan ngaihtuah Chiang sela, heng hi in phar tawm mai mai chi pawh niin ka hre love. Thanga emaw, Liana emaw, Lala emaw ina in municipality hi ka rawtchhuah a ni a, ka bill a ni a, urhsun taka ka beih hnuah ka hlawhtling hram a, an tih a, mimalina an chhuan em em tur ang chi a thil kal pawh hi a tha lem lova. A puluttu hian na lo ti vak lo sela, hei hi thil kalphnung a ni lova, border fencing te chu pulut nise a la awm viau a. Heng ang chi kan han kalpui vak maite hi kan sorkar hi a tha mange ka ti a. Hei, kan Election Manifesto a ni a, a pumpui mai hi hma kan lo la in kan lo luhchilh vek mai a. Mahse, hetah hian municipality hi kan dah miah lova, kan han dah laiah erawh chuan Village/Town/City Administration enkawl dan leh ennawn a tul dante kan han dah a. Municipality lai tak hi chu kan dah lova, kan dah lo chung chung pawhin.....(interruption)

Tunhma kha chuan kan lo dah ve a ni a, tuntumah hian kan dah lova, 1998 velahte kha chuan lehlam sorkar laite a ni a, kan han ti ve ta ania. Hei hi a diktak chuan term hnih lo sorkar tawh khang chhung zawng zawngte khan ngaihtuahna a awm lem lova, opposition lam ina an sawi reng reng khan an khak thla a, a tak tak chuan hei hi a la hun vak lo kan ti tlang te pawhin a lang a. Kan hotute an lo hmanhmawh viaute pawh hi lehlahmah chuan han bihchianin a lawmawm ka ti a, thui tak lo kalpui tawh state hrang hrangte lo rawnin Bengal-ina municipality an lo practice dan te, state dangte thlirin uluk takin an lo kalpui hnuah Law te pawh vet turin a thalo lai fimkhur takin ennawn turte an ti a. Ennawn leh mek a ni a, chumi hnuah pawh kan LAD Minister sawi ang deuh khan chutianga Law in-a vet a cabinet in a pass hnuah pawh hman mai tur chuan fimkhur a ngai a.

Workshop on Municipality emaw a seminar type in emaw anih loh pawhin opposition party hrang hrangte leh social organization te pawh sawm khawm a, hei hi uluk taka tih chi a ni a. Bill a lo lut dek dek a, lehlam tih anih chuan lehlam a miin tui vak lo chungin kan han sawikhawm chiam zel maite hi helai rorelna hmunah hi chuan a atthlak lo maw ? A dik takin saptawng a ni emaw, Vaitawng a ni emaw khang ho rilru lo khan Mizo rilru dik takin han ngaihtuah ula, mizo rilru dik taka thil kan ngaihtuah vang vang hi a chhuak hi a tha ber zel a ni. Chu chu enge a chhan, mimalina kumkhua a an thlahte thlenga ka pu dan siam, ka pu bill an tih bik tur ang a he lam rorel khawl siam hi chu a dik lovang

Vawiinah pawh hian a rawn puluttu hian na ti lo sela, heng thil ang hi chu sorkarin uluk taka a ngaihtuah bakah mipuite a rawn awm chi tak tak rawn a kalpui chi niin a lang a. A bill chungchangah pawh hian municipality Aizawl-ah chauh han neihte hi a tha tawk lo khawp mai. A bu han en pawh hian keinin thiam leh thiam lova han en pawh hian a definition te pawh hi a tha tawk lo te pawhin a lang a. Hmundangah phek 70/80 vela an han sawi duah lain helaiah chuan 20 vel chauh a lo lang a.

Tin, Municipal khaipa-te dinhmun han sawite pawh hi a nep lutuk deuh hlek a, chuvangin state hrang hrangah thutiam an lak dan te oath of secrecy te leh affirmation ah te hian ennawn ngai tam tak a awm a ni. Municipality thuneihna te leh a power an kalpui dan te pawh hi thlir tham a awm a ni. A Schedule kha dahfelna a awm lova, a bu kha en ula. Chuvangin, a dan hian a schedule hi a kengtel tur a ni. Chutiang ang chu anih lain he House hian a pass anih chuan thang leh thar zelte helai hmunah hian la rawn thu dawn a, chutah chuan min hmuh dan hi a mawl lutuk ang tih a hlauhawm a ni. Tihehet mai hi tha ka ti rih hlawlo kan sorkarin uluk taka a ngaihtuahna-ah pawh a fimkhur a, hei leh chen hi a lo chhawp cho a, a hlawhtling tep a, all party te rawn pawh a la tum a. Tin, kan mithiamte pawh uluk taka bih tir an la tum a, chung angah chuan kan ngaihtuahna hi kal zawk sela, buan a hma a kherh ang a, in rinhleth tir a, vawiin a kimchanglo deuh a he bill pass tum ringawt hi a diklo deuh a ni. Chuvangin, vawiinah House zahawmna leh a luahtu MLA te pawh hi kan zahawmna turin i ngaihtuah ang a. Heng ang chi hi thawkaphita tih thut chi a ni lo tih kha vawiinah hian tawite in ka'n sawi duh a ni. Ka tui lutuk vak lo, Buarpui bialtu MLA zahawm tak nen khan kan inang tlang vekin ka hria, ka duhtawk mai ang e. Pu Dy. Speaker, ka lawm e.

PU LIANSUAMA

Pu Dy. Speaker keipawh ka tui teh vak lo, mahse he bill hi a rawn buatsaihtu hi fakawm ngawtin ka hria. Leikhathawn pawh hi ka chhang tha peihlo khawp a, hetiang lehkhabu phok tam tak han buatsaih hrim hrim hi state chhangkawng tawh zawkte tihdan atanga han fawmkhawm pawh nisela a tha thawkhat hrim hrimin ka hria a. A Bill rawn puluttu ngaihtuahna pawh hi tlanglo mahsela sorkar ben harh nan a tha ang e, tihna te pawh anih ka ring a. Chuvang chuan, Khawzawl bialtu MLA hi fakawm ka ti Aizawl Municipality Board emaw, Council emaw neih hi tha awm tak a lang kan pass theih miah loh a ni.

Mamit bialtu zahawm tak Pu Lalthunga LAD Minister anih lai khan sorkar bill a rawn pulut a, Select Committee ah kan refer a, a hlamzuih der a. Tichuan, kum 1993 ah MLA inthlanpu a lo awm a, chutih lai mek chuan hetilaia a bill hawma atana a rawn sawi 1992-a Constitution 74th Amendment a lo piang a, (Panchayati Raj) chumi dungthul chuan kan sorkar lai khan Panchayati Raj Mizoram mil a siamtha deuhin kum 1998 khan kan la sorkar lain Sangau bialtu zahawm tak LAD Minister anih lain a rawn pulut a. Tichuan, hunin a liamsan leh a Parliament a Women Reservation Bill nen hian a inang riau, tha awm taka lang pass theih miah loh a ni. Chuvang chuan kan ram hian a la mamawhlo em ni ang aw, ka ti a. Ka ngaihtuah danah chuan tha awm taka ngaih a ni ve tho a, mahse kan ram dinhmunah hian opposition lama kan awm lain a tha viau a, kan han ruling hian a hlamzuih leh thin a. Tunah pawh hian kan Minister khanin sorkarin a buatsaih mek pawh han ti mahse a tak takah chuan bill hmasa te ang bak kha a rawn in chhawpchuah leh tak tak pawh hi ka ring lo.

Kan mamawh ber zawk ni a ka hriat chu kan sorkar lai khan. Urban Development Deptt. siam nise kan ti a, chu pawh chu kan puitlin hman ta lova, Central Sorkar kalhmangte a lo danglam chho zela tunah pawh hian chu chu tun sorkar hian buatsaih hman a tum a ni tih Chief Minister thusawiah khan a lo lang a. Tin, chuhakah Aizawl Development Authority a function tawh dawn bawk a, chung zawng zawng ngaihtuah chuan Municipality nei bawk Urban Development Deptt. nei bawk, Aizawl Development Authority awm bawk hi chu tlem chuan enchian a ngaih duh hmel. Vawiina Aizawl bikin kan mamawh hi chu khawpui enkawltu Deptt. hi a niin ka hria. Entiman - PWD in kawng an zauh dawn a, Revenue thu lo chuan a tih theih tawh lova. Hmanm lawkah Demand sawilai khan kan tarlang tawh a, Transport leh Police Deptt. tangkawpin khawpui chhung traffic jam nasa lutuk tihthawl nan kawng an hma dawn a, anmahoi ngawtin a lo tih theih loh tawp mai a, tichuan Serchhip bialtu zahawm takin chawlhni hi kan khawlai hnawk ni ber a ni tih kha a dikna chen a awm a. Tichuan, khawlai phiatfai tur pawh hian LAD in a then an chang a, Trade & Commerce in a then an chang bawk a. Heng zawng zawng hlawmkhata enkawltu tur Urban Development Deptt. neih thuai hi chu a nghahhlelhwam khawpin ka hria. Chu chu lo nei ta ila hemi kutah hian Municipal hi a lo tul ta hle anih chuan zawi muanga la thlir chi niin ka ring.

Tin, Pu Dy. Speaker, kan ramah hian Corporation ti tih Council ti tih hi kan nei ta thluah a, kan hun laiah pawh KVI Board kan din a, MIFCO kan din a, ZOHANCO kan din a, kan hun hmalamah MIZOFED te pawh kan din a. Mahse, mipuiin kan beisei ang leh sorkarin a beisei anga zikluak ta hi an vang em em a, kan ram hian kan thiamlo deuh emaw ni chu aw ka ti a. Hmanni a kan tarlan tawh ang khan kan ramah hian sorkar hnathawk 41125 an awm a, Minister zahawm tak Home changtu in hman tuka zawhna a chhanna-ah khan a tam hret a. Engpawh nise, khang khan District Council Employee te leh Corporation hrang hrang employee te, Muster Roll leh Work Charge zawng zawngte a huam lova, chuti chung chuan sorkar hnathawk nghet leh nghet lo deuh hna ah hian kan ram pawisa hi kan hmang nasa em em mai a, mipuiin chanvo kan nei tawh lo a ni ber a.

Tin, water charge te, electricity bill te leh thildang dang ninawm kan tih hle lai hian Municipal Council emaw, Municipal Corporation emaw lo ding tase a in tundinna tur chu chhiah tho a ni leh dawn a. Chuvang chuan Mizo hnam hi chhiah sawisel nasa tak mai kan lo ni baw si te nen eng ang takin nge a kal ang tih hi la enchian chu a ngai khawpin ka hria. Chutih rual chuan V/C leh Ministry inkar zau lutuk engemaw ti kawng zawnga lo chhuah a tangkai tur hi chuan Panchayati Raj anih ang ang lo deuh a siamrem a, District Council dungthula District Development Council dinte hi chu a tuah ve viau tawhin ka hria a. V/C in a Ministry a dawrna a thu leh hla lo thlifim tur Aizawl, Champhai, Kolasib, Mamit, Serchhip (Lunglei chuanin tunah High Power Committee a nei a, a duh khawp awmlo tho a) District Council Area ah chuan District Council tha tak an nei a..... kha V/C leh State Sorkar-ah a power pakhat a awm a, heng ang hi kan mamawh hle chuan ka hria a. Amaherawhchu, Aizawl atan hian chung chu kan mamawh ve ta chiah em tih erawh hi chu ngaihtuah ngun ngai leh hnahnawh hlein ka hria a.

Aizawl Development Authority a piang a, Urban Development Deptt. a lo piang baw a, Municipal awmchhawng leh turte nena han ngaihtuah hian Delhi ah Delhi Development Authority a awm a, Municipal Corporation a a wm baw a, mithiamten an han zir chuan an thuneihna inchuh a talang khan insak turah pawh mahni inhmunah pawh in sa hlei thei lovin an in puhmawh chhawng a, chungte chu a lo awm mek lai hian uluk tha hle in ka hria a. Engpawh niselangin ka sawi duh chu a Bill phuahchhuaktu leh thahnemngai taka rawn puluttu hi fakawm ka ti a. Chutih rual chuan kan ram hian eng ang chiahin nge kan mamawh, hman lawka bill kan pass Aizawl Development Authority Bill nen engchen innge a insut. Tin, sorkarin bill a buatsaih mekte nen engangin nge a indungthul tihte pawh han enchian a, chutianga zawimuanga la thir tur chi niah ka ngai a.

Private Member Bill hi kum hmasa lam khan keipawhin ka pulut tawh a, a tawpa han vote thlak dawn kha chuan rinaiin a uihawm khawp a, tha a kan ngaih ve te han pharthlak ringawt kha chu. Amaherawhchu, tun tumah erawh hi chuan sorkarin bill puahchah mek Law Deptt.-a a vet tur a awm mek, Cabinet-in a thir mai tur a lo awm baw anih hi chuan Khawzawl bialtu zahawm tak pawh hian pass pui loh anih pawhin ka bill kan han hnawl ngawt te nen hi chuan a inangio ve deuh in ka hria. Chuvang chuan, sorkar bill hi i nghak mai ang u hmiang tih kan rawt ve a ni. Ka lawm e.

PU LALRINLIANA SAILO :

Pu Dy. Speaker, ka lawm e. Vawina kan Bill sawi tur hi ka'n tui nasa khawp a, a tulna ka ngaihtuahin ka tui hle a ni.

Tin, Pu Dy. Speaker, Khawzawl bialtu zahawm takina a ngaihtuahna thui tak hmanga he Bill rawn pulut leh amah mithiam leh mi hawi her zau a ni bawk a, mite rawn tamin leh heng a bill rawn putlul a pawh hi han chhiar hian India rama rorelna inkaihhraina dan lehkhabyte a chhiar zau hle in ka hria a, a fakawm ka ti tak meuh meuh a ni.

Vawinah hian a hun tawh hle in ka hria a, ka hma a sawitute sawiah khan hun kal tawha thil lo in ruahman tawh pelh leh thin han sawina-ah khan a dik ka ti khawp mai a. Amaherawhchu, Mizo Union hunlaite kha ka han ngaihtuah a, khanglai leh tunlai khawvel lo in changkan hleih dan te, a lo in her danglam dan te ka ngaihtuah a, chunglai chuan an sawi hmangin sawnglai vawin a hmun tha ber bera kan ngaih Zarkawt phei, Chanmari Biakin te leh a thlang te pawh saw inhmun leh ram an inpek lai chuan "Khangbual atanga sawlar piah Lamkuang bul" te an ti a, thlang lama an duh tawk chen chen tihte kha a awm a ni. Chutiang hunlai chuanin Municipality hi a tullo reng reng a.

Tin, sorkar a lo in chhawng a lo in chhawnga kum tam tak a lo kalliam tawh a, kan han rawt thinna han tla leh pawh kha awm ka ti tho mai a. Vawin niah hian ka hriatsual loh chuan motor pun dan pawh hi kan sorkar chak vangah te pawh kan puh ang a. Nikum lam khan nitin motor 15 deuh thaw kha in register ang an ni a. Chutiang ang anih chuan kum hnih khat leka development lo inher chho ah pawh hian dan mumai neih a ngai ta em em a ni. Chuvangin V/C ang ngawt te leh tuna kan in enkawl ang ngawt te hi chuan kan in zo tawh lo hrim hrim mai a, chuvangin rorelna dan/dun tha kan neih kha a ngai takmueh meuhin ka hria a ni.

Tin, Pu Dy. Speaker, tunah hian ka hma a mite sawi ang khan dan mumal tha kan neih loh avang hian kan kawng chep te, kan khawlai tawt ta lutuk te leh a hmun lova bawlhhlawh awm tih te, khang zawng zawng mai a kha vawin a kan dan neih lai hianin a phuhruk zawh si loh avangin mipui kan mangang ta zawk a ni a. Tin, khawvel lo changkanng zelah vawin niah hian Aizawl City kan inti tawh a, Town ni tawh lovin City kan ni tawh a, kan sorkar pawh hian city-ah a puang a ni. City-Khawpui ni si a Village Council-in kan awp flat hi a dik tawh lo hrim hrim a, hmeh pawh a inhmeh tawh lovin ka hria a ni. Tichuan, vawina kan bill a hi a tulin a tul ngawih ngawih a ni.

Pu Dy. Speaker, kan Chief Minister zahawm tak boral ta Pu Denga'n Sorkarna a rawn lak khan kawng a rawn ti zau a, ka lo lawm hle a. Mahse, engatinge i dinglama thute hian policy tha leh hotute hmachhawp hi tihzawm an tum reng reng loh ? Keini chuan kan hotupa-in remna leh muanna kan kengkawh a, Congress Party hi chuan kan damchhungin remna leh muanna hi ken kan tum a ni. Vawin niah hian Aizawl khawpui tawt zia ramhnuai atang pawhin a rawn hria a, kan Chief Minister zahawm tak thin khan, engatinge chumi lam hawi reng renga ke kan pen tak loh ? Dik takin Revenue in kawngsir area a rawn lak khan mi hmun lo ram te pawh a rawn vih khalh kha a ni a, ropui kan lo tih tehlu nen, mahse pu te policy hmasa tih tum reng renglo mai a vawin a kan han kal hi chu a diklo a ni. A sum leh pai Central atanga lo lut a hi engemaw ti a, chep te te a belhkhawm a, Bill sang pui puia lak angte kan rluah a awm emaw ni chu aw ! tih tur hian a a wm a ni.

Tin, kan Minister zahawm tak khan Chhimbial Chhantute pawh kan ti thinur ang e, tih thu a rawn sawi a. Ni e, kan hria a, Municipality Steering Committee an tihte pawh hi an inveng em em a, internet-ah te an en a, an chhiar in an zir a, phaiah te an kal a. Tin, hemi bill rawn move tu pawh hian chutiang chuan a tih ka ring tho a. Tin, Chhimbial Chhantute pawhin an ti ngei, vawiinah hian development hi han ti dawn ta ila, municipality pawh hi han ti dawn ta ila, Saiha, Champhai, Lawngtlai, Lunglei leh Serchhip ah te kan ti nghal vek thei dawn lova. Chuvang chuan he khawpui vawiin nia tawt em em mai atang hian bul han tan ilang chuanin Pu Dy. Speaker, a that hi ka ring ngawih ngawih a ni.

Tin, Kan Speaker hian min fiam thin a, tunlai chu ka en thin a, zep thu pawh a cheng lova. Hemi Twelfth Finance Commission Report-in a Award min pek ah hian a lang kiau mai a, nikum lamah pawh session-ah ka zawt tawh a, chapter - 8 Local Bodies tihah hian State hrang hrang a rawn ziak a, 18-na ah Mizoramah hian Panchayat atan cheng vaibelchhe 20 hi a rawn earmark a ni. He recommendation hian min rawn award a ni. Tin, municipalities atan hian cheng vaibelchhe 10 a rawn dah bawh a, vawiin niah hian khawiah nge kan hman dawn ? Khulam ina award pek, hman theih reng tawh a ni a, a year wise te pawn an rawn ti diat diat a ni a. Chuvangin, tunah hian a tul tak meuh meuh a, a hun dik tak niin ka hria

(Ka tawngsual maithei tunah hian ka rinthu chauh Pu Dy. Speaker) Aizawl Development Authority tih lo piang turte pawh hi tute emaw pension kaihluh nan leh tihbet an tumna te pawh a ni maithei a sin, hemi atan hian nge pawisa hi an hman dawn ? Municipality leh Panchayati tana pawisa Central-ina a rawn pek tur a hi Aizawl Development Authority tan hian hman kan tum em ? Chungte pawh chu fiah taka sawi a tha khawpin ka hria. Chuvangin, tunah hian kan han ti ruai a ng a, tax kan tih dawnin kan Revenue Minister zahawm takin "thil chu a tha tura kan ngaih hi chu han ti pawp mai ila" a ti a. Tin, a sawi zelna-ah "tui pawh hi hleuh thiamlo mah ila han zuang lut bawrh ila kan hleuh thiam chawp mai a ni" a ti a. Tiang deuh hlek khan vawiin niah hian helaia bill chhungah hian coma emaw word hnih khat han belh turte chu a awm ve mahna khangte kha chu nakinah la siam rem theih vek a ni a. Vawiin niah hian a mamawhin kan mamawh tak meuh a ni. Pu Dy. Speaker, hrehawm tak mai a chu, in nih ve ka ring a kan member tam takte pawh an nih ve ka ring a. Ruah a lo sur a, kawngchhakah lei a lo min a, tichuan khang a khan kawng an bo ta a, mi in an hawrh a, an ti chhe leh ta a ni. Tichuan, an duh lai lai hi kawngsir te an ti ta mai a, an rawn nekchep zel a. Chuvangin, municipality nei ta ila dan/dun tha takin hung ta ilang chuan kawngpui a lo zau ang a, mipui kan thawl ang a, anih tur angin thil ani dawn ani tih ka ring nghet flat a. Chuvang chuan, vawiin ni a kan bill putluh leh kan sawikhawm a hi mipui leh kan ram tan a tha a ni.

Aizawl khawpui atangin bul tan ta ila, Serchhip, Mamit, Lawngtlai leh Lunglei lam te nge ni ang ? Lunglei lam chu Mizoram khawpui ber dawttu anihna angin kan kal nghal ngei ngei turah ka ngai a. Tin, Aizawl khawpui introduce kha a thalo lai deuh han tih mar dante pawh a awmin ka ring a. Tin, a tha laite kha la chhawngin, Aizawl atang hian bul tan ila, Aizawl atanga han tih hi a dik thlapin hriatna ka nei a, Lunglei te leh hmundang dang kha tih ngei ngei tur leh a move tu pawh hian a rilrua a awm ve ngei ka ring a. Amaherawhchu, vawi leh khatah kan zo lova, sum leh paite, tha leh tui te, engkimin a zawh loh avangin Aizawl atangin ti ta ila, tichuan Lunglei lam pawh kha a thleng pheih dawn a ni.

Tin, Lunglei lamte pawh hian an duhthusamah chuan vawikhatah avaiia tih hi duh mahse Aizawl atanga han tan hmasak hi na an tih ka ring lo a ni. A chhan chu a tulna an hria a, tih loh tawp leh hnawl leh thin ai chuan tih ve hrim hrim kha an duh ang. Aizawla tih kha an rawn lawmpui ngei ngei ang. Aizawl dawt chu thil engkimah Lunglei a ni tih hi zia ang thur ni lo mahsela a ni ve hrim hrim mai a. Chuvang chuan Aizawla an nghin dur dur leh Aizawla thil an thlen hi chuan Lunglei hi chu automatic-a thleng turah ka ngai a.

Tin, Lunglei lampangte pawh saw kan hlamchhiah tur pawh a ni lova, dik tak chuan. Dik tak chuan High Power Committe tihte pawh saw Pu Dy. Speaker, i bial lamte a ni a, strengthen se tha ka ti a, Aizawl-ah khatih hunlai khan kan Ministry hunlai khan chak taka hmalak a ni a. Amaherawhchu, finna te hian khawvel hi a pha vek lova, nichina Phuldungsei bialtu zahawm takin a rawn sawi "Hengte pawh hi kan han sawi ve thin a, a tla leh thin a, hmana tha lo kha vawiiinah hian tha tawh tak a ni". Hmanah tiang em em in khawpui a tawt flat lo, tiang em em in sualna a lian lo. Hmanah tiang em em in In leh lo a thangin awmze nei taka enkawl a ni bawksi lo. Tunah hian hmana tha lo kha a tha leh flat tawh a ni. Chuvangin a tul em em a ni tih kha kan sawi duh a ni. Ka lawm e.

*speech not corrected.

DEPUTY SPEAKER : Pu Saikapthianga

PU SAIKAPTHIANGA : Pu Dy. Speaker, Khawzawl bialtu member zahawm takina he bill a rawn pulut hi fakawm ka ti a, tha leh tui, ngaihtuahna tam tak sengin a rawn pulut a ni tih a chiang a. Amaherawhchu, kan sawi dan atang khan kan municipality ngaihtuah dan hi Aizawl chep lutuk leh tawt lutuk tifa tur ang deuh hian kan ngaihtuah emaw ni ka ti a. Hetiang ringawt anih chuan tunah pawh hian dan a a w m v e k a, kan ti thei chuang lo a ni mai a. Municipality pawh kha awm se a theih chuan ka ring lova. A chhan chu keimahni zawk hrim hrim mai hi inzirtir hi kan va ngai nasa em ve aw, ka ti a. Party hrang hrang kan ramah hian a lo sorkar tawh a, dan hi fel tak a awm a, motor te pawh hi "Motor lei tur chuan motor dahna a nei tur a ni" tih dan a awm a, mahse han kal vel ila, zanah hian kan mihausa pui pui Aizawl khawpui kawng an tu hote pawh hi a mak a ni, an building chhunga motor khung thei ho hian an khung duh lo reng reng. Hemi dawsawna mai tur dan hi chu kan nei reng a ni, tunah pawh.

Chutiang ang chiah chuan Zotlang atangin kan lo chho va, Tuikual kawng zim lai berah khuan Balu leh Ita leh Thir an lo zuar a, chhun pachangah phailam atanga Truck lianpui pui an han unload a, kan tang mup mup mai a. Hemi remove mai theihna chu dan kan nei reng. Mahse, kan ti thei flat lova. Chuvang chuan heng zawng zawng han en hian municipality kan neih avanga kiang mai turah ka ngai lova. Amaherawhchu, he municipality hi nakinah chuan kan la mamawh ang, a chhan chu mipuiin chu municipality chu anihna ang taka kan chhawr a, chu mite thuawih kan inzirtir a, kan pawm hunah chuan a tha ngawt ang tih ka ring a.

State hian municipality kan nei a, kan khawpui hian a changkan phah ngawt mai, a fai phah ngawt mai ti hi an tam viau pawh ka hre lo, ka hriatnate a tawi bawk a. Culcutta khawpui tawp ber pawl pawh khuan an neihna a rei tawh khawp mai a. Chutiang bawkin Delhi-ah chuan Delhi Development Authority an lo awm ta a, New Delhi Municipality Council a lo awm bawk a, thuneihna inchuhin an buai em em mai a, Meghalaya khawpui Shillong ah te pawh an nei tho a, kan lehkha zirlaia kan School atanga Bara Bazar kal pheina chu hman deuh khan kan han kal chhin a, a kal theih tawh lo reng reng, second-hand zawrhna in a phui flat mai a ni.

Chuvang chuan kan khawpuite kan chei a, kan khawsak mumalna tura hi chu municipality ni mai lo hian inzirtir kan la mamawh hle in ka hria. Chuvang chuan, tunah kan sorkarin municipality bill a lo duang mek a, Law te pawh vet tir tura awm mek tawh a ni a, chuvang chuan hetah pawh hian fimkhur takin party hrang hrangte, tlangngai pawl te pawh a ni ang chu, tunah hian Aizawlah hian Municipality Steering Committee an ti nge ni ? Engnge ni a hming chiah ka hre ta lova. Buaipui em em mai an awm a, an lehkha hi ka hmu thin a, an sawmnate pawh ka hmu zeuh zeuh a, hetah pawh hian a la chiang chuang lo. Municipality kan neih a mizo mipuiin hmasawna tura inchhawp chhuahna ai mah hian municipality neih a tute emaw hamthatna tur emaw khatiang ang politics-a hmun luah vena tur ang chi in zirtirna hi a lian khawp mai a. Kan inzirtir dan pawh hi enchian a tha awm mange, ka ti a.

Tin, Lunglei District lamte kha kan han hlamchhiah deuh mai a, tunah chuan a buaipui nasa ber zinga mi an ni a. Chuvang chuan kan rawt duh zawk chu he municipality bill sorkarin a buaipui mek hi uluk takin kan sorkar emaw, kan dan hre mite rin lohna lam ni lovin, dan hi kan siam a, a fuhlo fo mai a, a fuh ngei t heihna tura duan chhuah a, muangchang deuha la kalpui hi tha in ka hria a, chumi rual erawh chuan Aizawl Development Authority kan ti nge ni ? Hmana kan passed tawh kha erawhchu chak taka kalpui a, chu chuan kan Aizawl khawpui hi khawng deuh taka an han tihchhin hin chu a tul ka ti a. Chu chu a hlawhtlin viau chuan chumi thlakna atan chuan municipality hi lo lachhuak leh ta sela, chumi ni lova Aizawl Development Authority awm bawk, Municipality awm bawk, V/C awm bawka kan kal chuan a inpawt buai reng reng khan hmasawn chuang si lovin inrelbawlna tam si khan kan inhnuk khawtlai ang tih hi kei ka hlau zawk a. Chuvang chuan, vawina kan member zahawm takina a rawn putluh hi a zahawm hle nachungin kan LAD Minister zahawm tak khan a kalphung leh nih mek dan chiang takin a rawn sawi tawh bawk a, House in vote thlak sak lam ni lovin engemaw condition awm deuh pawh khan in withdraw theih mai nise, House hi a mawi zawng ang a, tihte ka ngaihtuahna-ah a awm a, chu chu ka rawn rawt deuh pah a ni. Pu Dy. Speaker, ka lawm e.

S P E A K E R

: Pu H. Rammawi

PU H. RAMMAWI
MINISTER

Pu Dy. Speaker, The Aizawl Municipality Bill, 2005 tunah chuan 2005 nge 2004 ? a original kha ? Member zahawm tak Khawzawl bial a miin a ngaihtuahna hmanga hetiang a rawn duang a hi hman deuh atang khan Bill hi member te chhawp vek a ni tawh a, a ngaihtuahna rilru leh a thahnemngaihna hi Pu Dy. Speaker lawmawm ka ti a. Amaherawhchu, a move na thu han ngaihtuah leh member ten kan sawi dan rilrua han ngaihtuah khan he Bill hianin Aizawl khawpui hnawk lutukte leh kawng chep lutuk leh thil harsa zawng zawng hi sutlang tir kan tum em ni chu aw, tih ngaihtuahna ka rilruah a lo piang a.

Ka hma ah member zahawm tak Kawrthah bialtu khan a sawi tawh a, Dan hi Pu Dy. Speaker, Dan tha tak taka hi a theory leh a practical lai hi kan enngun a tulin ka hria. Tih tak takah chuan India ram hmun hrang hrangah kan hmu a, Assam an fakawm khawp mai, kan Chief Minister hmasa kha a boral tawh a, Pu Saikia hunlaih pawh, Pu Mohanta Chief Minister anihlaih pawh Assam-ah chuan a tak hian an che ram ram mai a ni. Guwahati khawpuiah pawh Police-te nen an che ram ram mai a ni. An fakawm khawp mai. Hmundangah erawh chuan Pu Dy. Speaker, Delhi khawpui Old Delhi-ah khuan kan lengin ka ring a, India President leh Prime Minister thuthmunah Old Delhi khawpui chep lutuk khu vawin thlengin an ti thei lo ni lovin, an ngam tawh lo anih khu mawle.

Vawiniah Aizawl khawpuiah hianin Dan hianin kan problem hi a su dawn lo. A su theitu chu mihring, hruaitute kan ni tih a hmasain kan rilruah awm se ka duh a. Pu Dy. Speaker, khawvel khawpui hmingthang Moscow khawpui kawngpui zauh turin tunhma a USSR sorkar khan an ti thei ngailo anih kha. An khawpui kawng a chep lutuk a, mahse vanduaithlak takin chhiat an tawh thin a, an kang vak thin a, chhiat an tawh chang apiang chuahin khawpui kang an zauh thei chauh a ni. Khatiang khan sorkar lianah pawh an che thei bik lo a ni. Kan India khawpuiah pawh New Delhi te chu Plan a ni an America khawpui Washington DC te khu an luah hma atanga President, Washington-a khan a plan dap a ni a, chumi hnuah chauh khawpui khu luah a ni a. Keini chu kan ni ta lova, he bill hi rulkaw zen nana hman tum ang hrima, he bill hi pass ta ila, municipality hian Aizawl khawpui kawng hi a tizau ang em ? tizau miah lovang.

Pu Dy. Speaker, tunhma in Phuldungsei bialtu zahawm tak khan nichinah a sawi a, Congress Ministry hunlaih Pu Lathuthanga, LAD Minister anihlai khan an pulut a ni. Kan en kan en a, kan thlek kan thlek a ni. A theory leh a practical a inang ang emaw, kan ti. Hmeichhe dahnmun chawikan that zia sawi ang deuh niin ka hria. Tha titlang vek tho siin Parliament-ah pawh a tlang thei lo reng reng, tha kan ti vek a, mahse a tlang thei lo reng reng. Keiniah pawh hian sawi dawn ila tha kan ti vek ang a, kan mipuite kan hlauh vang chu ka ti lo. Mahse, a tlang chuang lovang kan hrawk chin chuanglama kan sawi hi engchen hi nge tih kan ngaihtuah a ngain ka hria. Aizawl khawpuiah kan hria a lawm, a taka face-tu vek kan ni, kan vai hian MLA rual hi kan tangtlang ngamlo a ni. Ruling lam leh Opposition te hi kan tangtlang ngamlo anih hi. Keini pawhin kan tih ngam loh hi kan hnuai a mite hi engatinge tih tir kan tum ?

Thudik hi chu i sawitlang ngam ang u, kan ngam loh hi chu 'kan ngam lo' i ti tlang mai ang u. Mipuiin an thlan chhuah MLA leh Minister rual kan vai hian kan tangrual ngamlo anih hi, tangrual ngam ila a kal mai ang. Tanrual hnuah pawh NGO te support loh chuan kan kal chuang lovang. High Court a awm tawh a hnaite-ah, mi High Court-ah an kal ang a, harsatna kan hmu tlang vek. Pu Dy. Speaker, State Bank hlui atanga Dinthar pawh tur kawng laihah hian V/C leh khawtlang angin kan ti thei lova, YMA kan hma tir a, YMA hmathehah kan hmang a, MHIP, VDC, UPA Pawl leh Party zawng zawng V/C in kan back-up a, theih loha kan neih thin kha fit hnihte, fit thum te in kawng kan zauh thei a. Chuvang chuan, tuna kan problem he bill kan duanna chhan ni a lang hi chu nichina Aizawl Development Authority te kha tunhnaiah hian, tun atanga thla li thla nga-ah hi chuan a pian ngei ngei a ngai dawn a, chumi chuan hma han la phawt sela, Urban Development te pawh lo piang ta sela Deptt. dang nen Co-ordination nei sela, Lawngtlai bialtu in a sawi kha ngam loh ni kan ngah lutuk anih hi, mipuite thlan thin hian, kan ngam loh hi mawi taka kan sawi thin avangin a ni kan buai thin ni.

Aizawl chungchang chauh hi kan sawi a, Aizawl pawh tih tak takah chuan NGO te nen tangtlang ila kan khawpui, kawngpui ni engchen chiah nge kan zauh ang, zauh chu sawi loh a chungkawngpui kal tur pawh hian, Khatla area ah pawh ngamloh kan va ngah ve. A ngamlo-tu chu keimahni hi kan ni. Chuvang chuan he bill kan ngaihtuah rual hian a tak tak a kan kal hunah MLA rual pawhin kan tih theih loh, municipal te tih theih tura kan dah hi chu a tak takah chuan harsatna chhawng in siamna mai mai a ni. District Council Area ah te pawh thil tam takah chuan a tha a, hetiang kawngah reng reng Lawngtlai khawpui pawh an ngam tak tak lo a ni. Vote zawng lai hian kan ngam tak tak lo, chuvang chuan a forum dang a hi ngaihtuah a ngai a, chumi rual chuan hetiang thilah chuan Mizo Society a hlawkna em em chu NGO te nen a tang tlanga hma kan lak theih hi a tangkai khawp mai. NGO te nena hma kan lak hian Excise Deptt. in a zu khawpna a hma an lak aiin YMA in hma an lak hi a hlawk zawk em ? Chutiang bawkin Forest Deptt. in a Nungcha humhalhna kawng a theihtawp a kan beih laiin YMA in a humhalh an ti kha tangkai tak a ni. Chuvang chuan kan hnam thilah chuan NGO te nen a kan tan tlan hian kan target pass hi a sawt tha viau thin a ni tih kha kan rilruah awm se ka duh a ni.

Tin, Aizawl Municipality Bill han tih hi Lunglei ah pawh kan mamawh ve tawh a ni a, khami cover tura sorkarin bill a kalpui mek laia a chhumbunga helaia lo ambush a pawh hi a fel ber em ? Aizawl Authority Development te pawhin hma la ve sela, Urban Development te pawh piang tura ruahman fel vek a ni tawh a ni. Kan vaiin pui ta ila sawisel tur ringawt zawng lovin Mizoram mipuiten an aiawha an thlan thin te hian mawhphurhna lian tak kan nei a ni. He hill a hi kan sawi anga chiang em em chu sorkarin hei aia tha zawka a kalpui lai meki a ni a, chutih laia a famkimlo zawnga kan tih kha a fang ber lovang. Chu ai chuan member zahawm tak hi a thil tum, a ngaihtuahna rilru, he bill puluttu ngaihtuahna a kha sorkar pawhin tuna bill aia zau zawkin ngaihtuahna a hmang a, chumi chung chuan (minute engzatnge ka neih ? Pu Dy. Speaker) Ka lawm e.

Aizawl Development Authority in hma tun atanga rei vak lovah ala tan ang, an hmalak dan i thlir ang. Tichuan, Urban Development Deptt. pawh alo piang a, hmalak dan i thlir ang, chuan sorkarina bill a buaipui lai mek a kha aruala kan tih thut thut chuan Deptt. ah kan hriat theuh hi tangtlang tura kan ngaih kha an in ep thin. Chungte pawh chu a tak taka kan tawh a, vawin ni a kan problem awm a awm a, khangte kha ngaihtuah chungin Aizawl Development Authority te a takin han kal sela. Unban

Development Deptt. te atakin han kal sela chumi chhung chuan Mizoram Municipality District Headquarters tin huapa sorkarina a buaipui lai mek a pawh chu khang a kal tawh tenen khan zawi zawi in thir chho ila, he thilah hi chuan a spirit hi chu a tha, ataka kan kalpuidan tur a kha Pu Dy. Speaker. vawin hian Mizoram mipuiina an aiawha an thlan mawhphurhna min pek te hianin engemaw inchirhtheh nana hman tum lovin atak ram hi i ngaihtuah ang u. Practical-a kan ram kan kalpui dan tur hi i ngaihtuah ang u, kan insawithiam vek ang, mahse kan thiam chuanglo, Aizawl khawpui a chep, kan thiamlohna a awm ang hruaitu kan ni. Aizawl khawpui a chep flat, helam pawh thiam takin sawlamah Pu Dy. Speaker kum 10 chuang Mizoram sorkar kaihruaitu anni ve tho, anmahni chauh dem theih anni lo. Chuvang chuan, public education hi kan mamawh viau a ni tih kha kan rilruah awm sela, bill neitu pawh hianin Pu Dy. Speaker khang ngaihtuahna rilru zau tak nei khan hlim takin withdraw ve rih mai sela a tha in ka ring zawk. Ka lawm e.

DEPUTY SPEAKER

Pu R.M.Chakma hi in duhsak ang aw, ani hi a pharna a rei tawh em mai.

PU RASIK MOHAN CHAKMA :

Pu Dy. Speaker, ka hmalama sawi Saitual bialtu Pu Zira khan Chakma District Council abolish tura a sawi, abolish leh si loh a tih kha. Chakma District

Council abolish lo mahila, kan sorkar leh he party hi chuan sawlam kan ram tan hi chuan India National Congress erawh hi chu abolish vek kan tum a ni. Tin, sawlai mipuiten mi hmuhah nuhrawn tawngkam tha em em mahse a thilunga hmangaih miah loh ai chuan pa rum deuh fate thilung taka hmangaih hi a tha zawk tih kha an hre tawh a. Chuvangin, Indian National Congress chu a abolish dawn tih hi a lang flat a ni tih ka sawi hmasa duh phawt a.

Tin, 'The Aizawl Municipality Bill'

chungchang a ka sawi duh chu, tunah Khawhai bialtuina a buatsaih, heni bill hi duh emaw, duhlo emaw lam ni lovin a famkim tawh lova, kan ram Mizoram pawh hi a huam vak lova, Aizawl khawpui te chauh hi a ni a. Chuvangin, ram enkawlina thil anih avangin uluk taka en a, sorkar lam pawhin uluk taka buatsaih mek anih avangin tun tumah hian pass lovin withdraw mai sela. Pu Dy. Speaker i ding lam a thute pawh khan an duh lova, ngaihtuah chian a ngai a ni. Chuvangin, sorkar lam pawhin kan buatsaih mek tih an sawi takah kha chuan han withdraw ve mai chu flawingaihah la lo sela. Chuvangin, hei aia tha zawk, famkim zawka inbuatsaih nan hun la leh deuh ila. Tin, sorkar lam tih tum mek anih avangin vawinah kan pass ang a, thlaruk hnuah emaw refill leh a ngaih hi chuan naupangte inkualtelem ang pawh kan ni ang a. A famkim loh na na na chuan refill loh theih lohvin a awm ang a, chuvangin withdraw mai sela tih hi ka sawi duh tawka a ni mai e. Chu chu tawka mai se, ka lawm e.

DEPUTY SPEAKER

: Pu Duhoma kha i phar a, nge ni Pu Liansailova kha. Pu Liansailova kha kan sawm leh phawt ang a. Hei kan hun neih pangngaiiah chuan dar li hi kan hun tihtawp hun a ni a. Bill neitu in engemaw chen wind-up paha sawifiah an duh ve leh ang a. Tin, concern Minister kha sawina hun pek veleh emaw an ngai ang a. Tin, kan House Leader hian engemaw han tih rik ve zawk te a duh anih pheih chuan tiang khan kan hun hmandan tur chu ani ang a. Engpawhnise, Pu Liansailova kha kan sawm leh phawt ang a.

PU H. LIANSILOVA

: Pu Dy. Speaker, ka lawm e. Hei vawiin ni a kan Private Bill kan han sawiho hi a bill rawn buatsaihtu leh rawn puluttu fakna leh a chungna lawmthu sawina a sawi zawng zawngin kan nei deuh vekin ka hria a. Keipawh vawiin niah hianin a sawi tawh te han sawi tawh a kha kan rawn tawm a. Hun khawhral lohnan tichuan duhtawk mai ila. Chubaka kan sawi duh hlek chu kan bill rawn thehluttu hianin kan session hmasaah khanin Fiscal Responsibility & Management Bill kha a rawn pulut tawh bawk a, a fakawm hlein ka hria a.

Hei, CAG Report te kan en chuanin Fiscal Management & Responsibility ah hian dan siam kan la neih loh thu a hi report ah hian a lang ziah mai a, vawiin thleng hianin. Pu Lalheriana kan Member zahawm takin chulai pawimawhna hria leh kan sorkarah a tulna hria a khatianga a lo pulut tawh kha a ni a. Amaherawhchu, chu bill pawh chu kan lo hnawl ta kha a ni a, CAG lam atang erawh chuan tun report kan dawn hnuhmunah pawh khanin remark kha an la siam ta fo a, kha kha kan chhinchhiah a tha in ka hria a. Vawiin niah pawh hian he bill a rawn putluh chhan hi chutiang hawi zawng bawk chu niin ka hria a.

Tin, kan han sawiho laiah khan a substance lai kha kan hlauh deuh hlekin ka hria a. A municipality hi khawpui kawng zauhtu tur te khan kan sawi lek lek a, hei hi a ni ber lova. Democratic Institution pawimawh tak anihna laiah nen mipuite hnenah democratic power, devolution of power (delegation nilovin) devolution of power kha ngaih pawimawhna a awm avangin helai hi a ni pawhin a rawn putluh chhan ber pakhat anih ka ring a. Kawngpui zauh tur hrim hrim te, Bazar fai zawkna tur hrim hrim lam chu a thawhdan a zir zel ani ang a, kan enkawl leh thawk tura kan ruahman a zir pawh ani ang a, a tum taka hi chu a kawngpui zauh leh bazar emaw leh kan Inlmitan kawngpui kan lo nek tawh siamthatna tur mai ani lovang tih kha ring ila. Amaherawhchu, a lehzel tur erawh chu hei hian a veng thei turah te pawh ngai ila, sawi tur tam tak a awm a. Vawiin niah hian kan kawngpui chep chhanah te hianin Revenue Deptt. puhmawh tur a awm chuang lo, PWD a awm chuang lo, keimahni theuh hi kan ni. MLA ten in lo tinloh vang pawh a ni chuang lo, in kan han sa a kawngpui kamah chuan kan nek theuh, kan phun lohna turah kan phun ani tih chu kan hre theuh a ni. Revenue-ah kan awm tawh a, kan kawngpui zimna chhante pawh hi District Council hunlai atang tawh khan zuah lo pawh an nilo, mahse diktak chuan henglai velah kan chettiatna-ah hian kan inchhuanna tak ringtu kan nihna hi helaiiah hian kang tilang hleitheh lo vek a, tumah inpuh tur pawh kan awm chung lo, chu chu a niin ka hria a.

Tin, kawrpui kam nek thu-ah te, kawr reserved nek thu-ah te pawh a dik tak chuan helai hi chu inpekna chi a ni love tih ngawih ngawih pawh han dil a, kan inpek tir lo thei lova, chutiang chuan kan inhnawhkhat a, kan mamawh leh awmkhawm kan duhna hian hei hi a hringah ngai mai ila a tha awm in ka ring a. Amaherawhchu, heta tang hian engtinge tha deuh a kan kal ang tih erawh hi chu ngaihtuahna kan hman zel a tha in ka hria a.

Tin, a tha zawk engnge ni ang tih pawh hi kan hmachhawp tur ani ang tih ka ring a ni. Tin, khawpui enkawlina tur erawh chu District Council hunlai atang pawh khan Village Administration, Village kan enkawl dan ang tur hi chu ani lovang tih hi chu kan hotu hmasate lo hmuhdan pawh kha anih avangin Town Administration atan, Mizoram Town Administration Act kha 1955 ah pawh khan kan nei tawh a. Tin, U.T. kan nih hnuah pawh 1975 ah kan nei a, amaherawhchu a hmangtu tur chu a sorkar kha a ni a, implement tu tur chu a tak tak chuan wawiina kan dinhmun hi kan thleng a ni. Tin, ka hriatsual loh chuan 1995 ah Administrative reform tura ngaih pawimawhna ang rilru atanga lo chhuak hian kan sorkar khan a siam a, zau takin Mizoram District leh hemi Village Level atanga State Sorkar a administrative te, kan democratic process ah hian gap a zau lutuk e tih ngaihdan atang pawhin committee, administrative reform rawtna siam tur din a niin ka hria a. 1997-ah report an thehluat a, chutah pawh chuan kan mithiamten mipuite mamawh nia an hriat leh khawpuia mite mamawh, hemi khawpui enkawlina atana mamawh nia an hriat mi tam tak an contact hnuah an report a lang chu khawpuiah hian a bikin Aizawl-ah te hi chuan municipality hi an lo recommend daih tawh a ni, chui chung chuan wawin hi an thleng ta a ni. Tichuan, Town Administration, khawpui enkawlina thua hian a tu-ate pawh wawin niah hian kan han inhnial deuhna a langchiang deuh mai, substance awm chu thingtlang in enkawl dan a hi chu an in enkawl dan tur a ni lo a ni tih hi chu kan chiangin ka hria a.

Tin, a sorkar tu-ate pawh an hunlai theuhah ngaihtuahna hmanna chin chu awm mahse a tak tak a rahchhuak chu a la awm lova. Tin, political party hian kan political platform-ah leh inthlan dawn hnaiyah chuan hei hi chu manifesto-ah kan nei theuh a ni, nichina kan ngaihtlak ang khan zep thu a awmin ka hre lo. Amaherawhchu, a implementation a tak tak han thlen turah hian sorkar a lo ni a, ngaihtuah turté a lo tam a, tihurte a tam a, a chak ta lova, tunah pawh hian he ngaihtuahna ah hian kan hriat reng tur ni a ka hriat chu a democracy kan kalpuina-ah hian hei hi Institution pawimawh tak constitution ah pawh dah a lo ni tawh a. Tin, India ram khawpui zawng zawng hian an that phah emaw, that phah lo emaw, an nei vek a, keini hi a nei lo a chu kan lo ni mai deuh a ni. Chutiang zawn atanga thlir pawh chuan a hun ve tawh a ni.

Tin, keimahni lamah pawh a sawia kan sawi hi chuan nichina kan ngaihtlak tawh ang khan kan sawi a, opposition lama kan awm hian kan nawrna deuh nge ni chu ka hre lova, a sorkara din chhung hianin a draft chhungte hi a rei a, tin, han pass dawn hian engemaw rokhawlhna a lo awm a hman hleih theih lovin a awm mai thin niin ka hria a. Chutiang background atang chuanin tunah hian kan chhinchhiah tur ni ta chu mipui lam atangin khawpui a mite, kan mithiam leh khawpui mi changkang deuh rilruah Village Administration hi khawpuia in enkawlina atanah chuan a tawh lo a ni tih hi chu kan chiang tlang theuh a, inhrilhfiah a ngai lova, aspiration political zawng te in sawi ila political aspiration hi chak takin, na takin a awm a ni. Lungleiah

Hnam Chhantu, Aizawl-ah pawh chutiang chuanin Association pawh indin hialin kan mithiamte an tang a ni. Chutah chuan vawiin ni a kan sawi duh hi chu kan bill puluttuina a rawn putluh hi a lawmawm a, tin, kan sorkar pawhin khatianga a lo kalpui kha a lawmawm tho mai a. Amaherawhchu, 2002-a draft tawh vawiin 2006 ah pawh la putluh hleih theih loh anih avang khan, a sorkar bill chu tha deuh turah leh huapzau deuh turah pawh ngai mahilangin Assurance te kha a awm si loh chuanin kan member tanah pawh a bill hi thahnemngaia a lo tih tawh chu, "ka withdraw leh ang a" han tih ngawt a kha chu a delay zel ang a, he dan hi hmuh theih hian a awm lovang tih hlauhthawmna a awm niin ka hria a. Chuvangin, vawiinah hian Aizawlah kan tan phawt ang a, Lungleiah te a tulna a piangah tih leh zel theih aniang chu tih rilru pua helaiah hian kan sorkar tha tihchaknan leh mipui mamawh chak taka nawr nan he hill hi tha taka kan sawi bona kan in pawm tlan a, kan pass tlang anih loh pawhin assurance tal chu awm thei se. Hei hi chu kan mamawh a ni, kan sawidan kha tam takah chuan kan theih deuh niin ka hria, kawngpui zauhtu tur a ni lo, a chhe tawh siam thatna tur atana chak taka nawr tura kan beiseina pawh a ni lo. A chhe zel tur leh mipui, khawpui chengte political aspiration tur hian hei hi kan mamawh tawh a ni tih niin ka hria a, chu chu ka rawn thlawp a ni.

DEPUTY SPEAKER

: Tikhan sawihona hun pangngai chu kan titawp mai ang a, kan hun neih pangngai chu dar 4 a ni a. A Minister leh Bill neitu-ina an han tih chuan kan huntiam kan thleng chho mai dawn ania. A ni khan sawi phawt sela, a hun pangngai kha chu kan chhonzawm ang pawh ka ti chuang lova, kan sawi tam thawkhatin a lang a. Member ten hrethiam mai ula, kan hun pangngaia chhungkhung tum ila, kan Opposition Leader pawh a la sawi lovin ka hria a. Engpawhrise.....

PU LAL THANHAWLA
LEADER OF OPPOSITION

: Pu Dy. Speaker, a Minister kha chu a sawi tawh a. Tin, Minister-ina a react na tur chi a ni tawhin ka ring lova. Amaherawhchu, House Leader erawhchu hun chu i pek ngei ngei turah ka ngai a. Tihlohah chuan midang hi chu member pangngai kan ni mai a, Minister Bill pawh a ni lova, Private Member Bill a ni a.

PU TAWNLUIA
MINISTER

: Pu Dy. Speaker, insem ila, titawi deuh ila, kan sawi kim dawn nia. Dar 4 ah erawh chuan hetah Private Resolution ni-ah hi chuan kan bang ngei ngei a, chumi tur chuan i adjust mai ang u. Hrethiam tlang ta mai ila, a tha ang e. Hetah Opposition Leader a la awm a, Pu Duha a la awm a.

PU ANDREW LALHERLIANA : Group Leader a awm a, Opposition Leader a awm a, House Leader a awm bawk a. An pathum kha chuan right an neiin ka hria. A dangte hi chu.....

DEPUTY SPEAKER : Anih aw, Pu Lalduhoma kha a lo phar lawk rei tawh si a, sawm veleh phawt ila. Chumi zawhah kan Opposition Leader kan ko veleh ang a, chumi hnuah House Leader. Chuan sawihona pangngai chu kan titawp dawn nia.

PU LALDUHOMA : Pu Dy. Speaker, kha hnuah thawhral ta teuh zawk a. Hei, vawin niah chai development atana thil pawimawh berte zing a mi chu administration tha hi a ni a, kan hre theuh a. Tichuan, khawpui chhung rorel dan tur te, thingtlang lam rorel dan turte India sorkarin Constitution Amendment 73-na leh 74-na hmang te in a rawn duang chhuak a. Chu chuan a huap loh ramte ni mahila, min huap theih dan te a awm ve tho avangin kan ramah hian hmang ve tawh ila tih thahnemngaihna avangin Khawzawl bialtu in bill tha tak a rawn thehtut a ni.

Constitution Amendment 73 leh 74 na te hi anih dan ang ang a hmang tur kan ni lova, kan ram mila hman ve phalsak kan ni a. Chuvangin, heng thilte hi kan ram mila kan duh ang tawka kan tih mai tur a ni a. He Municipality hi development thawk turte leh thuneihna hrang hrang thawk tur atana duan chhuah a ni a, kan hria a. Member tam takin an sawi a, dik ka tih em em chu a mal te te-a heng thil hi ti lovin vawikhatah kan ramin administration set up thar hi a rualin chinghel vek ila an tih kha ka tawm em em a ni. A mal te te a V/C seat thitlemna ordinance te a hranpa a ti chuk chuk lovin, V/C Election Rules te a hranpa a bei lovin, V/C Act thilte a hranpa a thilr thilr lovin, Aizawl Development Authority thilte a hran hrana ti ti lo hian Village Administration leh Municipality zawng zawng avaiia khaikhawm tur Panchayati Raj Institution hi a rualin kan sorkar hian rawn sian sela, rawn ti ni sela kan thlawp chak zawng tak tur a ni. Amaherawhchu, chutiang anga ti lovin, a mal te te in hei an rawn ti a, tuna an rawn tih pawh hi draft an siam hnuah bang dan lekah kum 4 chhung a file pending ani tawh a. Chuvang chuan kan ngaih a tha vak tawh lova, anni hi kan ti ang an tih hi an tilo fova. Hnathial te pawh District Headquarters ah kan siam ang an tih chu Police kan vuak tir hrep ang che u, an tihna kha a lo ni pek a.

Tin, an manifesto kha in sawi uar bawk a, Mizoram pumpui Scheduled Area-ah 6th Scheduled hnuaiiah dah kan tum ang an ti a, an tum thawm kan la hre lova. Kaptai Dam-in Mizoram a chimpil leh in leh lo chante compensation hmu tura hmalak an ti a, an lak tan hre lova, kut hnathawktute thlathar chhuahte man man zawka hralhna tura ruahman sak a, budget prvision siam an ti a, an siam chung bawk lova. Tin, Comprehensive Master Plan siam an ti a, a thawm pawh kan la hre lova. Tin, Panchayati Raj hman thilte pawh an ziak a, an ti chuang lova. Tin, Aizawl khawpui atanga Assam Rifle sawnchhuah an ti a, an sawnchhuak lo Chiang hle a. Hemi awmzia pawh hi 1st Assam Rifles kan sawnchhuak ang a, 8th Assam Rifles kan la lut ang an tihna a ni awm e. Chutiang chu a ni a, an insawn chhuah hun tur chu aia hia em a ni.

Tin, Transport Corporation siam te, zirlai rethei zual hnenah uniform a thlawna pek tih te a ropui hle mai. Tin, damlo rethei zual poverty line hnuai a mite dawmdawi in-ah an awm chuan a thlawna an enkawl an tiam bawk a ni. Hengte pawh hi a awmzia chu a rethei berte pawh nachhawknate te pawh a leiin kan leitir zel tawh ang che u an tihna a lo ni a, a buaithlak hle a ni.

Tin, Tlawng leh lui lian dang khuahte pawh intodelh thei tura chak taka hmalak an ti a, Tuirial Hydel Project ah compensata lak vak kan tum ang a, an chawkw buai vak ang a, hmasawna kan ti khawlh kham ang a, kan ti tawp vek dawn nia an tihna ang a lo ni a. Tin, Teirei atanga Re. 1 pawh fling mang lova unit khat kan leite pawh a tlawm tehlu nen a let thuin mipuia kan hralh chhawng ang a, mipui kan sawp hrep dawn nia an tihna kha a ni zel mai a, a buaithlak em em mai a Domestic light consumption free a pekte an ziak lehngal a ni. Chutiang chu anih avangin inrin hi a har em em mai a, Rangva, Gas, Electric leh tui connection mirethei zual bikte hnenah a thlawna pek tihte a ni a, loan la, rul theilo ngaihdam tihte a tam hle mai a. Tichuan, Akyab pawh tana tui leh kawnga kalna siam tih te a ni a. Hei hi keimahni hian kan sawi fova, an sawi hi ka la hre lo reng reng a.

Youth Commission siam an tiam bawk a, hengte pawh hi keimahni zawkin kan han rawt a, tul an ti leh mang lova. Right to Information te pawh bill kan pulut a, min phar thlak sak mai kha a ni a, chutiang chu a ni a, sawi tur a tam a. School Education Department then darh tihte kan sawi seng awm love. Chuvang chuan, heng zawng zawng anih avang hian anmahnin nichinah khan Minister pakhatin kan manifesto ah a chuang a ni, a ti a, pakhatin a chuanglo a ti a, anmahni leh anmahni an inhnial a, khami avang kha a ni a, a chuan leh chuan loh lam ka sawi lova. A chuang emaw, chuanglo emaw, he subject hi kum 2002 a mi wawinah a file Law Deptt. ah a la awm a, chuvang chuan keini tan chuan ngaihthat a har em a ni. Tih tak takin IGFAI Bill angah te khan party dang hi min rawn sela chuan kan sawisel hauh lovang, kan vote pui leh thlap mai ang. Vawikhatmah min rawna an nei bawk si lova, Aizawl Development Authority te a awm ta a, hengte hi municipal awm lova direct-a anmahni thuneihna hnuai Chief Minister Chairman-na tur anih avangin, municipahty hi chu kan nei lawk lovang tih hlauhna te kha min pe nasa tial tial mai a. Chuvangin, kan mangang a, hei hi tih ngei a ngai anih hi kan ti a.

Vawin niah hian Pu Dy. Speaker, Municipal hi a hmahmawh thlak a ni tih kan hria, miin In an sa dawn a, ban a phun dawn a, "khalai chuan phun teh suh" lo titu awmse a dikah a phun mai ang. An awm miah loh avangin neitu leh enkawltu neilo kan nih avangin neitu lak awm a tul kan ti a. Tin, Finance Commission te pawh hemi atan hian nuai 33 min rawn pe a ni a, hemi atan ni mang silo hian kan hmang mai mai dawn niin a lang a, hemi atan hian hman ti ila chak takin central lam atang pawh hian an pawk hle dawn nite pawh hian a lang a. Chuvangin, vawikhatah a ruala tih vek chuan sumte pawh a harsa thei a, Aizawl khawpui atangin i han tan phawt teh ang, a dawt leh ah a dangah, a bul tan nan i ti ang u, Mizoram pum huap a kan tihna hi a dal love.

Chuvangin, tun sorkarin a bill draft an kawm mek a hi a rei lulai tawh em mai a. Hemi kan nghak dawn anih chuan kan nghakchhuak lovang tihte hi kan hlau a. Hetiang a kan ti ang an tih hi ti zung zung zel se chuan, "E, a ni tak a lawm" kan ti tur a ni a. Mahse, kan rilruah hian ngaihdan pakhat hi apiang ve flat tawh mai a, dik takin ADA te pawh kha Aizawl-ah chuah tih a ni a, kan duhlo tim kan hnial hlei nem, Lunglei pawhin a mamawh alawm, engatinge in rawn telh loh kan ti hlei nem, kan pass pui mai alawm.

Chuvang chuan he municipality hi Aizawl-ah hian a khawpui ber a ni bawk a, i han tan teh phawt ang kan ti a ni a. Chu chu tul an ti lova, an duhlo anih chuan min phar thlak sak leh mai turah ka ngai a. Thuneihna insemzai hi kan la phal love, khawpui chhunga V/C zawng zawngte pawh hi hneh taka kan kut a kenkawh a, kan duhloh zawng V/C te pawh dissolve zung zung theih kan la duh a, Secretariat a thingpui sem tur lam hian Minister-te hian thlan hi kan la kham rih love, thuneihna hi i semzai lo teh ang, kan phal love an tih chuan min hnawl sak leh mai rawh se, Pu Speaker. A hmanh rawh thlak loh ve, kan khawpui pawh hi a duh duhin batu te an duhna hmanah dah se, ban te an duh duhna-ah phun nawk nawk se, kawngpui pawh zauh lovin chhozual zel rawh se an ti anih chuan min phar thla mai rawh se.

Chuti anih loh chuan hei hian a pumpui huapa hmalakna a dal chuang lova, vawiin a kan member zahawm takin a rawn tih hi pass ila, sorkar pawhin a duh ve tak tak anih chuan a duh ve zia tilang mai ang hmiang. Tilang ve mai se lungrualin pass pui se, a tha lo deuh anih chuan kan la thawm tha zel ang a, kan kut a awm alawm, amendment a tih theih zel alawm. Tichuan, bul kan tan ang a, a kal mai ang. tuna kan tan loh chuan engtik ni-ah pawh ti ila, a pumpui huap bill pawh hi pass ila, a tirah a rual vek chuan kan ti thei chuang lovang. A mal te te a khawpui a tan hi a ngai tho tho dawn a ni tih a chiang reng a. Chuvangin, he bill hi kan khawpui te lainat a, hmanhmawhna rilru nei zawng zawng chuan a puitlin kan duh a, mahse anih ang ang a tuna kan awmdante kan la ngaithei viau anih chuan chu chu vote in kan tilang mai turah ka ngai a ni. Ka lawm e.

DEPUTY SPEAKER : Pu Lal Thanhawla

PU LAL THANHAWLA : Pu Dy. Speaker, tuna Private Members' LEADER OF OPPOSITION Bill 'The Aizawl Municipality Bill, 2005' rawn puluttu Pu Andrew Lalheriana, Khawzawl bialtu zahawm tak hnenah

lawmthu sawi kan ba theuhin ka hria.

Member thenkhatin Private Members' Bill anih avanga kan lo pass a nakina tu leh fate hnenah hei hi keima tih anih hi tiin a chhuang ang a ti zawnga ngaituahna awm kha a vanduaithlak ka ti a. Tu Bill pawh nise kan ram leh hnam tan a that chuan he House ah lungrual takin kan sawiho ang a, kan pass mai tur a ni a. Tin, a sorkar lam atangin he bill hi kan la hmuh loh hrim hrim avangin Private Members' in Private Bill a rawn pulut hi thil lawmawm tak a ni. Tunhma pawh khan kan pulut tawh thin a. Amaherawhchu, phar thlak a ni zel a, vawiinah hian hengte pawh hi kan member zahawm tak hian tha, hun, sum seng leh rilru ngaituahna tam tak senga a rawn putluhna chhan hi Pu Dy. Speaker, kan manifesto ah te kan dah hlawm a, kan sawi flang a. Tin, Democracy ramah chuan Democratic Institution pawimawh tak a ni a, chu chu kan neih loh avanga harsatna tam tak kan neih a, hi a solution kawng hmasa ber ni a arin avanga rawn pulut a niin ka hria a, a thahnemngaihna hi a lawmawm hle a ni.

Chuvangin, Private Members' Bill pawh niselangin a that chuan kan pass mai tur a ni a. Kan duh lohna kan han sawiah khan. Private Members' Bill hrim hrim a hi kan thinhrik dawn anih chuan kaldan dik anih ka ring lo. Hei hmundang tam takah pawh Private Members' Bill an pulut thin a. Tin, mithiam bik chungchange chu tunah hian India ram ngei pawh hian kan tangkai pui tam tak a awm a ni Private Member Bill hi. Tichuan, kan pass hnuah chuan sorkar ta a lo ni mai a, private ta tih tih pawh a awm tawh chuang lova, chuvangin khatiang kawnga in duhloh sak a kha thil diklo tak niin ka hria a, chu chu ka'n sawi lang ve duh hrim hrim a.

Tin, Pu Dy. Speaker, kan sorkar pawh hian mipuiin an duh ni a an hriat avangin an duh a, amaherawhchu an duh tak tak ngam si lova, nichin a member thenkhat ten treasury bench atanga an sawi kha dik hle in ka hria a, hmannah member zahawm tak pakhatin zawhna a zawt a, hemi municipality bill hi siam tum a ni em ? putluh tum a ni em ? tin zawhna kan zawt a, "tumna a awm love" tih a ni a. Tunah chuan a minister vekin bill kan siam mek a, chutiang chuan a awm a ni, a rawn ti leh ta te atang pawh hian kan sorkarah hi chuan he bill/dan hi, he democratic institution hi a pawimawh ti tan chuan a ngaihngam awm lo hrim hrim ta mai a ni. Chuvangin, ngai pawimawhtu tan hetiang an rawn tih hi chu a tu te pawh hian kan welcome tur a ni a. Amaherawhchu, chhuanlam engemaw avanga kan hnawl duh hrim hrim anih chuan chung chu keini va sawi phak a ni lo hrim hrim a.

Tin, kan treasury bench lamah pawh ngaihngam a inang lo hle a, Lawngtlai bialtu zahawm tak khan tha a tih loh dan hrim hrim leh doubt a neih dan kha a rawn sawichiang hle a, a lawmawm a.

**PU H. VANLALAUVA
MINISTER**

Pu Dy. Speaker, Municipality Bill chung-
chang thu a zawhna 3 ka dawnah hian
chutiang chhanna chu ka pe miah lo.

Pu Sailothanga Sailo zawhna No. 88

naah a awm a, Pu H. Liansialova zawhna No. 228 ah a awm a, Pu Lalthmingthang zawhna No. 375 ah a awm bawk a. Hemi chhanna ka pekah hian "tumna a awm lo" tih pakhatmah kei chuan ka dah lova. Amaherawhchu, "hei hi la kal mek, la peih loh a ni e" tih erawh chu ka dah a ni.

**PU LAL THANHAWLA
LEADER OF OPPOSITION**

Pu Dy. Speaker, A enga pawh chu nise
.....ka keng ta mai lova, engpawh nise
ka hmu ngei a, a enga pawh chu nise
a zawimuang lutuk hrim hrim hi kan

ngaih a ti tha tawh lo a, chuvangin thahmemngai rawn ti a ni. Tin, kan Minister zahawm tak Agriculture Deptt. changtu khan sorkar atanga an hlawhchham zia leh a ngaihna a hriat lohzia leh beiseina a neih lohzia a rawn sawi ngamte kha a lawmawm ve hrim hrim a.

Pu Dy. Speaker, V/C te hi kan tangkaipui hle a ni. A chhan chu hetah sorkar a awm a, khawte te kha a zu ngaihsak vek seng lova, kan Minister-te leh hotu lianten. Chuvangin, tualchhungah an mamawh leh tul leh ngaih pawimawh zawng kha a hmun thuin an ngaihtuah a, kan chhawr hle a ni. Chutiang deuh chuan Aizawl khawpui hi Lunglei te pawh a ni ang a, Kolasib te pawh a lian tham tawh a, tunah hian a hmunthua a loval level zela ngaihtuah tur hi a tam hle a ni. Minister-te leh kan Officer tena an zu ngaimawh phak loh leh hmuh phak loh hi tih tur tam tak a awm tawh a, kalkawng han chhun hnawk maite, a awl khawp mai.

Tin, motor hi a tam zel a, development ah sum te a lo lut tam a, kan nei tam chho zel a, kawng hi khawiah pawh han zauh thin mahselangin milian leh mi hausa motor dahna a ni ringawt mai a, a mirethei leh ke a kalte tan chuan a hlauhawm em em zel a, heng angte pawh hi chhun zana a hmuna thutchilha ngaihtuahtu an awm chuan tuna heta a sang, top level atanga ngaihtuah ai chuan a tha zawkin a rinawm a.

Tin, democracy ah hian a tyre a ber hian mipui tan a zangkhai thlak a ni. Saw, Chhimtuipui saw tunhma khan kan sawitel ve ziah a, Village Council an nei a, chumi Village Council chuan mipui mamawh a phuhruk zawh loh pawin emaw, harsatna emaw an neihin District Council-ah kalna an la nei leh a, District Council-in theihpatawpin an lo ngaihtuah a, an theih bak piahlamah chuan State Govt. emaw a lo ni a. Hemi Hmarlamah hi chuan kha kha kan lo nei ve ta lova, V/C te tana hetah a kar laka lo ngaihtuahtu leh buaipuitu an awm ve lova, State Sorkar rawn dawr hi thil buaithlak tak a ni. Chuvangin, a Democratic Institution a hi hetah grassroot leh top inkarah hian pahnih/pathum awm hi a tha hrim hrim a ni mipuite tan. Chuvangin, Aizawl khawpui angah te pawh hian hetiang a Municipality kan lo neih chuan heta sorkarina a zuk ngaimawh leh ngaih pawimawh sen loh hi a hmun a thuin a lo ngaihtuah tawh dawn a, chuvang chuan kawng tam takin zangkhai takin mipuite tan a awm ngei ngei dawn a ni. Thildang thildang chu kan sawi hman tawh lovang a, chutiang chu a ni. Pu Dy. Speaker.

Entirnan, nichinah an sawilang a, motor dahna chungchangah ringawt pawh hian tunah hian sorkarin parking place angte a ngaihtuah loh pawh hian khami hma-a a ngaihtuah tur pawh a tam khawp mai. Nichinah kan ngaihtla tawh a, miin motor a lei dawn chuan a dahna an nei tur a ni tih a ni a, vawiinah chutiang neilo chu a tam bera hi kan nih hmel a. Chuvang chuan kawngsirah, khi sorkar motorte pawh a nuai 10 tel man hi kawngsirah misual tute tihchhiat theih, rukbo theih maiin a awm te hi thil dikle tak a ni. Saw keini saw kawng atanga nasa taka tawlin inlengte leh tu emaw te motor dah nan kan ti a, mahse inleng tur ten an chang ngai reng teng lo. Chutiang khawp chu kan mamawhna hi a ni, kan hunlaih khan vawikhat chu motor lei chuan a dahna In (garage) an nei ngei ngei tur a ni tih order kan han siam a, mi tam tak hian an ngaihtuah sup sup mai a. Mahse, kan kengkawh hman ta lova, chutiang chuan a hmuna ngaihtuah bik tur hi kawng tinrengah kan mamawh a ni, pawng hauh ringawt lampang a ni lo. Aizawl faina lampang ringawt a ni lo, mipuiin harsatna kan tawh tam tak sorkarin a hriat mahse, a hmun thu a neih loh avanga tih tur a tih loh hi hetah bill ruangam han siam atang ringawt pawh hian Pu Dy. Speaker, a lang a ni.

Awle, a Member te leh Executive Council te kha mipui thlan a ni a, a nilo anih pawhin an nin an hmanrua tur kha zau zawkin local area ah khan an hnathawhna tur an bithliah kha a awm thliah thliah dawn a ni tih kha bill atang pawh khan a lang a, kha kha mipui hmakhua a ni dawn a ni kawng hrang hrangin. Chuvangin, he bill hi kan zavain vote zawnlai chuan tha kan ti tlang hlawm a, ti turin kan intiam hlawm a, mahse sorkarah chuan kan ngaihlak tawh ang khan chak taka tlanpui puat puat a harsa. hriatthiam chin kan nei a, amaherawhchu, tunah hi chuan a rei ta deuh a, sorkarin kan ngaihtuah mek a ni, a tih chhung hi a rei ta deuh bawk si a. mipui lam atangin nawrna a nasa kan hre theuh a, lehkhaw pawh kan hmu theuh thin a.

Tin, nichinah pawh kan hmu tawh a, Chhimbial Chhiantu atangte leh Hmarbialah pawh hian sorkar hian ti rang se, ti a nawrtu hi an awm reng tawh a ni. Hetih karah hian Private Members' Bill hetiang lo lut hi thil lawmawm tak a ni a, kan sorkar tuna treasury bench te attitude atang hi chuan min pass pui dawn lo tih chu a chiang a. Amaherawhchu, hian ang a kan phut ve duh chu, hemi hi chak zawka kalpui tura assurance hi kan duh a, tin, chumi rual chuan he bill a pawh hi lo pass ta ang ila, engnge sorkar tan a tlawmngaih thlakna awm, tuna an bill lo siam non chuan a inruat ang a. an siamrem chho ang a, tichuan an hmalakna tur a kha kan lo kalpui amasa a ni mai dawn a, lawm viau zawk awm tak a ni a. Amaherawhchu, Private Members' Bill a ni a, engemaw thalo, diklo siamfel ngaite a awm emaw Law-in an la bih lova hetia kalpui ringawt chu tihte kha a a wm a, chutiang anih pawhin tunah hian kan pass a, a siam ngai chu siamthat theih zel a ni a, dan reng reng hi amend loh hi avang hle a ni tu sorkarah pawh, khiawi khawvelah pawh. Chuvangin, a fello lai leh a tul laite chu lo amend chhoh zel theih a ni tih hre aungin rilru tha takin ngaihtuahna hman tlan a pawimawh tawhna leh zorama mipuite tan hamthatna anih bakah kan lehkhathiam tam takte hian a pawimawh a, a tul tawh a ni tih ngaihtuahna an neih hi an political aspiration a hi helai atanga kan zuk pek theih, tuamdah theih mai anih si chuan engahnge kan tih lovang tib hi keini ho ngaihdan a ni a. Chuvangin, he bill rawn puluttu hi a hman aymthu ka sawi rualin a hun leh sum sen dan te, a ngaihtuahna hman te hi a lawmawm hle a. Member dangte pawhin khiawi bench a thu tan pawh entawn tlak a ni ka hria a, chuvangin he bill hi ka rawn support a ni. Ka lawm e.

DEPUTY SPEAKER

: Awle, tikhan kan House Leader sawm ve leh ila. Tin, nichina ka tarlan ang khan member ten thil hrang hrang kan sawi a, a concerned Deptt.

L.A.D. Minister zahawm tak hian engemaw chen chu han sawifiah tul dawnin a lang a. Kan House Leader hun kan pek zawhah hianin rei lutuk lova..... kan insiamrem theih chuan a tha e. Pu Tawnluia ilo sawm ang.

PU TAWNLUIA
MINISTER

: Pu Dy. Speaker, ka lawm e. Hei vawinah Private Members' Bill tun term chhunga kan vawinmih sawina hun kan hmang a.

Hetiang kan member zahawm tak tena Bill an rawn puluttu a, sawihona chance kan neih pawh hi kan hmasawinna chikhatah ka ngai a. Tin, a thuah erawh hi chuan sorkar kan lokal thui tawh a, chuvangin hetiang a rawn putlul ngai ang ang a kal chhoh tlangpui erawh hi chu a remchang dawn lova, pawl ka ti khawp mai a. Chu chu kan member zahawm tak pawh hian a hriatthiam kan duh viau a ni.

Hemi Municipality Bill hi Mizoram sorkarin OSD te ruaiin state danga an tihdante thil a lo draft chho a, chu chu uluk takin deptt. in a buatsaih kha Law ah a kal a, Law in an lo examine a, clarrification leh engemaw advice te an pe a, chu chu Deptt. in an tifel leh a tunah hian Law ah a awm mek a ni.

Fin, he bill hi 'The Aizawl Municipality Bill' a ni a, sorkarin a buatsaih chu Aizawl chauh ni lovin Mizoram puma municipal neihna tur a ni a, khawpui dangte pawh a huap a. Chuvangin, sorkar hian tiemte pakhat chuaha u lovin kan zavaia len theihna turin thawhkhatah kalpui ang kan ti a. Chuvangin, The Municipality Bill hi kan siam a ni a. Hetiang hian sawi ta ila, kawng kan lai a, small vehicle chauh len theihna lai lovin Truck leh Heavy Vehicle te, Motor lian kal theihna law law in saim teh ang thawhkhatah i zo teh ang kan ti a ni a. Chu chu sap thufingin lung pakhata sava pahnih vawmthluk tih ang khan sorkarin ngaihtuahna a hman avangin chutiang chuan bill a lo kalpui mek a ni a. Member zahawm tak helai a thuziah zawng zawngte nen hian a inkalhna a tamin kan ring lova, a awmia chu member hian sorkar poliay leh kalphunga kha a rawn thlawp a, chulaiah chuan kan lo kal thui tawhna leh tuna a kalphung dik tak tur anga a lo kal chhoh tawhna kha a ni pawh hian hrethiam sela tih kha erawh chu vawiin niah hian kan tarlang chiang duh mai a ni.

Fin, kan sawi ang kharin het hi pass emaw tuna sorkarina kan tihlai meka pawh chu pass ni ta ila implement tak tak tura kha chu a kum anih loh chuan inthlante a ngai a, thil tam tak kha a keng tel a. Chuvangin, sorkarin tunah hian Aizawl khawpui Development Authority pawh khatiang ang khan hmanah hetah House ah te, pass tawhin kan kalpui chho mek a, hei hi tun June thla hma hi chuan sorkar pawhin Aizawl Development Authority a hi implement a tum a, Chairman ah khan Chief Minister chu a ni lovin ka hria a, nichinah khan han sawirik zauh kha a awm a, a Chairman-a kha chu Chief Minister a ni hauh lovin ka hria a.

Fin, Urban Development Deptt.-a hi ken Cabinet-in Committee siamin din turin hma rawn chhawp turin tunah hian a buatsaih chho a Chief Secretary hovin, tunah hian an thlir mek a. Session zawhah hian chuanin Cabinet a putlul theih tur angin anni pawhin ruahmanna an rawn siam kan ring a. Chuvangin, kan enghelh theuh mai a hi chutiangang chuan sorkarin a lo bawhzui mawih mawih a ni a, Deptt. thar siam tura Urban Development Deptt. hian Aizawl khawpui Development nichina kan han sawi chi hrang hrang a dawnthleng central atanga pawisa lo kalte pawh chutiang chuan a lo inlung ang a, chutiang bakah chuan Development Authority kha a awm ang a, chuan chung zawng zawng khatia a function chhung khan hemi Municipality Authority a hi chu Council kan tih emaw, chutiang anga kan pass tura chu tikhan anahah khan a rawn chhung khat mai dawn a ni. Chuvangin, indep dalna pakhatmah a awm lova, chuvang chuan tunah hian kan member zahawm takina a wil rawn putluha hi a ngai ang deuhthawa hetiang ang zul zua sorkar lo kal tawhna kha ring tlang thei mai ilang chuan a va tha ve, kan duh a in thumur vek si a.

Chuvangin, vawiin ni a kan ngaihdan sawi sawi a te kha sorkar pawhin hre rengin khami zulzui zel pawh khan enohian hunah pawh Cabinet-te pawhin lo thlir ta sela. Fin, nakinah hetah la putlul a, la sawi leh tur the bawh kha a ni dawn a. Tichuan, kan sawi ang khan motor te lei lovin motor lian i lei law law ang u, kan ti a ni ber mai a ni. Thildang a ni hauh lo mai a, kha kha chu hriatthiam tlan atan tha ka ti khawp mai Pu Dy. Speaker.

Tunah pawh hianin kan party pawhin manifesto ah khan khawpui lian zawkte awp dan leh in enkawil dan, rebawil dan changkang zawk leh tha zawka siamte kan han ti a, municipality kha a hranin kan la nawr chung pawha vawin ni a bill a draft stage a awm a. Law-ah te a awm a, putluh tura kan buatsaih hian chuan kan manifesto bakah pawh sorkar hian a dang tula chu a ti zel a ni tih kha a lanchiantir em em mai a. Chuvang chuan khalaiah khanin sorkarin khawpui enkawlina tur hetiang hian a buatsaih a, a pawimawhna thu te pawh kha kan han tarlang niselangin a tha in ka ring a.

Tichuan, zau zawkin zoram pum huap zawkin, Aizawl khawpui chauh ni lovin kan tih mai bakah a sorkarin chu chu kan zavain kan hnial tur pawh niin a lang tlat lova. Chuvangin, ngathdan inang tham mai kan neih karah khan chulai te mai chu aw, ti tlang ve thei theuh ta mai ila chuan vawinah pawh hian heng hi phar thlak emaw, in hnawil emaw lam ni lovin hetiang thu kha a phuisui zawkah te pawh ngai ila. Kha kha sorkar lo hmalakna kha a tha alawm mawle ti nghal thei mai ila chuan Pu Dy. Speaker lungrual takin vawina kan sawihona pawh kha kan conclude thei dawnin ka ring a. Chutiang chuanin vawinah hian kan member zahawm takte nawn ngaihtuahna rawn hmang thei sela a tha khawp ang tih kha ka rilruah a awm a, chutiang chu sorkarin amah pawh kan han ngen takmeuh meuh a ni a.

Tin, kawngpui zauh te a tawp a, kan traffic tawt lutuk te pawh li kan sawi a, a dik khawp mai Pathian zarah hei a term hnihna atan mipui duhsakna kan han dawng a, chutiang chuan a term hnihna kan han ken hnuaah hian District hrang hranga District Council inthlanna-ah te pawh saw sorkar kan han bun leh ta fir fer a, tun V/C Election hnahmung berah pawh tiang hian hnehna kan han chang a. Tin, Bye-Election ah te pawh khan duhsakna ropui tak mai mipuin min hian chho a, M.P. inthlan kan neih hnahmung berah pawh chutiang chuan mipui hian kan sorkar sulhnu an hnahin min la thlawp ve hle ni te pawhin kan hria a, lawmawm kan ti a. Chuvang chuan, vawinah hian mipui rahbeh leh hrekbek lampang zawngin sorkarin ngaihtuahna a hmang hauh lova, chu pawh chu mipui hian kan chetla, kan hawihor, kan sulhnu hmu in hai rualin.....

DEPUTY SPEAKER

: Khawngaihin, kan hun a tawp a, han sawi zel mai rawh se aw.

PU TAWNLUJA
MINISTER

: Pu Dy. Speaker, sorkar hi min la tawi-awm niin ka hria a. Hei, kan rorelnaah pawh ka lawm em em a, kan Chief Minister tunkar zawng tulna dang

avangin a fehchhuak a, nimirah te lo thlang in, vawin te chu niin ho ang ti kan beisei lain tiang hian vawin thfengin min la ho lova. Chuti chung chuan kan discussion a spirit, he House-a kan hawihor leh kan tawngkam hman leh member tinte ze ka hmuh hian hmasawn zawngin kan House boruak hrim hrim a pawh hi kalpui kan duh tlang tih kha a chiang hle in ka hria a, chungte pawh chu vawinah hian ka'n sawi duh a. Thu inchuh leh han inhnial khat khat hi chu he House-ah hi chuan a awm tur a ni, amaherawhchu kan rilru chhungrilah tha kan duhna kan inpawh tlan tha in ka hria a, chu chu vawinah hian member zawng zawng hnenah pawh lawmthu kan sawi nisela.

Tichuan, Dy. Speaker, kan member zahawm tak Pu Andrew Lalherliana bill rawn putluh a hi kan sawi tak ang khan hma lo lak mek lai a ni bawk a, zau zawka ke kan pen theihna turte pawh a ni ang a, tiang hian puitling takin khatia kan sawiho kha duhtawkin rawn withdraw thei mai sela tih kha ka'n ngen tak meuh meuh a ni e. Ka lawm e.

DEPUTY SPEAKER

: Awle, ti khan kan sawihona hun chu kan lo zo ta a. Bill neitu Pu Andrew Lalherliana wind up turin sawm ula, pass te pawh rawn dil nghat mai se, ilo sawm ang.

PU ANDREW LALHERLIANA :

Pu Dy. Speaker, ka lawm e. Hun hmar rei loh ka'n tum ang a. Kan Minister-to kan dawh hle a, min dawh ve avangin ka lawm lawm e. Vawin niah hian lawmthu ka sawi duh phawt a, kan ruling lampangte hian min dim em em mai a, a dan lampangte hian min rawn ching hrep ang tih kha kan hlau deuh a. Amaherawhchu, dawhthei takin khalampang kan tlin lohna nen tamkim lo deuh a kan buatsaih pawh kha dim takin a tha hle a, amaherawhchu, ti zelin opposition pawh ni mahselangin in rawn ti kha a hrim hrimin in polite avang khan lawmthu ka sawi duh a ni.

Tin, kan member zahawm tak Pu Thlenga'n hei hi chu hmingchher nan a ni deuh lo maw ti a asawi kha chu a nih loh thu sawi pawhin tlem sawifiah ka duh a. Hei, bill hi pahnih ka pulut ve tawh a, ka putluh reng reng hi in chhinchhiah tur a ka duh ve chu member zahawm tak te Central lamin a tih tura an recommend kan la tih si loh chauh hi a ni ka tih. Entnan - Fiscal Responsibility and Budget Management kha ka pulut a, ka putluhna chhan chu 11th Finance Commission kha Fiscal Management a fei taka dan mahni inkhuahkhirhna dan siam turin kan sorkar kha a rawn ti a ni. Chuvang chuan Fiscal mahni in control tura a rawn tibna, khatiang Legislation siam tura a rawn tibna kha kan sorkar kha 11th Finance Commission report kha lamu chung renga a tih loh avang kha, central sorkar pawhin a duh a, sum leh pai kan harsatna avangin. Hei hi chu tih tur a ni e, tiin ka rawn move ve ngat a ni. Chutiang chiahin 11th Finance Commission ang deuh tho kha 12th Finance Commission in-a a rawn ziah pheik 156 ah hian chiang takin Constitution 73rd & 74th amendment hi Mizoroma excluded area extend turin a rawn recommend a, chu chu Mizoram a ni a, chumi a rawn recommend na zara municipality kan neih bakah kan neih ngei ngei tura a recommend chu chiangkuang takin a sawi a. Chu chu State Finance Commission a ni a, State Finance Commission nei tur chuan kha kha pass a ngai tlat a ni. Chuvangin, conformity act pass a, central sorkarah pawh kha kha zu tih a, an nin min rawn pass sak tur ang chi khan kalpui ngai chi anih avang khan hemi hi a pawng a pui a tih ni lovin sorkarin kan tihtur ang, kan tihtur awm tak si kan tih loh thin ang bill a kha anih thin avang khanin thahnemngaihna thu ah pawh helaiah hian a pawng a puia in tih finvanga "hei hi in pulut ve ngawt ang" tih ang chi ni lo deuh kha. Mizoram sorkar ngei a ti tur a rawn recommend-na lo lut chu kan tih si loh a kha kan thanharb nan pawh a ni ang e, kan pass duh lo anih pawhin, kan pass duh anih pawhin a tha hlei hlei tih kha beiseina in ka rawn move ve a ni tih kha kan Mamit biaitu zahawm tak chhan nan kha ka han sawi duh a.

Tin, hmanni lawkah Pu Thawla te nen Delhi ah kan zin tumin Water Supply System kan zuk zir tumin Delhi Water Board CEO te kan zuk hmu a. Hetah hianin Water Supply System te leh Town Planning reng reng hi municipality kuta awm a thatna chhan kha chutah min lo dawngsawngtute khan elaborate takin an sawi vek mai a, a thatna em em mai chu khawpuih mipui rorelna awm chu official ten han tih dawr dawr mai hi thudik leh thil tha pawh nise mipui hianin negative reaction an nei tlat mai a. An mahni thlan ngeiina an nawr hi chuanin an in surrender tlat mai thin a, Delhi ah pawh hian Water Board lama hetiang Municipality Corporation an rawn take up a, an mamber te mipui thlan ngeiin a min rawn ho a, kan han kal hianin tih theih loh tura ngaih officer te leh hetiang hovin kan katlang pui theih lo hi politician ho in min thlem a, thiam takin an ti leh mai thin a, an ti a ni.

Chuvangin, Delhi ah pawh khuan Municipality Corporation te, Delhi Development Authority pawh awmin khauh takin kal thin mahse, khungte khu municipal corporation hmuatah a awm a. a chhan chu thil han tih tak tak dawn a, min thiltha an tih duh chuan an rawn titlang dawn a, khatah mipui atanga negative reaction lo awm tura pawh hian lo thlem dam a, hrethiam tur leh pawm tura tan la thei ber chu politician hu anni.

Chuvangin, politician ten kan quality dik tak hi kan hmang thin lova. Aizawl khawpui zauh tan tur pawh hian sorkar hnathawk officer ten an tih ai chuan neitu a locality word ten an thlantian politician hovin zaidam ruhi si leh dan hmang tlat si a hmalatu tur a ngaih a ni. Sorkar hnathawk official ten khauh taka police te nena an tih ai pawh hian a tiang leh thin tih kha min hrilh a ni. Chu chu Pu P.P.Thawla, kan member zahawm tak pawh khan a la hriat ka ring. Chuvangin, mipui aiawh te hian rorelna chungchang thuah hian mipui cheng dek leh mipuite hi dan zawm tur a thlem turin an tha ber an ti tlat a ni. Chuvangin, khawpui inrelbawi dan tur pawh hi Aizawl Development Authority hi a tha love tihna ni lovin Aizawl Development Authority pawh hi mipui aiawh sorkar te nen katlangin a lotin a effective in ka ring. Kan fing telh telh dawn chuvangin, insu mahlo thul pahni a ni a. Pu Dy. Speaker, ka sawi duh chu, ngaihthat lohna pakhat ka neih chu, Municipality tih tur tam tak hi a dan ah khan a telve tlat mai a, chuvangin municipality hi kan mamawh lem love a, tih theih turin Aizawl Development Authority hi siam a ni tlat mai a, herniah hian min zuhral pui ang tih ka hlau a.

Tin, kan Minister zahawm tak khan a rawn sawi kha Pu Lalhmingshanga Starred Question a rawn sawiah kban "ongtikah nge Aizawl City leh Lunglei khawpuite hi Municipality rorelna sorkarin pek a tum" ? tihah hian, a chhanna hi definite lo lutukin a chhang tlat mai a. Aizawl city leh Lunglei khawpuite tan municipality rorelna sorkarin a pek theih hun sawi theih a ni lo, ti khanin a chhang deuh hlek avang khan, in tum pawhin kum 4, kum 5 a duh si chuan, a duh rei ang tih ka hlau a ni, a awmzia takah chuan. Chuvangin, thil tih tur ni ngei si kan timuang lutuk a ni, tum chhungin kum 4 a ral tawh a. Tunah conformity Act hnu a rawn chhuak leh tura kum 4 dang a ngaih leh chuan in sorkar hian a daihlo hrim hrim. Chuvang chuan Conformity Act zu nawrchhuah nan hrim hrim vawinah hian min pass pui rawh u. Chu conformity act nei tur pawh chuan kan mamawh hrim hrim, hei hi duhthu a samlo kan ti anih pawhin chumi neihna tur chuan i pass ang u.

Tichuan, Conformity Act kha Parliament in an rawn pass ang a, tahchuan kan hmang thei ta tihah chuan awle, a tha zawk kan ti anih phawt chuan sorkarin fel taka a lo duan chu, khami kha kan adopt chho leh ang a, kan kal dawn alawm. Chu chu a hmanhmawh thlak lutuk, a step han en hian vawin niah kan ti dawn e, tih hianin term dang a kawk daih. Term dangah chuan 'Ni' a chhuak tawh dawn si a, kha kha ania a buathlakna chu ni. 'Ni' chhuah hmain i ti ang u, kum 2 leh a chanve inlo nei, khawngaih takin vawin niah chuan kan pass loh chuan kan pass hman dawn tawh loh avangin, khawngaih takin tunah he 'Municipality Bill' hu min pass pui turn ka rawn dti a. A dang kha chu min dim hlawn em bawk a, keipawn react tawhlo mai ila, a tulin ka hre lova, kha kha kan sawi duh ni mai sela, Pu Dy. Speaker, ka lawm e.

DEPUTY SPEAKER

: Awle, tikhan Bill neitu in debate te a rawn wind-up a, pass a rawn dti ta bawk a. Pass remti apiangin 'remti' ti ru le, remtilo chuan 'remti lo' ti ru le.

Awle, House-in Pu Andrew Latheriana Bill 'The Aizawl Municipality Bill, 2005' chu voice vote in a hnawl ta a ni. Awle, tikhan vawin ni atana kan business chu a lo zo ta a, kan chawl rih ang a, karleh tahrik ni 27.3.2006 zing dar 10:30 ah kan thukhawm leh dawn nia.

Sitting Adjourned 4:15 P.M.

.....639/-